

TORCHƏKƏNA FATHLƏNCHA

Dəfshuwun Bata Shemed Chidchid

¹ Hur tərka dəlwer engna, le yarutisi sokən Tiyo falus, yaradı ichihi nat tərkaatə Yəso sətə tə fihile tərkaatən sakandadı,

² kə fari tərtə fihinda afshi, difitə fəra kussa fathlənchi'en tadtənhər təmbədə Shemed Chidchid.

³ Hur mundə kumchit fwada, difitə bahtə'enhi tə mərtə'en, kurbadə chədə fat'enna kanda a mbachə somsomən ndatwa təkit a thlee tə shisshingtafa, pad mbwa'adə pathlə mwanda Fara kanda.

⁴ Nadi natən tə kandəyu, ndangna kandəwa: "Mə malində Urshelima hiwa, kə pundə kə nəhhəd dəfshuni dəftə shinkən hiiyu, nda i mbwa'andəna kanda,

⁵ Kəthləm Yohanna səkən baptisma tə ama, a hanmunchə dimek nakficha sa baptisma kuni tə Shemed Chidchid."

Təra Fichə Almasihu Kə Afshi

(Mk 16:19-20; Lk 24:50-53)

⁶ Kənat Yəso humtəhi tə fathləncha, sahangndəwa: "Ləmwanda, nakənya natu ngər fəra kuturichit'ena Israila dəwa?"

⁷ Ndangna kandəwa: "Nga innuni kə sənuni thlet hanmunchə tə hanthləkchəkənwa, papa ndak nak tə alchitkən.

⁸ Nuni mbəs alchita ma bəd Shemed kə dəar inchengnuni. Nakuni nat kə shetachengna, kə nuni mbwa'a pathlengna nofcha a hur Urshelima tə hachahai Yahudiya nat tə Samariya tə sərət kishitə nat."

9 Kə mbuutən kichu, kanda ɗar kələnda, tərangficha afshi kə hur husomba'a, ɓakna shekata hwanichengnanda mwa'unda ngər nanndəwa.

10 Kanda ɗar kələta afshi, məlan paɗ mələ pəɗata, ɓak nofchi chappa thlara thləmatnanda, tə njelechə heɗəɗa.

11 Nɗangnda kandəwa: "Hishcha Galilicha, kəthləmmə natuni kikit kənuni kələta afshi? Yəso ti tərɗandə ficha hurnuni kə afshiya, farəyuna nan ngər ɓata nda i natuni pəɗat'ena hur afshi."

Ted Fichə Matiyas kə Ngərka Kwar Mwanda Yahuda

12 Thlaakənda malkəndə shohla Zaitunhi ngərangndə'ina Urshelima nakən nga langngəwa, witə nduk ka mel əta.

13 Kə nannda sata həmətkən, tərəkənda huri afshi kə mbəɗi nanndə ɗəndas. nda: Bitrus, Yohanna, Yakubu, Andarawus, Filibus, Toma, Bartalamawus tə Matiyu, Yakubu hweya Halfa tə Saminu lə mbat thlət inda punofcha ɗi tə Yahuza hweya Yakubu.

14 Humkəndəhi natyu tə yarə əta, naknda nata hwandə kənding, tə Maryamu man Yəso tə nischə terchin tə hwanmanchə Yəso.

15 A hanmunchiniyu, ngomkə fafərkihi aru tə kumchitchap kə mbət əta, thlaakə Bitrus kit a hurnanda, ndakənwa:

16 "Hwanmanchina, sokkən waat kə nəhɗangfichi ihi mbuutə shunda Farə soh tə mbəɗa Shemed Chidchiɗ ɓak tə miya Dauda kə ɗar Yahuda le həmkə mbanna hur fichile kəsang Yəso.

17 Kəthləm nakna hurnəm soh, pad fəra fichi i natna səta hur toriya.

18 (Yahuda, təkəni bəbi tor'en hiitən mbətsi, həmkənhi tə inda, dathlkə hur'en bək hanhedechi'ena haiya.

19 Kusheng shiwun mərta Yahuda səkkə nofcha Urshelima nat, ak fichi mbətkənwa Akaldama tə miyengnanda, sakətkənwa mbət fwara.)

20 Dək Bitrussa mban tə ndatwa:

Nakna hur yaratkən kichuyu a hur Zabura,
ndatwa:

"Nak huraa'ena nata kətən kuffi,
mə soki nifa hurkənwa:

pad mbət soktə'en a hur torkən kə tər yuna."

21 Kəthləm ndəkən sokkən waat kə tadim yunihara a hur nofchi natəm tə kandə nat farə natma witə tə Ləmwandə Yəso yu.

22 Thlata fari sandə Yohanna baptisma kə fari tərtəndəndi a hurnəm kə afshi. Chikawun tərtə fīcha, nan sokta sheta təkəm kə dər thlata Yəso a hur məmatcha.

23 Harkəndə nofchi chap: Yusufu lela atfichəwa Barsabas, lela atndə padwa Yustus tə Matiyas.

24 Hwankənda tə ndatwa: "Ai Ləmwanda, lə sən hanndəkiketa chika wuni, cheddu le tadtuhara hur nofchi chapya.

25 Kə sokka lə thlənda hur torkən, kə tərən mbətsokta Yahuda le lengkəhi pədaka mbədi bātən yu.

26 'Yimkənda tata, səmkə Matiyas dəfkəfichinda hur fathləncha, humang fichi tə fichile kumngərənsə ertəyu.

2

Bata Shemed Chidchid

¹ Kə saatə farə pentekos, uf fa fərkit hwimndəhi mbət əta.

² Sutolluwa, səkkə fichi tit əna hur afshi nda kapat rənna'a nəhdəfə huri'i nannda hurkən dəfəs.

³ Chedkə ichi fechengnanda nda hanshuwun hwata, kanda saktəhi, kanda dəta dəar inchengnanda.

⁴ Nəhdəng fichi kandə nat tə Shemed Chidchid, tərkaakəndə shundə tə michə somsomən, də i fərəndə Shemed shunda kanda.

⁵ A thlahmbəchiniyu, Yahudawečisi fa mwanandə Farə kaən, baka a hachahaichə somsomən a hur kishita nak tə sokta a Urshelima.

⁶ Kə səktəndə iniyu, humkəndəhi ngomkənda mbət əta kəthləm a kwehər sokkənədi, chikawun mələ səktə kanda shundə tə miyengnanda.

⁷ Pədəng ən kəndəfa pad shekdəng'ində kanda, ndakndəwa: "Awi fa shuni natya nga Galilawečiwowa?"

⁸ Sək ənəkəni natma sək kanda shundə tə miya chikawuni?

⁹ kəmnangya, Fartiyaweča tə Madiyaweča, tə Elamaweča tə nofcha hachahai Mesofotamiya tə Yahudiya tə Kafadokiya tə i Fantus tə Asiya,

¹⁰ tə Firijiya tə Bamfiliya tə Masar tə fichile nak nduknduk tə Sayirin a hachahai Libiya tə romchi baka Roma. Yahudaweča tə fichile yimka tərmbəndəngnəm.

¹¹ Pad kəmnang Kiritaweča tə Larabaweča, nat kəmna sək kanda shundə tə miyengnəm kə dəar pəktat ichi sət Fara."

¹² Pəḍang ən kandəfə natnda kohərkə incheng-nandadi, ɖakndəwa: "Mənaka sakət iya?"

¹³ Chang funə mi kandəhi ndatwa: "Tə sandə am inabi ngalkəndə beng."

Bassa Bitrus A Farə Pentekos

¹⁴ Thlaakə Bitrus kit tə tahət fathlənchi kumngərənsə'ərtəyu, i'naən burathi bassangna kandəsi, ndakənwa: "Hwanmanchina Yahudawecha tə fichile naktə sokta Urshelima nat səkamnji, paɖ kə ɖəffuni i'nda i nati mbwa'anda kuni.

¹⁵ Nofchiya nga tə tərang əna kandə nda i tərtuniwa, nakən mwee mbəta bingtəyawa: hanth-likkən hanhertə ndak.

¹⁶ I natuniya ndəkən mbutə tapənaa Yowel ndatwa:

¹⁷ "Ndak Farə wa,
a mweshit hanmunchikən ni thlər Shemedəngna ɖar inda nofchi nat.

Hwechengnuni kə nishchi tə hishcha nanda mbu icha le mbwa'andə Fara kanda.
Kimshechengnuni nanda nat'ichi tamuchitnda nata,

tuburnofchengnuni nanda sənnata.

¹⁸ A hanmunchiniyu ni thlər shemedəngna kə ɖar inda mafechengna hishchi tə nishchi nat, paɖ nanda mbu icha le mbwa'andə Fara kanda.

¹⁹ Ni che ənat pəḍandə nifəfa a hur afshi,
tə i na che sakət ənat pəḍandə nofchəfa a kishita,

naknanat fwara tə hwata tə ənnda husomba'a.

²⁰ Hwatfarə nan yimta hulta,
ndəra'a nan təbərtəhi ngah nda fwara,
kana fari Ləmwandiyu bəta,

kapat fari nak mwanchin.

²¹ Farini hachiyu,

chikawun hwanka hur thlēm Lēmwanda nan
hērēkta.

²² Hwanmanchina, Israilawecha, sēkam shuniya.
Yēso lē Nazaratta, nifi chedandē Fara kuni tē
pēktat torcha tē ʾənat pēdandē nifēfa tē che ichi
somsomēn a hurnuni tē mbəd'en, nda i sētuni tē
indengnuni.

²³ Yēso tiya, fērkē fichindi tepi tehishhi pad tē
sēnda Fara, kunang kukwang kē bēllangnda tē
mbēda bēbi nofcha.

²⁴ Bak Fara thla'anda difitē bohandē hanmurtēda
i'ndi'en, kēthlēm ngu sētta hanmurta kē
kēsēndēharwa.

²⁵ Dauda kutura mbwitē ʾən kēdārkēn ndatwa: "A
nedi Lēmwandē mēla thlēmmatnē kēnding. Ngi
hēhertēfuwa, kēthlēm mēla harsēmtengna.

²⁶ Kēthlēm ndākēn, hanndēkiketengna sēk
mbēndēfa, hanshundengna in immish mbēnfata.
Tē pad thlarkē fadengna dār dēf'inda mbēda Fara.

²⁷ Kēthlēm nguna malē fadengna hur mēmachiwa,
ndu kē mallangnē iuti nak Chidchid kē yirakada
kwatwa.

²⁸ Chedīnē mba shishshingta. Nu nēhdītē tē
mbēnfata naku tēnji kēnding.

²⁹ "Hwanamanchina, ni mbēlla mbwa'anda kuni
tē kitchitwa kakannēm Dauda, ndatwa miri a
thlohaficha, kwat'en mwakēna thlēmmatnēm kē
bukweya.

³⁰ Nakēn kē tapēnaa, pad a shinwa dēffa Farē
shundēhi tē at'ichimi ndatwa kachit Dauda na
sokta mbēt sok kuturichit'en.

³¹ Bak Dauda nathi kichuyu, pad a shuwun kē dār

thlata Almasihu a hur məmatcha. Nakna ndatwa Farə ngu malənda hur məmatchuwa ndu kəmalən fat'en kə yirakadə kwatwa.

³² Thlaa Farə Yəso a hur məmatcha, kanang natani shetachə nakani.

³³ Nakən mwanaficha nakna harsəmta Fara, Pad shinkən nda i dəftən shundəhi, fəraən Shemed Chidchid kə thləka dər inchengnəm nda i səktuni pad natuni bukweya.

³⁴ Nga Dauda tərka hur afshiwa, chika məlan ndakənwa:

"Ləmwandə ndangnga Ləmwandengnəwa, soku harsəmtengna,

³⁵ Kani dəf atikrechiwa ishangnəkanda ka sarəcheku."

³⁶ "Kəthləmndəkən chikawuna hur Isra'ila kəsənən təkita Yəso ti kukwandunihiyu, ngəra Fara Ləmwanda tə Almasihu."

³⁷ Kə səktəndə shuniniyu, thləhərkən kanda handəkiketa, ndangnda Bitrus tə tahət fathlənchikənwa: "Hwanmancha, mənatani sətə?"

³⁸ Ndəkən ndandə Bitrusa kandəwa: "Kə tərūnihi kə sangfichə baptisma kuni a hur thləm Yəso kərəsti kəthləm kə kallangfichi bəbichitfechengnuni kunihi, kanuni thlət Shemed Chidchid.

³⁹ Kəthləm dəfshunihiya innuni tə hwechengnuni, tə fichile nak langngə pad, chikawun at Ləmwanda, Farengnəm."

⁴⁰ Dək Bitrusa mban tə bəssanda kandə kə toltə, nakna ndanda kandəwa: "Hərkamən fechengnuni hura səb kishi'iya."

⁴¹ Fichile fərkəkit kə dər shunda Bitrus, sang-

fichə baptisma kanda. A farəniyu chekkə nofchə
kə ɗar fafərkit nduk aru kumchit məkkan.

⁴² Baknda ɗəf inchengnanda sakini
fathlənchiyu, lə humkəndəhi kənnda chi johma,
paɗ kənnda hwanda.

Witə Soki Nat fa Təmbanda Hurkən

⁴³ Kəsang lechit chikawuni, sək fathlənchikən
ənat pəɗandə nofchifə tə sakchikən kaən.

⁴⁴ Nat fafərkit kanda mbət'ərta, chikameng-
nanda paɗ ərta.

⁴⁵ Hi'yangndə ichidə naksengnandə nat,
sakangndə handəbəlkena chikawuni, nda i
yahtən.

⁴⁶ I səkka wembəta kanda ɗəta kapat hura'a
Farə tə ndani rəmma, kənnda chi njohma a
hurechengnanda, kənnda səm'əna mbət ərta tə
mbəndəfa tə handəkiketə yuyur.

⁴⁷ Kanda mwanandə Fara, nangnda mbəs
hamta mbəda nofchinat. I səka wembəta
Ləmwanda cheka fichile hərkandəfich kanda.

3

Kəna Fichi Təradɗadi Mikəttən Hwanda

¹ Farəle nda Bitrus tə Yohanna pəɗata kapat
hura'a Fara ka hwanda a farəhuftə, hanthləkkən
məkkan.

² Bakndə tə nifə le ngəttə fichə kə tərɗə kənding
la baknda ɗəfndəhi nduk kə mi ɓang kapat hura'a
Fara lela atndəwa chamare tə mimbangnga,
kəthləm kə hwanən fər poffənna harra fa yimta
kapat hura'a Fara.

³ Kənatən nda Bitrus tə Yohanna yimta kapat
hura'a Fara, hwanaən fər poffən kanda

⁴ Nda Bitrus tē Yohanna nak nda kəllanda, ndak Bitrus wa: "Kəllan kani."

⁵ Ngərkə hur'ində'en nat kəfadəngnanda, naənhiwa nan mbəs'əna harengnanda.

⁶ Ndak Bitrus wa: "Handəbəltəngnəsəwa, i'naksengna ndəkən nati fərruta. A hur thləm Yəso Almasihu Lənazartta, thla'u wi'iu."

⁷ Kəskə Bitrus harsəmtə'en thla'a'ən. Chat-kichuyu sarrəchi'en tē sanglamchi'en səkndə al-chita.

⁸ Thlaakən pərkəna afshi thlarkənhi tərkaakən wita, yimkəna kapat hura'a Farə tē kanda, mələ wita mələ pərta afshi, mələ mwanandə Fara.

⁹ Nat nofcha nakndəndi mələ wita mələ mwanandə Fara.

¹⁰ Mbəssangndəwa məlanni lə sokka a chamare tē mimbang kapat hura'a Fara kənnə hwafərpoffənyu. Pəđang ən kandəfə kə đar i'ndi'en.

Bassa Bitrus a Kəttən Para Sulemanu

¹¹ Kəskən Bitrus tē Yohanna har, ngomkə nofchə nat kə thləmatnandə tē rahta a hur kəttən para Sulemanu, kəthləm a pəđə'ənkandəfa pad kwehər hur'inchennandəfi.

¹² Kənat Bitrus kichu, kahaan hur'inda nofchə tē ndatwa: "Israilawecha, məsək pəđandə'ənkunifə kə đar iya? Kəthləmmə natuni kələndə kani nda tē alchid'indəngnani wiitə nifiya ndu kuwur Farengnani sək wiitə nifiya?"

¹³ Fara Ibrahim tē Ishaku tē Yakubu, Fara kakechinəm nat, mələn mwanang mafat'en Yəso, le chertuni pad fərtunindi a mbanitə Bilatus yu, chikama sokkənwa tirwa nan kaləndəhi.

¹⁴ Cherkuni le nak chidchid læ kafata, hwankuni kæ kallangfichi læ bælfata kunihi.

¹⁵ Bəlangnguni le nak tə mba shisshingta har, thla'ang Fara hur məmatcha, kanang shetacha dar kitchitkən.

¹⁶ "Tə mbəda fərkit hur thləm Yəso, kəntə nifidiya, səntuni sohwa tərād. Kittəkən fərkitchidī təmbəda thləm Yəso kənanng nifidiya a hwaniteng-nuni nat.

¹⁷ Nakənya hwanmancha, mbəssadiwa i sanduni Yəso səkuni hur bəhsənda, nda i sət fa həmbanichengnuni.

¹⁸ Təkichu nəhdandə Farə dəfshundə'enhi tə miya tapənechə nat, ndatwa Kərəsti nan sat bahta.

¹⁹ Kəthləm ndəkən kæ tərunihi kæ təbrunihi bəda Fara, kəthləm kæ sapang fichə bəbichitfechengnuni dī, Ləmwanda nannata cheka alchit handəkiketa kuni.

²⁰ Pad nan thlən Kərəsti ti tadəndənakunisi soh, məlan naka Yəso.

²¹ Waat kæ sokka hur afshi kæ fari nat-ficha mbumbwedəndə ichihi nat kæ yuwachikən, nda i dəftə Farə shiwunkənhi kəsəh tə mbəda tapənechi'en chidchid.

²² Ndak Musawa: "Farə Ləmwanda nan thla'a tapəna'a kunisi a hur nofchengnuni, nda i thla'itən. Waat kæ dəffuni inda i nat mbwa'andəna kuni nat."

²³ Nakna sokta chikawun kawuchik thləmmata tapəni'iniyu na fichə səbandada hur nofcha.

²⁴ Tapənechi mbukə ichi nat, thlata Samaila ka kəs fichilesi baka dīfi, mbwində ichi naka sət nat a hanmunchi nakənya.

²⁵ Kunang naka hwecha tapənechiniyu pad kuna hur dəf shunini dəfandə Fara kakechənəmhiyu.

Kəthləm ndang Fara Ibrahim wa: "Tə mbəda kachitwa na nofcha kishita natta mbəs ənhər.

²⁶ Kə thla'andə Farə mafat'en Yəso, tərkaakən thlənnədi kə mbədegnuni Israilaweča, kəthləm kə fəraən mbəs ənhara kuni tə mbəda təbrandə chikawuna hurnuni kə malaən bəbi də səchi'en."

4

Bitrus tə Yohanna Mbanitə fa Yarandə Ichihi

¹ Pərischa tə la həmmbanita fa pu kappat hura'a Farə har tə Sadukiyaweča, bəknda mbəsnda Bitrus tə Yohanna kanda hur shunandə nofcha.

² Shibhurchengnandadi kəthləm kanda sakanda nofchihar tə sənanda kandəsəwa məmatcha nanda thlatə tə shishsingchafa nda i thlaatə Yəso.

³ Kəsangndə kanda, dəkndə tə kanda kəttən pursuna kə ishki, nakən tepa shid farəhufta.

⁴ Yakat fichile səkkə bəssikən, fərkəndəkitsi. Nofchi fərkəkittəkən sheendə aru kumchitdorman.

⁵ Bingətkən, fa yarandə ichihi a kuturchitkən uf tə fa həmmbanita tə maldəmcha fa sakandə kussadi, ngomkəndəhi a Urshelima.

⁶ Tə Hanana kapat pərist tə Kayafa tə Yohanna tə Alekzanda, nat ta fichile naka hur ngitikta kapat pərist.

⁷ Bəkndə tə Bitrus tə Yohanna, thlarangndə kandəhi kə hur diffi, sahangndə kandəwa: "Tə alchitmi ndu tə thləm wuni sətuni ichiya?"

⁸ Bitrus, nəhədkadə tə Shemed Chidchid, ndan-gnakandəwa: "Kuturcha tə pəktat nofcha,

⁹ Sahangnguni mi kani bukweya kəthləm kachidi sandani tərədtiyawa tə mbayi kəntəna diyawa?

¹⁰ Yahkisi kə sənuni nattuni tə Israilawecha, ndatwa tə thləm Yəso Almasihu Lənazaratta, le kukwandunihi thla'andə Fara hur məmatcha, kəntə nifidi ngwalngwal kita mbanitənuniya.

¹¹ Məlan naka:

"Ngwiyi chertuni kunang fa tincha, ndəkən sokka kukuwun tinda."

¹² Nifəsi na mbəssa kabi nifə chika ərətəwa, kəthləm thləmsa hur kishi'inatya fərəndə fīcha nifa le na mbəssakabikəmwə."

¹³ Kə natndə alchit shunda nda Bitrus tə Yohanna, pad mbəssangndəwa nga fa sən'ənwa, pad fa bahcha, pəđang ən kandəfa. Bədnda mbəssandə padwa kəsəh nakndə tə Yəso.

¹⁴ Kənannda nat nifi kənanəndədadadi kita hur-nanda, bahkəndə i nannda mbuta.

¹⁵ Ndangnda nda Bitrus tə Yohanna wa kə chen-dakisha kəttən yarangndə ichihi, kə yarangndə ichihi kə ndani.

¹⁶ Ndakndəwa: "Nakma sandə nofchiya kəni? Mbandəsə namma ndatwa sundə ənat pəđandə nifəfuwowa, kəthləm chikawuni a Urshelima shinwa shid fīchə ən kichu.

¹⁷ Kəthləm kə njaam dəttəkəna kanda mban, bəkamna kanda, mə ngərinda shunandə nifa hur thləmmiyawa."

¹⁸ Akndə fathlənchikən, bəkangnda kanda mə ngərinda shunandə nifə ndu kə sakangnda nifəhar hur thləm Yəso wa.

¹⁹ Ngərang nda Bitrus tə Yohanna kandəsəwa: "Keekesa mbanitə Fara kə səkani innuni kə cherani i Farəwa, Kəlamən kənuni.

²⁰ Kəthləm kanang ngani malandə mbu i natani tə i səktaniwa."

²¹ Ngærkëndə chekandə bokanda kanda kalkəndə kandəhi, kəthləm sənundə mbayi nannda fəra bwenne kandəwa kəthləm nofcha. Kəthləm chikawun mələ mwanandə Fara kə dar i səka.

²² Nifi mbəskə kəndəfadi tə mbanda ənət pəfandə nifəfa, sherada hurat kumchit fwada tə ngətta.

Hwanda Fafərkit ti Shuwunkə Nga tə Lechifuwa

²³ Kə kaltəndə kandəhi, nda Bitrus tə Yohanna pədaknda mbəs fahchinanda, mbwa'angndə i kandə mbutə pəktat pəristcha tə pəktechə.

²⁴ Kandang pad kə səktəndə kichu, thla'angndə burechengnanda mbəda Fara hurhwanda, ndakndəwa: "Ləmwandə lə alchitnat, sokən sək hur afshi tə kishita tə hawurta tə ichi naka hurkən nat.

²⁵ Tə mbəda Shemed Chidchid, tə miya kakan-nani Dauda, mafadeku ndatuwa:

"Kəthləmmə səbbəndə punofcha huradi?

Kəthləmmə nat nofcha kike kohat i'cha?

²⁶ Kuturcha kishita tehishndəfa mbata, fa həmmbanita humandə inda kə dar Ləmwanda tə Kərəsti pad."

²⁷ "Kittəkən a hur həmədiya Hiridus tə Buntus Bilatus humandə inda tə punofcha tə nofcha Isra'ilaweche kə sangndə bəbichitfatfa nat kə dar mafadeku Yəso le taftuhar.

²⁸ Humangndə inda kəthləm kə səndə ichi taptu kə tahsangnəhi tə alchideku tə yahtekuwa nan sətə.

²⁹ Nakənya Ləmwanda, kələndən kah thlemmadəngnanda kə Fərangnə mbabəs shundeku mafecheku tə alchita.

³⁰ Kella tidfdangnə harekuhi i kəndadi, kə sani ənat pəfandə nifəfa tə sakchikən tə mbəda thləm mafadeku chidchid, Yəso."

³¹ Difitə hwandengnanda, mbədi humtəndəhi həhərkənfa, nəhdang fichi kandə tə Shemed Chidchid. Bəskəndə pathla Farə nga lecgitfuwa.

Chikama Fəfərkit Ərta

³² Sərat fichile fərkəkit, humkəndəhi handəkiketə ərta tə yarə ərta. Ngusə ndakwa i naksə'enwa ikənwa, chikamə naksengnanda innandə nat.

³³ Fathlənchəkən fərkəndə sheta tə thlata Yəso Ləmwanda hur məmatcha tə alchita, pad Kachita Farə kaən a dər nandə nat nda.

³⁴ Ngusa hurnandə bəhkə ənwa, kəthləm nat fa hurecha tə hicha hiyandadi bəknə tə handəbəlkən.

³⁵ Bəknə tə hanndəbəlkən, fərangnda fathlənchəkən, sakang ficha nofchinat chikawun keeke a i yahtən.

³⁶ Nifəsi thləmkənwa Yusufu, lə Lawita kacitkən lə Kubrustə nakən, la at fathlənchəkənwa Barnabas (sakitkənwa: "Hwan cheka alchita handəkiketa")

³⁷ Hiyaən hitə'enadi, bəkən tə hanndəbəlkənna bənitə fathlənchikən.

5

Hananiya tə Safiratu

¹ Nifəsi thləmkənwa Hananiya tə nuhkən Safiratu, hi'yaən mbət enadi.

² Bəbweekən handəbəlkən har tə sənda nuhkənsi, bəkən tə təhhətkən dəfkənhi mbanitə fathləncha.

³ Ndəkən ndat Bitrus wa: "Sokən Hananiya, mäsək malandu Shedän kə nəhdaən handəkiketeku kə lekangna Shemedsä Chidchid, buḅweetu handəbəlta harra hur handəbəl hiti hi'yandudi?"

⁴ Thlateku kə dəna hi'yandadadi, nga iuwowa? Difitə hi'yadekudi, handəbəlken nga iuwowa? Mäsək dəftu lekta hanndəkiketeku? Nga nifə lekandusəwa, Fara."

⁵ Kə səktə Hananiya shuniniyu, həmkənhi məkən. Nat fichile səkka kəsang lechit kandə kaən.

⁶ Bak kimshecha təranda kish, fwadangndə tə njeli thlohmurta pədaknda thlohhandə.

⁷ Difitə nda hanthləkkən məkkan, yimkə nuhkənsi, sənuta i səkwa.

⁸ Ndəkən sahandə Bitrus wa: "Bu'itən, hi'yangnguni hitidiyu kichawa?" Ngəmanwa: "Aa, kichuyu."

⁹ Ndəkən ndandə Bitrus wa: "Mäsək human-duni mi kə kikedangnguni Shemeda Ləmwandə kicheya? Suku kwarsara fichile pədaka thlohhandə səmatu, kanda mikənnda, nanda təruta kish pad."

¹⁰ Chatkichuyu, həmkənhi məkən. Kə yimtə kimshechikənsi, mbəssangndə kə murətkən, tərəkəndəndi kitangnda kish pəadangnda thlohhandə thləmat səmaha.

¹¹ Kəsang lechit kəttən hwakən kaən nat ta fichile səkkə ichiniyu.

Shid Fathlənchi Ənat Pədandə Nofchəə oi

¹² Shid fichi ənat pədandə nifə tə sakchikən kaən a hur nofcha tə bəda fathləncha. Nat fafərkit la ngomkəndəhi kəttən para Sulemanu tə yarə ərta.

13 A hur tahhət nofcha, ngusə chedkə nda nan yimta hurnandəwa, chika kichu la fərang nofchə mwanda kanda.

14 Nak fafərkitta chektə kaən kə bəda Ləmwanda, sherada le soh, hishchə tə nishchə nat.

15 Ala bakndə tə hacha mimbacha, funa mbət'hunecha funa dəngəlcha, kəthləm ma Bitrusa mbərtəhi, chika mirshingtə'en kədən tə dar funa.

16 Nofcha a thlet mbichi somsomən taurang Urshelima hiyu naknda ngomta, kanda bat tə hacha tə fichile nat bəbiləwurcha bahandə kanda, kənanɡ fichi kanda də natnda.

Bahha Fichi Fathləncha Kəthləm Fərkīt'engnanda

17 Thlaakə kapat pərist tə fichile naka thləmatkən, fa tərmbanda Sadukiyawecha, nakndə tə sərəhtafə kaən.

18 Kəsangndə fathlənchikən, dəkndə tə kanda pursuna.

19 Sokkən a fiddikta, bak Mala'ika Ləmwanda i'nandə mikətən pursunechikənhi, chaən kanda kish ndangna kandəwa:

20 "Dama kapat hura'a Fara duni thlarəhi hurkən kə mbwa'angnguni nofcha pathlə yuwa shishshingta kanda."

21 Kə səktəndə kichu yimkənda kapat hura'a Fara bingta naknda sakandadi. Kapat pərist tə fichile naka thləmatkən chekndakish, akndə fa sakandə ichihi tə fa həmmbanita Isra'ilawecha, thlənkənda pursuna kə bafichi tə kanda.

22 Kə dət fa pu pursuna təkən, mbəsawundə kandəsəwa, baknda dadi ndakndəwa:

23 "Dəkkani mbəssandi pursuna təkəna kubultə ndiichin, fa putəhar kandəsi a mikəttəenchikən,

kə i'nandanihi mbəssawani nifa hurkən chika ərətəwa."

²⁴ Kə səktə kapat lə pu kapat hura'a Farə har kichu tə pəktat pəristchikən, kohərkə inchengnandaɖi, naknda sakandəhi mənə kuwurdifitəkən.

²⁵ Bakyuna ndanda kandəwa: "Nofchi somtuni pursunayu kanda hur kapat hura'a Fara kanda sakanda nofchihar."

²⁶ Fa pu kəttən hwakən har tə kapat nanda pəɖaknda bat tə fathlənchikən, paɖ ngatəalwa, kəthləm pəktechikən kanda lechita məməmuhanda kandəfə tə ngwichəwa.

²⁷ Kə batndə təkanda, thlarangndə kandəhi a mbanitə fa sakandə ichihi. Nak kapat pəristsa sahəmi kanda.

²⁸ Ndakənwa: "Bokandəmakuni, mə ngəriduni sakanda nifihar a hur thləm nifiyawa, chika kichu nəhɖaɖuni Urshelima ɖi tə saktengnuni kə ɖarkən, a yahkunisə nakənya kə tərənə hakke tə fwara nifiya kə ɖa ɖar inchegnani."

²⁹ Bitrus tə tahət fathlənchikən ngəməngndəwa: "Sokkən waat kə sani i mbutə Fara nga i mbutə nifuwa.

³⁰ Fara kakechinəm thla'ang Yəso hur məmatcha, le mbəlanduni tə mbanda kukwandəhi ɖar palita.

³¹ Məlan mwanandə Fara ɖəfkəndə tə harsəmtə'en, sangna lə həmmbanita paɖ lə thlət nofchadi. Səkən iniyu kəthləm Isra'ilawecha kə mbəsndə mba tərtəhi kə kalangfichə bəbichitfechengnanda kandəhi.

³² Kanang shetacha kə ɖar ichini natyu, kichu paɖ tə Shemed Chidchid, fərandə Fara fichile la

kuwurkə ichi la mbutən."

³³ Kə səktəndə kichu, səbkə hurchengnandafi kaən, yahkəndəsa bəllandə kanda.

³⁴ Yunəsa mbənniyu lə Farisiyawata nat thləmkənwa Gamaliyel, lə bəssə kus, le la fərandə nofchinat mwanda, thlaakən kit a hur fa sak'michikən ndakənwa chamən nofchikishya kwandən.

³⁵ Kanna ndanda kandəwa: "Hwanmanchina Isra'ilawecha, mbəramsa i yahtunisa sandə nofchiya.

³⁶ Hurechi mbərkəhiyu, bək yunə kichu wa məlan Tudəs, təkən ində'en nda ənnakən, nifə aru fwada dək kakən, bək fīcha bəllanda, fīchile dək kakən nat wuwelkəndəhi.

³⁷ Difitə məlan pad, fari nat fīcha thlikandə nofcha, bək yuna wa məlan Yahuda lə Galilita, chikaən funa kuwurkəndəndə, məlan pad thlərətkənədi. Fa kuwurndə təkən wuwelkəndəhi.

³⁸ Chikale nakənya, ni mbwa'andakuni, chamakisha mbanda nofchiya, ma i natnda sakta i nifa, ngu ndəta mbahwa:

³⁹ Ma i Fara, nguni mbəla sa'ənkandəwa. Na fīcha mbəssandə kuni kuna mbat tə Fara."

⁴⁰ Ngəməngndə shundə'en, akndə fathlənchikənnə hurkən, təppangnda kanda. Ndangnda kandəwa mə ngərənda shundə tə thləm Yəso wa, kannda kalə kandəhi.

⁴¹ Fathlənchikən malkəndə mbanitə fa sakandə ichihi, kanda sət mbənfata a dər ndatwa shəkndəsi kə sandə bahta kəthləm thləm Yəso.

⁴² Chikayen wembəta, ndu hur kapat hura'a Fara ndu huri, malaundə sakandədi tə fər kusheng shundə mbinchin kə dər Yəso wa məlan

naka Kərəstiwa.

6

Ted Fichi fa Torchihar Mud

¹ A hanmunchiniyu nak fa fərkitta chektə oi, nak hurumtəsə kaən. Yahudawecha fa shuwun Helenanchi naknda hurmanda Ibraniyawechəfa, fa shundə tə mi Helenanchi, wa kəlundəsə nishchengnandə fichile mərtə hishchengnanda ka sak ichi kənding wa.

² Fichile kumngərənsə chapyu akndə fa fərkit ndakndəwa: "Kamusə kimnang kə malaam bəssə pathla Farə kə yimma pathlə ndəsəmtə wa.

³ Kəthləm ndəkən, hwanmanchina, tadam nofchihar mud a hurnuni, fichile la fərandə fichə mwanda kanda, pad nihidndəfi tə Shemedə tə sənda, kə səmkanda dər toriya.

⁴ Kəmnang nakma nata dər hwanda tə sakandə shuwunkənəfi."

⁵ I mbutənda mbənanagna nofchifə nat. Ndəkən tadtəndə Istifanus, nifi nəhidkə tə fərkit tə Shemed Chidchid tə Filibus tə Burokoras tə Nikanor tə Timan tə Barminas tə Nikolas lə Antakiyata le yimka tərmbanda Yahudawecha.

⁶ Fichileya bəndə tə kanda mbəda fathləncha, hwankənda dəffaən harra kanda in.

⁷ Nak pathla Fara nata dətə mban. Fa fərkit naknda chekta a Urshelima kaən, pəristchə terchin fərkəkit.

Kəsə Fichi Istifanus

⁸ Istifanus, nifi nəhədkađə tə kafata tə alchita, shidətə pəktat icha tə ənat sakchikən kaən a hur nofcha.

⁹ Funəsi a mbət humta Yahudawechihi lela atfichiwa kəttən hwanda fichile kaltəfichihi, thla'angnda Istifanus fa tə halə'inda, Yahudawechə baka Sayirin tə Alekzandariya tə funa hachahai Kilikiya tə Asiya.

¹⁰ Nakən tə sənənafə fərandə Shemed i shunda, ngusə mbəlaakə thlarəhi kə halən'ində təndəwa.

¹¹ Shipangndə yipta funa hur a bəbweeta kə mbundə lektə kə dər Istifanus ndatwa: "Shikanindi mələ erə Musa tə Fara."

¹² I'nəyu thla'andə hur'inda nofcha, tə fa həmbanita, tə maldəmcha fa sakandə kussadi. Kəsangndə Istifanus bakndə tənda mbanitə fa sakandə ichihi.

¹³ Bakndə tə fa fər sheta tə lekta, ndakndəwa: "Nifiya kənding la nakna mbu səb'icha kə dər mbədi chidchidya tə kuschə Musa,

¹⁴ Kəthləm shikanindi mələ ndatwa Yəso Lənazareta nan fəffalandə mbəndidiya, kə mbumbwedaən dəsəchengnəmhi le malandə Musa kəmhi."

¹⁵ Kə səktə nofchi nat sokkəhi bət humkənhi, thlərangndə hwanichafa, nakndə chumwandə'en nda i Mala'ika

7

Fər Ngəmta Istifanus

¹ Kapat pəristəkən, sahaən mi Istifanus wa: "Ichi natnda chitsəhi dərəkənya kitwa?"

² Ngəmang Istifanus wa: "Hwanmanchina tə shinchina, səkamnji. Fərə ləmwanda chedang fat'ena kakatnəm Ibrahim a Mesofotamiya, kana ndəta sokta a Haran.

3 Ndaənwa: "Chukisha hachahaiyeku tē parchəwa kə yimna hachahaiyi nati cheduta.

4 Thlaakən malkən hachahaiya Kaldiyawechə hi kə hachahai Haran kə farə mərta shinkən. Kana Fara battənda bədi natunisə nakənya.

5 Fərawu Farə mbəta mbənniyu kə ikən chika ishtë ərətəwa, ndəffaən shundəhi tē ndatwa, kəmban hachahaikən nat nan sokta'ikən tē kachitkən chika nguchik hwe'ensiyu.

6 Ngərkə Farə shunandə ndatwa, na kachitwa dətə sokta a hachahai somən kə mafecha, nanda sat bahtə kaən kə hurat aru fwada.

7 Nifəra bahta hachahaiyi sang nofcheku kə mafechiyu, ndak Farəwa, 'a mweshikən nanda chetakish kə banda mwanita a mbədyā.'

8 A hanmunchiniyu dəffang Fara shunda Ibrahim hi i hesha. Ngətkə Ibrahim Ishaku, heshaən a mundə fodfoda. Naknamban kichuyu, Ishaku heshaən Yakubu, Yakubu heshaən hwanchi'en kumngərənsi chap kakechinəm.

9 "Kakechənəm təkən naknda sərəh Yusufu, hi'yang ndandə kə Masar anakən Farə təndi.

10 Thləkkənnada hur bahta, fərang Farə mbəs'ənhar tē sənda a mbanitə Fir'auna kutur Masarcha, fərang kuturkən mwanda a hachahai Masar uf pad fəraən huraa'ena har.

11 Bak mita yimta hachahai Masar tē Kan'ana, tē bahtə kaən sokkən kakechinəm dəsəmtengnandəsəwa.

12 Səkkə Yakubu wa dəsəmtəsa Masar, thlənkən hwechi'en kakechinəm kə Masar kəthləm kə dənda hi ndəsəmta pad tərka dədengnanda.

13 Chapatə dədengnanda, chedang Yusufu fata hwanmanchikən, pad chedang Yusufu hwan-

manchikəna Fir'auna.

¹⁴ Thlənke Yusufu wa shinkən tē tahhət witənandə nat, nifə kumchitmuḏ ngərənsə ḏurman, kə banda hai kə Masar.

¹⁵ Pəḏak Yakubu kə Masar, məkəna mbənniyu nda i mətə kakechinəm.

¹⁶ Kohkə fichə məmatchinanda kə Shekem ḏəkficha thlohəndə kanda a hur kwadī hiitə Ibrahim tē handəbəlta a hara hwecha Hamor a Shekem təkən.

¹⁷ Nak farə ḏəf shunda Farə hi tē Ibrahim satə nduk, Yahudawechikəna a Masar chekkəndə kəən.

¹⁸ Tərkə kutursə somən a Masar təkən le sənuchik ən kəḏar Yusufu

¹⁹ Kuturəniyu a pupwiktə nofchengnəmhi oi paḏ a fəradə bahta parchinəm, la ḏəfkən kandə kə somangndə hanngwa'yarchengnəndaḏi kəthləm kə məmatnda.

²⁰ A thlahbəchiniyu ngəttəfichə Musa, hwee ndi-ichin a mbanitə Fara. Kəskə parchikən ndəhar ndəraa məkkan a hurhura'a shinkən.

²¹ Kə muhandəndaḏi ḏək hweya Fira'una tərta saən nda hwe'en mwanaən.

²² Sakangfichə sənda Musahar i Masarawechi nat, paḏ alchit'ensi a hur torchə tē shunda.

²³ "Saakən hurat kumchit fwadā, ndakənwa kəmsə kəda nat fahchikən Israilawecha.

²⁴ A farəle nakən lə Masarta bahəndə hwan-mankən, thləkən hwanmankən bələən hwan lə Masartiyu.

²⁵ Naən Musa hiwa hwanmanchikən Israilawecha mbəsəndəwa Farə naka sət tor təndi kə chaən kanda kissha hur bahta, a nakən bəssawundəwa.

²⁶ Wenkəbətə ngərkən chetakish, nakən

hwanmanchikən Israilawechi chap kanda mbata, 'yahkənsa mbənanədə kanda, ndakənwa: 'Hishcha' nakuni hwanmani məsək natuni mbata?"

²⁷ Lenaka fəra bahta shekkənyu njingtaən Musa di ndakənwa, 'Wun dəfkəsa kutura tələ sakmi kə dərnani?"

²⁸ 'Yahnəsa bəlītə nda i bələndu lə Masarti bəraa'yuwa?

²⁹ Kəsəktə Musa kichu, rahkən malkən hachahaikənhi pədakna hachahaya Midiyanacha sokkən kə romma bənniyu pad ngaəlngən hweechi chap kə hishcha.

³⁰ Difiətə hurat kumchitfwada, chedəng mala'ika fat'ena Musa tə mbənda hanshuwun hwata, naka kəsta dər hanafta a loktara nduk tə shohla Sina'i.

³¹ Kənat Musa i'niyu pədəngənfa mbənniyu. Bəhkən nduk kəthləm kənanhi ndiichin, səkkən bəratə Ləmwanda:

³² 'Njang naka Fara kakechuwa, Fara Ibrahim, Ishaku tə Yakubu.' Lechik Musa, nakna saktatfa təraən hwanitadi.

³³ Ndəkən ndandə Ləmwandəwa, 'Mbasan pahəmchekuhi, kəthləm mbədi thlartusiyu chidchidə mbəta.

³⁴ A nedi bahta nofchengnəhi a Masar. Shiki tidəngnanda, Bakihaiya kəthləm kəthlə kandadi. Nakənya du ni thlənsa kə ngərangnəinna Masar

³⁵ "Musati chertənda ndatwa: 'Wun dəfkəsa kutura tələ sakmiya?' Məlan thləntə Fərə nakənya kə naka kutura tələ thlətkandadi tə mbəda mala'ika chedəng fat'en tə mbənda hwata dər hanafta.

³⁶ Nifiniyu chang kanda kish a Masar, difiətə sət ichi pədəng nofchifə kaən, pad tə i sətəna a fi hawurta tə loktara, tərəkə ndə hurat kumchit

fwada.

³⁷ Musa təkən ndangna Israilaweche wa, 'Na Fara thla'a'ndə yuna hurnuni kə tapəna'a nda njang.'

³⁸ Nifikən nakna hurnuni fari ngomtunihi a loktarə tə kakechinəm tə mala'ika baka shunanda a shohla Sinaiyu tə shinchinəm. Mbənniyu thlət Musa shuwun nathi kana bata fəranda kəm.

³⁹ Kakechinəm təkən cherkənda fəra mwanda, kawundə thləmatwa. Cherkəndəndi a 'yahkəndəsa ngərändəinna Masar.

⁴⁰ Ndangnda Haruna wa kə tahsaən dəhhacha kandəsi, fichile na nata mban. Kəthləm sənwum i kəskə Musa ti chang kəma kishsha Masar wa.

⁴¹ Tinkəndə dəhhata nda hwalata, thlangndə burat dəhərəmcha dəhhakən i mbənfata kə đar i tahəstəndə tə harchengnanda.

⁴² Təbrang Farə həsəra kandəfa malkən kandəhi kəndda mwanandə handərecha afshi nda farengnanda, nda i natna hur yaratkəna tapənecha, kunang Israilaweche, njang thlanduni burat dəhərəmcha mwananduni dəhhacha a loktarə hurat kumchitfwada wa?

⁴³ Harkuni kəttən dəhhachengnuni Molek tə dəhha handəra'a Refan, nakuni witə tə kanda, dəhhachi tahəstuni tə harcha kəthləm kə mwanangnguni kanda, njang pad ni harandi kuni kə đifitə Babila.

⁴⁴ Soh kakechinəm tenti engnandəsi a loktara, le chedkəwa lanak Fara mbənniyu. Ndəkən na tenti tə ndandə Fara Musa wa kə tahsən, tahəskəndə nda i ndandə Fara kanda.

⁴⁵ Đifitə hurecha, kakechinəm ti thlək iniyu, bəknə təkəna hachahayi fərändə Fara kanda, đifitə rəki rəktə Farə nofchi naka hachahaikən,

fari nat Joshua kə lə həm mbanita. Tenti tiniyu nakna mbənniyu kə thlahmbədi sət Dauda kuturi-chita.

⁴⁶ Dauda təkən mbishtə dʷwachita mbəda Fara a hwankənwa nan tina hura'a Fara Yakubu si.

⁴⁷ Sokkən Sulemanu tinang hurikənsi.

⁴⁸ A nakən Kapat Ləmwanda sokwa hurə'i tintə nifə tə harwa, nda i ndat tapəna'a,

⁴⁹ "Hur afshi mbət soktengna, hachahaya mbət sət sarəchengna, witə hurəmə natuni tinitəsi? Padaa witə mbət yipmi natuni tinitəsi?"

⁵⁰ Nga harchengnə tingkə ichi natyawowa?

⁵¹ Kunang fa kwaakwachit hur i'ncha, tə fa kwaakwachit handəkikecha, tə fa kwaakwachit thləmecha, kə nding kuna cherami Chidchid tə Shemed fa. Sək kakechinuni kichuyu a nakuni sətichu kunang pad

⁵² A hur tapənecha, wun fərawuchit kakechinuni bahta? Bəlandə fichile mbukə bata lə kafatchidchid. kunang pad fərkunində a bəllangnguni.

⁵³ Thləkuni kucha Fara cherkuni hərəmtəhar keeke.

A Bəllandə Istifanus tə Muhta

⁵⁴ Kə saktəndə kichu səbkə hurchengnandə, nangnda cha'andə hanthlanchengnandə kə dərəkən.

⁵⁵ A nakən Istifanus a nihidaʔi tə Shemed Chidchid, kəlakna hur afshi a nakən mwanda Fara, pad Yəso kita harsəmta Fara.

⁵⁶ Ndəkən ndat Istifanus wa: "Nama, a nedī afshi inhi pad hweya nifa kita harsəmta Fara."

57 Thlaakəndə tə kapat kukwara, ngəlangndə thləmechengnandə tə harchengnanda ngomangndafa.

58 Changnda kish kə həsər hura'a ndəknda mumuhwandafa. Fichile mumuhwangfiyu malkəndə ichengnanda mbənniyu hara kimshaa lela atfichiwa Shawulu.

59 Naknda mumuhwanda Istifanusafa, hwankən ndatwa: "Ləmwandə Yəso, thlu shemedengna."

60 Həmkəna dər wedchi'en, i'naən burathi kaən, ndakənwa: "Ləmwanda, mə thlikani bəbichitfechiya a dər inchengnandəwa." Mbukən i'niyu, məkən.

8

1 Huned Shawulu dər bəl Istifanus.

Shawulu Fərandə Bahta Bət Ngəlhwanicha

A farəniyu thlaakə kapat bahtə kə dər fa tərmbayi naka Urshelima. Wuwelkandəhi kə thlet həmət Yahudiya tə Samariya, fa thlənchə ndak maltəndəsi.

2 Funə nofchisi fa mwandə Fara ndəknda thlohandə Istifanus, tikndə kaən kə mərti'en.

3 A nakən Shawulu ndəkna mban tə fəra bahta fa tərmbanda nda hishchə tə nishcha, la yimkən huraahura'a, məla somkanda pursuna.

Besh Filibus Pathla Fara A Hur Samariya

4 Fichile wuwelandə fichi kandəhiyu, pədaknda thlet mbichə somsomən naknda bəssə pathla Fara.

5 Pədak Filibus kə hurhuri Samariya dəkna nata bəssanda nofchisi kə dər Kərəsti.

⁶ Nofchi oi tē handəkiketē ərta səkkənda, nakndə ənat pədadəfadifə natna sətə, naknda kathləmata i nat Filibussa mbuta.

⁷ Bəbi shemechi naka chetakishyu naknda kukwara. Təradcha tē fichile sakkadi kanda kədəfi.

⁸ Nak mbənfatsə kaən a həmədiniyu.

⁹ Nifəsa mbənniyu thləmkənwa Saminu, lə sət tor kullata, lafəraən ənat pədandə Samariyawechafa, la tərəkənwa kapat nifə nakən.

¹⁰ Chikawuni, hanhwe tē kapatnifa nat a fərandə hur'inda tē ndatwa: "Nifiya alchita Fara la atfichəwa kapat Mwanda."

¹¹ A fərangndə hur'ində kaən, kəthləm a mwīn tirəb mēla sət ənat pədandə nofchifa tē ənat kul-lechi'en.

¹² Paf kə bat nofchiyu fərkitta bəssa Filibus kə dər kusheng shundə bīnchin kə pathlə kurturichita Fara tē thləm Yəso Kərəsti, sangndə baptisma kanda, hischi tē nishchi nat.

¹³ Chika Saminu tē i'ndə'en a firtəkit, saən baptisma nakna witə tē Filibus kalutəndəhiwa. Saminu nakna nat ichi natna sətə i pədandə nofchifa, mēlan paf pədang ənfa.

¹⁴ Kə səktə fathlənchi Urshelimayuwā, Samariyawecha a thləndə pathla Fara, thlənangndə nda Bitrus tē Yohanna kanda.

¹⁵ Satengnanda, hwanangnda kadəsi kəthləm kə thləndə Shemed Chidchid.

¹⁶ Kəthləm Chidchid tē Shemedkən tərwahai kə dər inda yunə kwandənwa, tē sang fichi baptisma kandə ndak a hur thləm Ləmwandə Yəso.

¹⁷ Ndəkən sandə Bitrus tē Yohanna harcha kanda in thləkndə Chidchid tē Shemeda.

¹⁸ Kənat Saminuwa tē bəda ndəfhara'inna

fathlənchə la mbəstə fichi Chidchid tə Shemedə, fəraən hanndəbəlta kanda.

¹⁹ Ndakənwa: "Njang pad fəramitən alchidiya, kəthləm chikawun ndəfandi hara'in kə thlən Chidchid tə Shemedə."

²⁰ Ndəkən ndandə Bitrus wa: "Sokən tə hanndibəltekū kə thlərtunindi, mbah sukənfəwa nu mbəs fərtə Farə tə hanndibəlta.

²¹ Səssa hur torchiyawa, kəthləm hanndəkiketeku nga keeke kə mbəda Farə wa.

²² Tərruhi hur bəbi ndəsəcheku kə hwanangnə Ləmwanda ma mbandəsi kə kallukən bəbi yarekuhi.

²³ Kəthləm kəlayi sokən cheku nat dəhdəh, pad naku chingching hur bəbifata."

²⁴ Ngəməng Saminuwa: "Hwanamitənsi kə mbəda Ləmwanda kəthləm ichi mbutuni natya, mə bida dər indengnəwa."

²⁵ Kə mbwa'andə Bitrus tə Yohanna kanda i natnda, bəssangndə pathla Ləmwanda kadəsi le nak bīnchin, naknda ngərangndə'ina Urshelima, ndəkndə tə bəssa a thlet həmchə somsomən, a hachahai Samariya oi.

Filibus tələ Itiyofiyata.

²⁶ Ndang mala'ika Ləmwanda Filibuswa: "Thla'u dū tə kukuwun hishingteku kə tərənə mbayi thlaaka Urshelima kə Gaza yu, naka mba lōktariyu."

²⁷ Thlaakən pədakən, kəmkən tələ Itiyofiyata mbanda, kullafta, kapat nifa a hur kuturichita Kandis, kutur nishcha a Itiyofiyata, mələn na lə kəs ndəbəltəhar. 'Bakna Urshelima kəthləm kə mwanaən.

²⁸ Nakna ngərändə i'nadi dassa hur ənat sokta a Pirish keeke'en, məla changngat dəlwerra Ishaya tapəna'a.

²⁹ Nđang Shemedə Filibuswa: "Duduk tə Pirish keeketiyu."

³⁰ Rahkə Filibus kə thləmmatkən, nakna sək i nat nifiyu changngata a hur dəlwerra Ishaya tapəna'a. Sahang Filibus wa: "Shinnə sakət i natu changngatyawa?"

³¹ Ngəmang nifiyuwa, "Naki səndəwa kəni manga nifi tausang engnəwa?" Ndəkən ndandəna Filibus wa kə tərənsi kə də mbəssndi kə sokndə rəmma.

³² I natna changngata a hur dəlwertəkən ndatwa: "Kahkə fichindi nda shohrata kə mbət thletburata. Nda i lanat hwan Shohrat ba a hara lə həsta, nakən kichu chika miya i'nawuhiwa.

³³ Njirkəndəndi pad njangndə kitchitkən. Wunna mbəla mbu kachitkən? Kəthləm thla fichə shishshingtəenhi hur kishita."

³⁴ Ndəkən ndandə kullabiyu Filibuswa: "Wun-nat tapəni'iya shunda dərkən, kə dər'i'ndi'enwa ndu kə dər yunə somən?"

³⁵ Tərkaakə Filibus shunda tərta mbədi changngat nifiyu, nakna mbwa'a kweshcha kusheng shundə kə dər Yəso.

³⁶ Naknda dər wita hur mbanda saakənda mbədi nat amsi, ndak nifiyuwa: "A amya mənə njat kə sikə fichi baptisma?"

³⁷ Ndak Filibus wa, "Ma firnəkit tə handəkiketə ərta sukə ficha: "Ngəmang nifiyuwa Firikit Yəso Almasihu hweya Fərə nakən."

³⁸ Chatkichuyu ndak nifiyuwa kə thlarang fichi Pirish keeketihiyu. Nda Filibus tə kullabiyu

tərkənda haya, yimkənda hur ammiyu, sang Filibus baptisma.

³⁹ Kə natnda cheta hur amkən, tərəng Shemeda Ləmwanda Filibus. Kullabiyu ngərutə natndə padwa, kəskən mbandə'en pədakən tə mbənfata.

⁴⁰ A nak fichi Filibus a Azotus. Nakna bərtəhi bəsskən kusheng shundə mbinchinna thlet həməchini natta mbənniyu saakəna Kaisariya.

9

Təbərta Shawulu Hi

¹ Dək Shawulu mban tə fəraa lechita fa təmbanda Ləmwandə kaən, ndatwa nan bəllandə kanda, dəkna bəda kapat pərist.

² Hwanaən kə yaraən dəlwerchisi kə mbət humta Yahudawechihi a Dimaska, kəthləm kə mbəssən mba kəsandə nofcha fa təmbakən, hishchə tə nishchə nat kədən təkanda Urshelima a kənda.

³ Məla pədata, shee nduk tə Dimaska təkən chat kichuyu bək dʷachita haya afshi tauraən Shawulu təkənhi.

⁴ Həmkənhi hachahaiya səkkən burata ndatwa: "Shawulu, Shawulu, kəthləmə natu bəhita?"

⁵ Məlan pad ndakənwa: "Wunnaku Ləmwanda?" Ndəkən dandənwa: "Njang Yəso le natu fəra bəhtiyu.

⁶ Thla'u kə yimna hurhura'a, mbənniyu nanda mbu'u i natu sətə."

⁷ Nofchi nannda witə rəmməyu, thlarkəndəhi kəmma kanda shundəsuwa, kanda sək buratkən nakən kanda nat nifəwa.

⁸ Thlaakə Shawulu a hachahaiya, i'naən hwanichi'enhi mbəla'utə nat ənwa. Nofchi

nannda witəyu kəskəndə har'en, ndəkndə tənda hurhuri Dimaska.

⁹ Mundə məkkan mələ natmbətwa, pad səmutə'ənwa sutə amwa.

¹⁰ Lə tərbəndəsa Dimaska lə atfichiwa Hananiya, ndang Ləmwanda a hur ən nda sənnatəwa: "Hananiya." Ngəmanwa: "A njangya Ləmwanda."

¹¹ Ndəkən ndandə Ləmwandəwa: "Thla'u kə dənna mbayi la atfichiwa Ndellengnga, kə sahnə hura'a Yahuda nifi baka Tarsus la atfichiwa Shawuluyu. Nakən kicheya mələ hur hwanda.

¹² A nedda hur ən nda sənnatəwa nifa bata la atfichiwa Hananiya, ma shee nansa harcha in kəthləm kə ngərən nat mbəta."

¹³ Ngəməng Hananiya wa: "Ləmwanda, a shiki nofchi oiya mbu bəbi icha dar nifinəyu le sandən fa tərmbanda a Urshelima:

¹⁴ Pad pəktat pəristchiyu fərəndə alchita kə kəssaən chikawun naka at thləmwə."

¹⁵ Ndəkən dandə Ləmwandəwa. "Du, kəthləm tedindi kə sokka ənətorrengna, kə dən tə thləmna mbəda punofcha tə kuturcha, pad tə Isra'ilawecha.

¹⁶ Ni cheda witə bahhi natna satta kəthləm thləmna."

¹⁷ Pədak Hananiya, ndəkna mbəssandə Shawulu. Saən harcha in, ndəkənwa: "Hwan'yaa Shawulu, Ləmwandə Yəso chedukə fat'ena mbandəyu thlinkənji kəthləm kə ngərən natmbəta pad kə nəhədnə tə Shemed Chidchid."

¹⁸ Chat kichuyu ichi nda bwar tinda həhatkənda haya a hwanichi'en, ngərkəna nata natmbəta. Thlaakən sangfichi baptisma.

¹⁹ Səmkən əna bak alchit'enadi.

Shawulu Beshtë Pathla Fara a Dimaska

Sokkə Shawulu hi a Dimaska, i hanmunchi dæmek tə fa tərmbanda.

²⁰ Chatkichuyu tərkaakən nata basə Yəso, a mbət humta Yahudawechihi ndatwa, məlan naka hweya Fara.

²¹ Nat fichile səkkəndi, pəðang ən kandəfa, dəkndəwa, "Awi nga nifiya wuwelang fa tərmbanda Yəso dā a Urshelima wa? Bakna mbədyə kəthləm kə kəssaən kanda kə dən tə kanda kə mbəda kapat pəristchikən?"

²² Bassa Shawulu nakən kə chektə kə chektə tə alchita, pad shiwunchi'en kə dar Yəso nakən təbradə hur'i'nda Yahudawechihi naka Dimaska.

Hirək Shawulu A Haara Yahudawecha

²³ Difitə hanmunchi kaən, humang Yahudawechi miwa nanda mbəllanda.

²⁴ Kanda ngungudndi fidiktə tə farə nat, a mim-bangnga kəthləm kə bəllangnda, a nakən kusheng shiwunkən himma thləmata Shawulu.

²⁵ A fidikta kimshechi'en həkangndə tə tinkubata hur changlangta.

Shawulu A Urshelima

²⁶ Kə saatə Shawulu Urshelima, səkən i natna sətə kəthləm kə kəməndə tə fa tərmbanda, a nakən natnda kanda lechanda. Fərundə kitsuwa shidə lə tərmbandiwa.

²⁷ Ndəkən kəstə Barnabas har'en, bəkən tənda mbəda fathləncha, pad mbwa'angna kandə kəmmi kəmtə Shawulu tə Ləmwanda, a mba Dimaska tə witə shuni shunandə Ləmwanda. Ngərkən ndanda kandə padwa besh Shawulu tə alchitafa a hur thləm Yəso a Dimaska.

²⁸ Sokkə Shawulu tə kanda, wu'yaən kandə nat nda hurkən tə difitəkən a Urshelima, nakna bəssə tə alchitafa a hur thləm Ləmwanda.

²⁹ A lanakna shundə tə Yahudaweche fa sək Helenanchi kəna sət thlangətmi tə kanda, yakhəndəsi kə bəsdə mbanda mbah nanda bəllangnda.

³⁰ Kəbat fahchikənna mbəssandə kichu, tərəkəndəndi kə Kaisariya, pad thlingkəndəndi kə Tarsus.

³¹ Sokkən fa tərmbayi a Yahudiya tə Galili tə Samariya yu, bədnda mbəs yuyurchita, naknda dətə mban tə torchengnanda tə alchitafa, kəthləm fa tərmbakən naknda wita hur lechanda Ləmwanda. Pad tə Shemed Chidchidda kəssanda kandəsi naknda chekta.

Kənnafichi Iniyassa fi

³² Nak Bitrusa nata wiyandə mbichi som-somən a hurnanda, bəkna mbəs hwecha Fara a Lidda.

³³ Mbənniyu batna mbəssandə nifi la atndəwa Iniyas, ndukka mbəthunat hurat fodffoda shed sarəchi'enadi.

³⁴ Ndəkən ndandə Bitrus wa: "Iniyas, kənnu Yəso Kərəsti fi, thla'u tərri mbəthunadeku." Chat-kichuyu thlaakən.

³⁵ Uf nofchi naktə sokta a Lidda, tə Sharon nakndə Iniyas mələ witəhi tərbəkəndəhi kə mbəda Ləmwanda.

Thla'a Bitrus Murət Tabita tə Shisshingtafa

³⁶ Lə tərmbandəsa Yoffa thləmkənwa Tabita le nat sakətkənwa Dokas. Kafat'ensi pad fərchin'əna.

³⁷ A hanmunchiniyu hadkən, məkən, fanang fīcha ndəknda ndəfnda kəttən afshi, kəthləm kə thlohahnda.

³⁸ Lidda nakən nduk tə Yoffa. Səkkə fəfərkit wa Bitrussa mbənniyu. Thlingkəndə nofchi chap kə mbəʔ'en ndatwa: "Komkom weshu bana mbəs kani nga tə kəfatichitfuwa."

³⁹ Thlaakə Bitrus pəʔakndə tə fichile thlintənda. Kə saatən, dəkndətənda hurə afshitəkən. Kəttənkən nihidəʔi tə ndəlat nishchi fichile mərtə hishchengnanda, kanda tita pəʔ chedəngndə njelechi tə tahhət ichi 'yahmandə Dokas təkəna kandəsi, thlahbəndə natən tə kanda.

⁴⁰ Chang Bitrus nofchakissha kəttənkən uf, səkkən kurumchihi, hwankən. Kə tuʔwandən hwakən, təbəkənhi fa murutkən ndakənwa: "Tabita, thla'u." Chatkichuyu inaən hwanichihi, kə natən Bitrus, thlaakən dəs.

⁴¹ Kəskə Bitrus har'en thla'aən. Ndəkən atən ndəlat nishchi mərtə hishchengnandəyu, nat tə fəfərkit, fəraən Tabita təkənna kanda tə shishshingtafa.

⁴² Kusheng shiwunkən fankənhi a Yoffa nat, pəʔ nofchə terchin fərkəkit kə mbəda Ləmwanda.

⁴³ Sokkə Bitrus hi a Yoffa təkən hanmunchi kaən, hura'a Saminu lə tahhasə pomcha.

10

Bitrus Tə Karniliyus

¹ Nifəsa a Kaisariya thləmkənwa Karneliyus. Kapat nifa a mbət thlərhwata Italiyacha la at-fichiwa: "Hum'i'nda fa thlərhwecha Italiya."

² Məlan lə təmbanda Fara, pəʔ lalechengna Fara, məlan tə nofchi'enna huraa'en. La fəraən icha nofcha tə har chaa, pəʔ la nakna hwanandə Farə noknok.

3 Farəle tə farəhufta hanthlökkən məkkan, nakən mala'ika Fara ndaa hursənnata mələ bata mbəsndi, ndaənwa: "Karneliyus."

4 Kəllang Karneliyus tə lechitafa, ndakənwa: "Mi, Ləmwanda?" Ndəkən ndandə mala'ikawa: "Hwande ku tə fər'ənneku shee'a mbəda Fara, ənat kuduktəhar a mbanitə Fara.

5 Nakənya, thlənu nofchə kə Yoffa kə andə Saminu lelə atfichiwa Bitrus.

6 Nakna sokta mbəda Saminu lə tahhasə pomcha, le nat huraa'ena mi hawurta."

7 Kə pədat mala'ika ti shunangyu, ak Karneliyus nofchihar chap a hur mafechi'en, fa sa tora huraa'en, tələ thlərhwata lela lechangnga Fara, hur fichile lə sang tor kənding.

8 Mbwa'aən chikama kanda, thlənkən kanda Yoffa.

9 Bingətkən, nofchi thləntə Karneliyusyu ndukndəhi kə hurhura'a, pədak Bitrusa hurə afshi, dəkna nata hwanda a hurfara.

10 Nak mita fi'en, pad yəhkənsa səm'əna, ficha nəha'əna chat yimkənnə hur ən nda sənnata.

11 Nakən afshi inhi, əna batahai nda kapat də supta, firficha hai tə kukuwunchi'en fwadfa.

12 I səka dəhərəmta neesa hurkən, fa sarəchəsə fwadfa, tə fa kah hurcha hachahaya tə dishcha.

13 Səkkən burata ndanduwa: "Thla'u, Bitrus: thliu burata kə chiina."

14 Ndəkən ndat Bitruswa: "Auwa Ləmwanda, kəthləm tamwi chi i nguchik chidchid ndu ndəfuwowa."

15 Ngərkən sək buradiyu i chapatəkən ndatwa: "I tahsandə Farəhi tamina ndatwa nga chidchidwa."

16 Kurbang iniyu sət məkkən. Chat kichuyu kahang fichi ənatkənədi kə afshi.

17 Nak Bitrussa hur bweechitfat kaən, kə ɖar i'ni nda sənnatiyuwa nakna sokta mi? Chat nofchi thləntə Karneliyusu sheenda hura'a Saminu, thlerkəndəhi kikkita mimbangnga.

18 Akndəfata sahkənda, nifi la atfichiwa Saminu Bitrusyu, ndu tərəkəna haya mbənniyu.

19 Kənat Bitrussa yarandə i'nihi nda sənnatiyu, ndang Shemedwa: "Səku, bəd nofchə məkkən kanda katsa.

20 Thla'u, təruhaya, kə pəɖuni tə kanda, mə ndərminəwa kəthləm njang thləngkə kanda."

21 Ndəkən tərtə Bitrussa hai kə mbəɖa nofchiyu, ndakənwa: "Njangya njang natuni kata. Kəthləm mə batuni?"

22 Ndəkən ndatndəwa: "Karneliyus kapat nifa a Romacha thləngkəkani. Kanifə nakən, pəɖ lə mwana'ən Farə noknok, Yahudawechə nat la fərangndə mwanda. Chidchid tə Mala'ikachə ndangwa, kə thlənukən fata kə ɖina huraa'en kəthləm kə səkən i natu mbuta."

23 Sang Bitrus marapa kanda, ndangna kandəwa kə hunandəhi ke wenmbəta. Bingətkən, thlaakən pəɖakndə tə nochiyu, funə hwanmanchisa Yoffa ndəfkəndəndi.

24 Saakənda Kaisariya bingətkən. Karneliyus mələ pukanda, pəɖ ngomandə hwanmanchikən tə shikechikən.

25 Kənat Bitrussa yimta hurəkən, sang Karneliyus marapa, himkəna mbanitəkən nakna mwananda.

26 Thla'ang Bitrus, ndaənwa: "Thla'u, njangma nifənaki nda sokən."

²⁷ Bitrussa dar shundə təndi yimkənda huri, dəknda mbəstə hwim nofchə oi.

²⁸ Ndangna kandəwa: "Kunang tə incheng-nuni shinuniwa, keekesuwa lə Yahudawat kə sən shikechit ndu kə humndəhi tə punofchəwa. Farə chedikəwa mə tərəndi chikawun wa nga chidchidwowa.

²⁹ Ndəkən sək bati kadi katfichinji a cherwifəwa. Mbwa'amtən i sək thlənītunifata:

³⁰ Ndəkən ngərtə Karneliyus səwa: "Munə fwadəda mbərkəhiyu nja hwandə hure'engna, hanthləkkən məkkan i farəhufta a hure'engna, bak nifa mbəsni tə furnjelechafa lela tərang hwanita, thlarkənhi mbanitina.

³¹ Ndakənwa, Karneliyus, ngəmma Farə hwadeku tə fər'əneku, shokka ənat kuɖukta mbəda Fara.

³² Kəthləm ndəkən, thlənu nifi nakənya kə Yoffa kə afichi Saminu lə atfichiwa Bitrusyu, tərəkəna haya a hura'a Saminu lə tahhasə pomcha, nduk tə mi hawurta.'

³³ Chat kə thlənuti fata, a ndərmunəwa baku. Nakənya kanang naka mbəɖya, nakani mbanitə Fara, kə səkani i fərrutə Ləmwanda kə mbwa'angna kani."

Shik Punofchə Kusheng Kwescha Shunda

³⁴ Ndəkən tərkaatə Biturssa shunandə kandə tə ndatwa: "Nakənya bəsadi tə ndatwa Farə taduharwa.

³⁵ La thləkən fichile lalechanga, tə fichile la sək i nak keeke kə bəda nofcha.

³⁶ Shinuniwa shuniya thlənkə Fara mbəda Isra'ilaweche, ficha bassa kashuwun yuyurchita

kandəsi tə mbəda Yəso kərəsti. Le naka Ləmwandə nat.

³⁷ Shikuni i səka a hachahai Yahudiya nat, təkata a hachahai Galili, difitə bəssə baptismati sət Yohanna.

³⁸ Padə shinuni kusheng Yəso Lənazaratta, witə i sət Farə kə dərkən fərəndən Shemed Chidchid tə alchita. Dək Yəso mban tə ka torchə, mələ kənədə nofchandə nat fichile kəsti Shedan har, kəthləm Farə təndi.

³⁹ Kanang na shetacha, kəthləm nədəni ichi sətən nat a Yahudiya tə Urshelima. Bəlləngdə tə mba kukwandəhi dər palita.

⁴⁰ Thla'ang Farə tə shishshingtafa a farə mun məkkatəkən. Malaən padə kə chedən fat'en.

⁴¹ Chedutə fat'en kə mbəda nofchi natwa, padə kə mbəda fichile tadtə Farə har kə soh, kanang hacha, səmkə'ən tə sat'ən təndi diffitə thlatə'ena kwata.

⁴² Fəraən tora kani kə bəsangani nofchisi chika tətəni, padə kə chedəni tə kitwa, Yəso mələn tadtə Fara lə thlakita chikawunsa hur fa shishshingtə tə məmatcha.

⁴³ Mələn shiwuntə tapənecha inkən ndatwa: "Chikawun fərkəkit kə mbəd'en, na ficha kala bəbifechi'enhi hur thləmkən."

Fəraa Fichə Shemed Chidchidda Punofcha

⁴⁴ Nak Bitrusa hur shiwunchiniyu, bək Chidchid tə Shemedə dər chikawun naka sək shiwunchi'en.

⁴⁵ Yahudawechə fa tərmbandə bəka Yoffa ndəfkə Bitrus yu, pəđang ən kandəfa, kəthləm a thlər Farə Chidchid tə Shemed hi chika kə dər punofcha.

⁴⁶ Kəthləm shikndə kandə kanda shundə tə michə somsomən, kanda mwanandə Fara. Ndəkən sahtə Bitrus wa:

⁴⁷ "Yunisi na njat kə sangfichi baptisma nofchiyawa, tabkən kə thləndə Shemed Chidchid nda i thlətani?"

⁴⁸ Ndəkən ndatənwa kə sangfichi baptisma kanda a hur thləm Yəso kərəsti. Diffitəkən ndəkən ndandənda Bitruswa kə chekaən munchi dimek kicha a thləmatnanda.

11

Bwa'a Bitrussa Fa Təmbanda Urshelima Nat I Səka

¹ Fathləncha tə fa fərkitti naka Yahudiya, səkkəndəwa thləd punofchə pathla Fara.

² Kə dət Bitrussa Urshelima, thla'ang pəktat Yahudawachəfa, fichile fərkəkit kə dər hesha, ndatwa:

³ "Yimku hura'a punofcha fichile heshuchika səmku ən tə kanda"

⁴ Mbwa'ang Bitrussa kandə keeke nat i səka.

⁵ "Nja həmət Yoffa nja hwanda, naki'ən ndaa hur'sənnata, naki əna bəta haya hur'afshi nda kapat ənət supta, firficha haya hur'afshi tə kukuwunchi'en fwada, saakən nduk tənji.

⁶ Kə kələndi nduk a naki dəhərəmcha, tə hanth-lucha hurhwela'a tə fa kah hura hachahaya tə dīshcha.

⁷ Səkki bərata nditəwa: "Thla'u, Bitrus: bəllu kə chiina."

⁸ Ndakiwa auwa Ləmwanda, tamu kohat ənkichu ndu i nguchik ndiichina yimta hurmiyengnuwa.

⁹ Ngəməng ɓurata hur'afshi, shuwunkən i cha-patəkən, ndatwa: "I sət Farə chidchid kə ndənuwa ndəɗuwowa."

¹⁰ Kurbang iniyu sət məkkən, kana fīcha ngər kahanda hur'afshi.

¹¹ Chatkichuyu ɓak nofchə məkkən kə huri'i natanisi, thləntə fīchə kanda a Kaisariya kə mbədengna.

¹² Ndak Shemed Chidchidwa, kəɗi tə kanda mətəɗiɗiharwa. Dəfkə hwanmanchə nji tehethl, yimkani hura'a nifikən.

¹³ Mbwa'angna kani naɗi natən mala'ika kitta hura'en ndakənwa, "Thlənu nofchə kə Yoffa kə afichi Saminu nat thləmkən paɗwa Bitrus:

¹⁴ Məlan na mbu shuni na fəru hərəkta, sokən tə nofchi hure'eku nat.

¹⁵ Kə tərkaati ka shunda, ɓak Chidchid tə Shemedə hai kə ɗar inchengnandə nat nda i ɓatna hai kə ɗar inchegnani a tərakən.

¹⁶ Kuɗukki shunda Ləmwanda nda i ndatənwa, 'Sək Yohanna baptisma tə ama, kunang nak fīcha sa baptisma kuni tə Shemed Chidchid.'

¹⁷ Sokkən fərra Fara kandə keeke tə le sandən kəm, fari fərtəm kit kə mbəɗa Ləmwandə Yəso Kərəsti, wun njang na ndanda Farə wa nga kichuwa?"

¹⁸ Kə səktəndə kichu ɓəhkəndə i natnda mbuta, mwanangndə Fara ndatwa: "Awi chika punofchima i'na Farə mba tərtəhi kandəsi tə mbəs shisshingta."

Fa Təmbanda a Antakiya a Hur Suriya

¹⁹ Fīchile wuwelkəhi kəthləm pwanchi thlaakə kə ɗar Istifanusyu, pəɗakndə kə hachahai Finikiya tə Sayifurus tə həmət Antakiya, naknda

bassa shuwunkəna Yahudawechisə deng nga chika wunwa.

²⁰ Funəsa hurnanda Sayifuruscha, tə Sayirinja, kə saatənda Antakiya bassangnda punofchisi, naknda mbwa'a kweshcha kusheng shunda kandə kə dar Ləmwandə Yəso.

²¹ Hara Ləmwandə təkanda, nofchə oi fərkə kit təbərəkəndəhi mbəda Ləmwanda.

²² Kusheng shuwun i səka, saakəna thləmata fa tərmbanda a Urshelima, thləngkəndə Barnabas kə Antakiya təkən.

²³ Kə saatən paɸ a nedtə kafadi sandə Farə kanda, səkən mbənfat kaən paɸ chekaən alchita kandə tə ndatwa, kə thlarndə tə alchitafa hur fərkit kə mbəda Ləmwanda tə hanndəkikechengnandə nat.

²⁴ Kəthləm Barnabas kanifə nakən, nihəɸadi tə Shemed Chidchid paɸ təfərkit. Chekkə nofchə oi kə mbəda Ləmwanda.

²⁵ Pəɸak Barnabassa Tarsus kakat Shawulu.

²⁶ Kə mbəssandən, bəkən tənda Antakiya. Hurata, nda Barnabas tə Shawulu kanda kəmtə kə mbət ngəlhwanita, kanda sakanda nofchihar oi. A Antakiya tərkaatə fīcha at fa tərmbachəwa Kərəstacha.

²⁷ A hanmunchiniyu funə tapənechəsi baka Antakiya thlata Urshelima.

²⁸ Ərta hurnanda thləmkənwa Agabus, thlaakən kit shuwunkən tə alchit Shemeda fa ndatwa, na mita natsə kaən hur kishitə nat, sək mitəkəna thlahmbət kuturichita Kalaudiyus.

²⁹ Ndəkən tərtə fa tərmbandəhurwa, chikawun nan fər əna keeke a alchit'en kəthləm kə thləng fīcha hwanmanchi naka hachahai Yahudiya.

³⁰ Səkində kichu, thlənanğnda pəktechi mbənniyu tə hara Barnabas tə Shawulu.

12

A Bəllandə Yakubu Pađ Kublandə Bitrus

¹ Nda mbət kicheeya, Hiridus kutura tərkaatən fərra bahta funə fafərkit a mbət ngəlhwanita.

² Bəllaən Yakubu hwanman Yohanna tə thlohta

³ Kə natən ənatkən mbənada Yahudawechə fa, thlaakən kəssaən Bitrus pađ, sək i'niyu a thlahmbət chohhəm səmdəsəmta le nguchit mehndəsa fi'en.

⁴ Kə kəsandən muhkənnda pursuna, fərangna fathlərhwēcha har, fathlərhwēchə fwada fwada sakkən fwada, tə yarəwa ma mbir chohhəmkənhi kana bəttənda mbanitə nofcha.

⁵ Kublang fichə Bitrus kə hur pursuna, nak fangəlhwanicha hwananəndə Farə təkit kə darkən.

Kəta Fichi Bitrussa Kissha Pursuna

⁶ A fidikiniyu manat Hiridussa chandə Bitrussa kish, mələ sabweni a thlərə fa thlərhwēchə chap. A kənandə tə chalaluchə chap. Fa thlərhwatkən kanda dar tor kiikit a mimbang pursuna.

⁷ Chatkichuyu, bək mala'ika Ləmwanda thlarə nduktəndi, yimkə dwachita hurkəttənkən. Təkanğ mala'ika təkən harra Bitrus fa mumi thla'a'ən, ndaənwa: "Thla'u ledled." Chalaluchi har'enyu kwaskəndəhi chuthla.

⁸ Ndəkən ndandə mala'ika tiyyuwa: "Kənan də kəndeku kan ndiichin, kə panə pahəmcheku." Səkən kichuyu. Ndanğ mala'ikawa: "Suppu ndə supteku fa kə kuwurnənji."

⁹ Chekna kissha pursuna təkən nakna kuwur mala'ika təkən. Ichini natyu sənuwa kitwa, naənhiwa ənnda sənnata natna hurkən.

¹⁰ Kə pəḏandənda fa pumbətkənhar i tərəkən tə'i chapatəkən saakənda mimbangngi sətfichi tə təpassa lela chetfichi chat kə hurhura'a, inangna kandəsə ichitkən. Chekndakish naknda wita hurmbakən, chatkichuyu mala'ika təkən malkənnəhi.

¹¹ Kə ɓat Bitrussa ndə kə hur'indi'en, ndakənwa: "Nakənya səntiwa tə kit Ləmwandə thləngkə mala'ika'en, kə ɓa həkəta a hara Hiridus tə ɓəbi sakta Yəhudawechea."

¹² Kə mbəsəndən kichu, pəḏakna hura'a Maryamu, man Yohanna la atfichiwa Markus, mbədi humtə nofchəhi oi kanda hwanda.

¹³ Kə fudəndə Bitrus mimbangkən, ɓak hwanhura'a kish kə nuhhweya nat thləmkənwa Roda, kəthləm kə nan ndu wuni.

¹⁴ Kə mbəssəndən kə ɓurata Bitrus, ngəraən'in kə huri inawutə mimbangkənhiwa, kəthləm mbənfata, ndangna nofchiyyuwa: "Bitrus kita mimbangnga."

¹⁵ Ndangndəwa: "Tərru luwurcha!" Məlan pəḏ nakna nata ɗahanda kandə'in wa məlan. Ndəkən ndatndəwa: "Nakna nat kə mala'ika'en."

¹⁶ Bitrus pəḏ nakne nata fudəndə mimbangngiyu. Kə inaandəndə mimbangkənhi nakndə kə məlan, pəḏang ən kandəfa.

¹⁷ Məlan pəḏ thla'aən hara kanda kə ngasndəɓa, mbwa'angna kandə chayi chandə Ləmwanda kissha pursuna. Ndakənwa: "Kə mbwa'anguni Yakubu tə tahhət hwanmancha ichini sək natyu." Pəḏakna mbət somən.

¹⁸ Wendambəta, nga hwan thlahur'indi thlaaka hurdifitə fa thlərhwechiyuwa kə ɖar i kəskə Bitrus.

¹⁹ Kə kat Hiridus ndi mbəssawuwa, nakna tawasə kitchitkənnə mbəɖa fa pukənhar. Fərkən mi tə ndatwa kə mbəllangfichi kanda. Diffitəkən thlaakə Hiridus a Yahudiya pəɖakna Kaisariya, sokkənnə mbənniyu kə farəyuna.

Mərta Hiridus

²⁰ Nakənya shibhura Hiridussa ɖi tə nofcha Taya tə Sidon. Nak nofchini kichuyu ɖaknda mbəɖ'en, diffitə kahhandə hur'inda Bilastus le nak mwanchina hura'a kutura, kəthləm kə mbəsndə sok yuyurchita paɖ la mbəskəndə ndəsəmta a furta Hiridus təkən.

²¹ A farəle fari tahsandə fichihi kəmtə tə kutura, pak Hiridus njeli kuturichit'en, sokkəna mbət sok kuturichita shunaən nofcha.

²² Nofchi humkəyu hwaknda ndatwa: "Leya nga ɖurata nifəwa, ɖurata lura."

²³ Chatkichuyu təpkə mala'ika Ləmwandə Hiridus hi, kəthləm fərautə mwanda Farə wa. Mbənniyu cha'ang hwacha Hiridus məkən.

²⁴ A nak shunda Fara nata fandəhi chika tətəni, nakna ndəta mban nak fa fərkitta chekta.

²⁵ Kə təɖwandə nda Barnabas tə Shawulu i natnda sətə a Urshelima, ngərangndə'in kə Antakiya, tahkəndə Yohanna in la atfichiwa Markus.

13

Tedfichə Barnabas tə Shawulu Thlənfichə Kanda

¹ A kətən whayi a Antakiyayu Tapənechəsi tə maldəmcha, Barnabas, Samiyon la atfichəwa pukən, Lushiyus le ɖaka Sayirin, tə Manayen,

le mwantənda mbət ətə tə Hiridus kutura tə Shawulu.

² Naknda mwanandə Ləmwanda tə kərkushimta, Ndak Shemed Chidchid wa: "Dəffaam Barnabas hi tə Shawulu kəllar kəthlem tori ati kanda."

³ Diffitə kərkushimta tə hwanda sangndə harcha kanda in ndangnda kandəwa pədama.

Barnabas tə Shawulu a Sayifurus

⁴ Kandang pad kə thləntə Shemed Chidchid kanda, pədaknda hai kə Salukiya, thlaakəndə kə Sayifurus hur kommbawal.

⁵ Kə saatənda Salamis, baskəndə pathla Fara hur kətən humta Yahudawechehi. Yohanna məlan təkanda nakna kəsanda kandəsi.

⁶ Kə wiyangndən hachahaikən nat baknda Bafos, kəmkəndə tələ Yahudawata lə kulata, tapəna'a lə lekta, thləmkənwa Bar Yoshuwa.

⁷ Le humandəndə i'ndə tələ kəskə hachahaikən har, Sarjiyus Bulus, məlan ti naka lə sən'ənnə. Ngomna təkən akən nda Barnabas tə Shawulu, kəthlem yahsa sək pathla Fara.

⁸ Pad Alimas lə kulata (kəthlem sakət thləmkən kichu tə miya Heliniyawecha), fərautə hum'inda kandəwa, nakna katkə təpraən hur inda ngom-natəkənhi a hur fərkitchidiniyu.

⁹ Nakən Shawulu la atfichə padwa Bulus, nihid tə Shemed Chidchid, kəlaən Alimas ndongnga kə hur hwanita.

¹⁰ Ndakənwa: "Sokən hweya shedan, atikretə ichi nak ndiichin nat. Lə lektə naku pad lə shekdaədə nofcha. Nguna malandə təbrandə kitchit mbanda Ləmwandəhiwowa?"

¹¹ Nakənya haraa Ləmwanda sət atikrechit təssa, pad nukukomta nguna mbəlla nat hwat-farəwa, kə hanthlikchi demək: "Chatkichuyu hussoba tə hulta ngəlangndə hwanitə'en. Nakna tapta kəna kat le na kəssandəsi.

¹² Kə nat ngomna təkən i səka fərkən kit, kəthlem pəda'ənatkənfə oi kə dar sakta Ləmwanda.

Nda Bulus tə Barnabas a Antakiya Hur Bisidiya

¹³ Nakənya Bulus tə shikechə witə'en, thlaakənda Bafos a hur kommbawal, pədaknda Ferga chaa tə hachahai Famfiliya. Yohanna malkənkandəhi ngəraən inna Urshelima.

¹⁴ Bərkədəhi kə ban thlata Ferga, pədaknda Antakiya tə hachahai Bisindiya. Farə yipta Yahu-dawecha yimkənda kətən humta Yahudawechihi sokkəndəhi.

¹⁵ Diffitə changngata hur kus tə dəlwercha tapənecha, fambanichikənnə hur kətən humta Yahudawechikən, thlərangnda kanda ndatwa: "Hwanmancha ma shundengnunisi lena kəssanda nofchəsi mbwa'ama."

¹⁶ Thlaakə Bulus kit thla'a'ən haraa kə ngas nofchə ba, ndakənwa: "Kunang hwanmanchənə Isra'ilawecha, tə kunang ti lalechangnga Fara, kam thləmathi.

¹⁷ Fara nofcha Isra'ila, tadkə kakechengnəm terəən kandə oi. A thlahmbədi natnda soktə nda romcha a hachahai Masar, pad tə kapat alchita chandən kandakish a hachahaikən.

¹⁸ Kərəskən* kandə hurat kumchit fwada a hur loktara.

* **13:18 13:18** Funə yarechikən kiledsa

19 Diffitə thlærtandə hachahaichadə mud hur Kan'ana, fəraən hachahaikənnə Isra'ilawechea kə sokka innanda.

20 Sək i'ya a hur hurat aru fwada tə kumchit dūрман. Diffitə ndəkən fəraən fa sak miya kanda kə thlahbət tapənaa Samaila.

21 Hwankəndə kə fwadangfichə kutura kandəsi, fərang Farə Shawulu kanda. Hweya Kish, kachit nda Bilyaminu, le sokkə kuturichit hurat kumchit fwada.

22 Kə kətandə Farə Shawuluhi, tha'a'ən Dauda kə sokka kuturreng nanda. Le fərtə Farə sheta kədarkən ndatwa: "A mbəshi Dauda hweya Yessi, nifə ləwitə handəkiketengna, le na sət i yahti nat."

23 "Hur kachit nifəniyu, bət Farə tə lena Thlət Isra'ilawechedi, Yəso, nda i dəftən shuwunkənhi.

24 Bəssa Yohanna nofchəsə nat a Isra'ila kətərndəhi, kə sangfichə baptisma kanda, kanna Yəso bəta.

25 Kə nat Yohanna nduk tubandə tor'en, ndakənwa, lanaən kunihiwa wunnaki? Njang nga məllanwa. Auwa, yunabata dīfitəna, le sukuchitisi kə kwassayi sahətpahəmchi'enhi."

26 "Hwanmancha, kachit Ibrahim, tə fichile hurnuni lalechangnga Fara, kə mbədengnəm thləntəfichə kusheng shuwun hərəkiya.

27 Nofchi nak tə sokta hur Urshelima tə fam-banichengnanda, mbəssaundəwa məllanwa, pad sunundəwa məllan shuwuntə tapənecha dərəkən, la changkandəfichə pwaree a farə yipta Yahu-dawechea, nəhdangndə shuwunkənhi tə kiitəti thlandəndəsi.

28 Chika mbəssauchikndə tə chithansarəhiyu, le kamkəsi kə mərrən, chika təkichu hwanangndə

Bilatus kə bəllangficha.

²⁹ Kə nəhdəndəndə ichihi yaratfichə kə dərkən nat, tərangndahaya dər palita hunangnda hur kwata.

³⁰ Thla'ang Fara hur məmatcha.

³¹ Munchə terchin məla chedəfat'ena fichile batndətəndi, thlata Galili kə Urshelima, kandang naka shetachi'en nakənya kə mbəda nofcha.

³² Pađ kanang bangngani kweshcha shuniya kuni təndatwa, dəfshuni dəffandə Fara shinch-inəmhi.

³³ Nəhdəfəngnəm hi, kəmnangti naka hwechengnanda, tə mbəda thla'andə Yəso a hur məmatcha.

Nda i natna hur yaratkən, a hur chapatə Zabura ndatwa:

"Sokən naka hwe'engna,
bukweya sokkə kə sukka."

³⁴ Pathlə thla'ai thla'andəna hur məmatcha, ndatwa: "Ngu ngər mərtadi ndu kə ngərən yirata hurkwatwa." A i mbutənya, ni fərru chidchidchita tə kitchit mbəs'ənharra Dauda.

³⁵ Kəthlem ndəkən ngərkən ndat pađa hur Zabura təllewa:

"Ngu malandə le nak chidchid kə yiraka hur kwatwa."

³⁶ Kə mweshandə Dauda tori fərəndə Fara, a thlahmbət tor'en məkən, thlohhangficha, mbədi thlohhandəfichə shinchikən, yiraknađa hur kwata.

³⁷ Le thla'andə Fara a yirruwa.

³⁸ Kə sənnunisi hwanmancha, ndatwa tə mbəda Yəso natficha kalla bəbichitfechengnuni kunihi.

³⁹ Chikawun fərkəkit tə mbəð'en mbishtə hərəkta. Hur chikamənat le nguchittu hərəktə tə kussa Musa.

⁴⁰ Kəthlem ndəkən dəffam'indəsi, məbi i mbutə Fara hur dəlwercha tapənecha kə mbəssənkuniwa ndatwa:

⁴¹ "Namma, kunang fa njirfata,
kə pəðang'ənkunifa, kə mərruni
kəthlem ni sət tora hanmunchengnuni,
tori nguchittuni fərkitchitsi, chika mbwa'ang
yuna kuni."

⁴² Kə chetnda Bulus tə Barnabassa kish, hwanang nofchəkən kandə ndatwa, kə ngərnda bəta mbwa'a ichiniyu kanda, a farə yipta Yahu-dawechi na batyu.

⁴³ Diffitə wuwela nofchə hi, Yahudawechə oi tə fichile fərkə inndə kaən, kətər mbanda yahu-dawecha, kuwurkəndə Bulus tə Barnabas, shu-nang ndə kanda. Pað ndangnda kandəwa, kə dəndamban tə nata hur kafata Fara.

⁴⁴ Ngərkə farə yipta Yahudawecha sata, sokkən chikawuna hur həmətkən, hwimndəhi kəthləm kə səkndə pathla Fara.

⁴⁵ Pað kə nat Yahudawechə nofchə oi, nəhədkə handəkikecheng nandadi tə sərəhta, naknda halə'inda kə dər i'mbuttə Bulus, pað naknda njirndi.

⁴⁶ Bulus tə Barnabas shuwunkəndə tə al-chita, ndatwa: "Kunang kamkəsi kə tərkaafichə bəssa pathla Fara kunisi. Sokkən a cheruni, chedkuniwa, kamusi kə mbəssuni shisshingtə lekə pwareewa, nakənya nani təbərtəhi kə mbəda punofcha.

⁴⁷ Kəthlem Ləmwanda tepa dəftəkanisi ndakənwa:

"Difikuni kənuni d̄wachita punofcha,
kəthlēm kə sokənwa tə mbədengnuni nat
kishita hərəkta."

⁴⁸ Kə sək̄tə punofchəkən kichu, sək̄ndə mbənfat
kaən, təpaḍ mwanangndə shunda Fara, fichile
baka soktəwa nanda mbəs shisshingta. Le
kəpwaree fərkəndəkit.

⁴⁹ Fankə shunda Ləmwandəhi chikatəteni a sərət
hachahaikən nat.

⁵⁰ Yahudawecha dək̄nda chikandə nischā, fa
lechanda Fara, paḍ fichile la nat fīcha fəraa
mwanda kanda, tə pəktat nofcha hēmətkən.
Tərkaakəndə fəraa pwancha nda Bulus tə
Barnabas, təpaḍ rəkkəndə kanda a sərət thlet
həmtengnanda.

⁵¹ Təpaṅndə tən̄nayida sarəchengnanda, kə
sokka sheta ḍar inchəngnanda, pəḍak̄nda hēmət
Ikoniya.

⁵² Sokkən fafərkit, nəhhəḍkəndə tə mbənfat oi,
paḍ nəhhəḍkəndəḍi tə Shemed Chidchid.

14

Bulus tə Barnabas a Ikoniya

¹ A Ikoniya, Bulus tə Barnabas yimkənda mbət
humta Yahudawechəhi, baskəndə pathla Farə
tə alchitafa, tərka nofchəhi oi, Yahudawechə tə
punofchə nat fərkəndəkit.

² Yahudawechi fəruchikkit, kurtangndə hur
i'nda punofchəhi, səbaṅndə hurḍifitənəḍadi kə
ḍar hwanmanchinandə fafərkit.

³ Bulus tə Barnabas tərəkəndə hanmunchə oi
a mbənniyu. Kanda bəssə lechitfuwa kəḍar
Ləmwanda, lefərka sheta tə shuwun kafat'en, tə

mba sət ənnat pəfandə nofchəfa, tə sakchikən tə mbədengnanda.

⁴ Nofchi naka həmmətkən sakkəndəhi, funa mbəda Yahudawecha, nak funa mbəda fəhlənchəkən.

⁵ Punofchə tə Yahudawechəkən, tə fahəm mbanichengnanda, təhsangndəhi wa nanda fərfa pwancha kanda, pəf kə mumuhhwangnda kəndəfa.

⁶ Kə səkkəndə i naka sətə, rahkənda thlet həmət Listira tə Darbe, a hachahai lkoniya, tə tahhət həmchə nak nduknduk,

⁷ a mbənniyu dəknda mban tə bəssə kweshcha shiwunkən.

Bulus tə Barnabas a Listira

⁸ A Listira nifəsi nak dəf kə tərəf, tamwa sət tor tə sarəchə'enwa, nakən kichuyu kə ngəttə'en tamwa witəuwa.

⁹ Nakna sək bəssa Bulus, nak Bulussa kələndə ndongnga, kənədən fərkit'en kəmsi kə kənəngfichadi.

¹⁰ I'naən bəurathi kəən ndakənwa: "Thla'u thlarnəhi kit kə dəf sarəcheku. "Thlaakən tərkaakən wita.

¹¹ Kə nat nofchi oiyu i sət Bulus i'nangndə bərechəhi, ndakndə tə mi Likoniyachitwa: "Bəd luwurchahai kə mbədengnəm nda nofcha!"

¹² Dəffangndə Barnabas wa Zeyus, Bulus pəf wa Hermes, kəthləm məlan naka kapat lə shuwunkən.

¹³ Pərissa Zeyus dəhhayu, lə nak kapat kətən dəhhakənna difiti həmta, bəkən tə lecha tə fitə icha, kə mimbang həmətkən, yəhhənsa fər pəffən'en bəweet tə nofcha.

¹⁴ Kə səktə fathlənchikən nda Barnabas tə Bulus i naka səta, thləthlahhangndə njelecheng-nandadi, rahkənda hur nofchiyu, thla'angndə burata ndatwa:

¹⁵ "Nofcha mə sək natuni sət iya?" Kanang nofchə nda kunang! Tə bangngani kweshcha kusheng shunda kuni, kəthlēm kə təbrunihi, hur-witə bəbidəsəchiya kə mbənda Fara, le nak tə shishsingta, le sək afshi tə kishita, hawurta tə ichi nat naka hurchikən.

¹⁶ Hursəh ti mbərkəhi, maladə nofchə nat kə wii nda mbachi yahtənda.

¹⁷ Chikka tə kichu malutə fat'en nga ə'nat sheta səwowa. Kəthlēm shidətə əndiichin, tə mba fərra ercha kuni afshi tə fekchə ndiichin, ngalaən kuni tə dəsəmta, pad məlla fərra mbənfata kuni.

¹⁸ Nat tə shuwunchiniyu bəhdəhi, kan'nda njat fər poffənti yahtə nofchiyu fərtə, kəthlēm kandang.

Mumuhaficha Bulus fa a Listira

¹⁹ Ndəkən bat Yahudawecha a Antakiya tə Ikoniya, ləmkəndə nofchi ngomkəhiyu, mumuhangnda Bulus fa, pad kahangnda kishsha hur həmətkən, nəən kandəhiwa miri.

²⁰ Kə bat fa fərkitta taurandəhi, thlaakən pad ngəraən i'nnə hurhura'a. A bingətkən məlan tə Barnabas pədaknda Darbe.

²¹ Diffitə bəsə kwescha kusheng shiwunkən kə həmətkən, mbəskəndə fichile fərkəkit oi, ngərangndə'ina Listira tə Ikoniya pad tə Antakiya,

²² Mbənniyu sakəndənda nofchəhar təndatwa, kə sokndə tə alchitafa hur fərkit. Chekangnda kandə tə ndatwa, tə sat bahtə kaən natma mbəs yimta kuturichita Fara.

²³ Bulus tә Barnabas tadangndә pәktecha kandәsi, a hur chikayen kәtәn hwananda, tәmbәdә hwanandә Fara tә kәrkushimta, fәrkәndә kanda hara Lәmwanda, le fәrtәndә kitchitta mbәd'en.

Nda Bulus tә Barnabas Ngәrrandә'ina Antakiya tә Suriya

²⁴ Bәrkәndәhi tә hur Bisidiya bәknda hur Famiya.

²⁵ Kә bәstәndә shiwunkәn hur hәmәt Ferga, pәdәknda hai kә Ataliya.

²⁶ Mbәnniyu yimkәnda hur kommbawal ngәrrangndә'ina Antakiya, mbәdi soh hwanandә fichә kafata Fara kandәsi, kәthlәm kә hәrmәn kandәhar hur tori tubandәndә nakәnya.

²⁷ Kә saatәnnә Antakiya, ngomangndә fa tәr mbandakish, kә mbәt әrtә, nbwa'angnda kandә nat i sәt Farә tә mbәdәngnanda, pad tә mbayi i'nandәn mikәtәn fәrkitchithi kә mbәdә punofcha.

²⁸ Sokkәnnә mbәnniyu hammunchә oi tә fatәrmbanda.

15

Yarandә'ichәhi a Urshelima

¹ Bәk funә nofcha a Yahudiya tә Antakiya, naknda sakanda fa tәrmbandә har, ndatwa: "Manga tә heshangfichәkuni nda i mbutә dәssәta Musa wa, nguni mbәs hәrәktәwa."

² Nga hwan halә'indә yimka thlәрә nda Bulus tә Barnabas tә nofchiyuwa, harkә fichә nda Bulus tә Barnabas tә funә fa tәrmbanda kә dәnda Urshelima kә bәdә fathlәncha tә pәktecha, kәthlәm kә tausangndә shuninihiyu.

³ Nofchə thləntəfichəyu, pəðangndə tə hurhuri Finikiya tə Samariya, naknda mbu təbərta punofchihi kə mbəda Fara, fərang ndə bənfata fa tərmbandə kaən.

⁴ Kə sa'atənda Urshelima, fa tərmbanda tə fathləncha, tə pəktechə sangndə marapa kanda, kandang pað mbukəndə uf i sət Farə tə mbəðengnanda.

⁵ Funə fafərkitsi naka hur mbanda Farisiyawecha, thla'akənda ndankndəwa: "Sokkən waat kə heshangfichə punofcha, pað kə dəffichə kanda kə kəsndə kussa Musa har."

⁶ Fathləncha tə pəktechə fa tərmbanda ngomkəndəhi, kəthlem kə tausangndə shuninihiyu.

⁷ Diffitə shuni shiwuntənda dərkən kaən, thlaakə Bitrus kit ndangna kandəwa: "Hwanmancha shi-nuniwa thlata tərəkəkən, teð Farə nja hurnuni ndatwa, təmbəðengnə nat punofcha bəs kusheng shunda kə fərndəkitsi.

⁸ Fara le sənəkə hanndəkiketa chedkəwa a thliidtə kanda tə mba fərfa Chidchid tə Sheməda kanda, nda i fərfa ndənəkani.

⁹ Pað chedutə səmsəmchita thlerənanda tə kaniwa, kə sapadən handəkikechengnandaði təbəda fərkit.

¹⁰ Kəthlem ndəkən, məsək natuni kikedəndə Fara, təmbəda dəffa rəfta kimshechi'ena bur, le nguchit shinchinəm təkəmna mbəlla tərta?

¹¹ Pað firəm kitwa, nakma mbəs hərəktə tə mbəda kafata Ləmwandə Yəso, nda i mbəstənda."

¹² Uf nofchi ngomkəhi ngaskəndə ba, naknda kəthləmmata nda Barnabas tə Bulus, nak nda mbu alchidī fərəndə Fara kanda, kə səndə ənət

pəðandə nofchə fa, tə ənat sheka'inda a hur punofcha.

¹³ Diffitə mweshandə shundəngnanda, ngərkə Yakubu si tə ndakənwa: "Hwanmancha səkam nji.

¹⁴ Mbwa'a Siman Bitrusa kəm laɖi lat Fara bata mbəda punofcha, paɖ hertə funəharra hurnanda kəthləm thləmkən.

¹⁵ Leya bakna soktə keeke tə shunda tapənecha, nda i yarandə fichihi təndatwa,

¹⁶ "Diffitə ndəkən ni ngər bata
təpaɖ ni ngər tinandə hura'a Dauda le
həmkəhi.

Kə ngəri tinandə thlarə'enna kwarkən kənan kit.

¹⁷ Tahhət nofchi nat katnji, njang Ləmwanda,
nat tə punofchə la atfichə tə thlimna,
ndat Ləmwanda le sək i'chiya.

¹⁸ Səntə fichə kə soh.

¹⁹ "Kəthləm dəkən a kələndəngna, kamusə kə thla'am hur'inda punofchi naka təbərtəhi kə bəda Farəwa.

²⁰ Makə yarangma kandəsi ndatwa, kə malangndə də səmta dəhacha. Məsəmində chadnguwa, məsində fəllawichitwa, paɖ mə səmində i bekrandəfichə mburat'enwa.

²¹ Kəthləm hur soh, a thlet həmchə somsomən fa bəsəsi tə dəlwərcha Musa, paɖ la changngandə fichə kanda chika yen farə yipta Yahu-dawecha, a kətən hwacha bəshfichə kussa Musa, a hur chikayen həmta i hurechə terchin, təpaɖ la changangficha isəka farə yipta Yahudawecha, a kətən humchengnanda.

*Thlən fa Yarandə Ichəhi Yarata kə Bəda
Punofchi Fərkəkit*

22 Fathlenchəkən tə pəktechə, nat tə fa tərmbanda kəllangndəwa ndiichinsi, kə taddə nofchihar a hurnanda, kə thlənndə kanda Antakiya tə Bulus tə Barnabas, fichile tadtənda nda Sila tə Yahuda lela atfichəndəwa Barsaba. Kandangti naka fambanicha fafərkit.

23 Fərangndə yarat dəlwerə kanda, kə dāngnda kanda le naka ndatwa: "Kanang hwammanchənuni,

Fathləncha tə fambanicha, kəmbəda hwammancha fichile naka punofcha, hur Antakiya tə Suriya tə Kilikiya,

Ndat'ən kaən.

24 A shikani wa nofchisi thlaaka hurnani, mbədyə thla'andə hur inchengnuni tə shuwuncha. Chika sokkən thlənwanī kandəwa,

25 Hwimanihi yaradanihi ndidchinsi kə tadani nofchihara hurnani, kə thlənani kanda mbədengnuni, tə kaa shikechənəm Barnabas tə Bulus.

26 Nofchiya tepa fərndə shisshingchengnanda, kəthlēm thlēm Ləmwandengnəm Yəso Kərəsti.

27 Kəthlēm ndəkən thlinnani Yahuda tə Silas, kandang tə inchengnanda nanda mbwa'a nda kuni tə miya, witə ən'ərtə tə i natani yarata.

28 Keekesi mbəda Shemed Chidchid, tə kanang neddaniwa ndidchinsi, mə dəfadani kapat ləkta kuni'inwa kə sherangka ichi sokkə waatwa:

29 Kə lenganguni ichihi thlithlandəficha dəhacha, tə i'səka thluwa dəhərəmtə məkə nga fwarsafəwa, tə i'səka thluwa dəhərəmi bəkrandəfichə burat'en. Təpad mə siduni fəllawichitwa. Ma hirmuni ichini haryu, nuni

sət ichə ndiichin.

Kə sokuni ngwalngwal."

³⁰ Kə thləntəfichəkanda, pəḍak ndə hai kə Antakiya, ngommangndə fa tərmbanda, fərangndə yarat ḍelwer təkəna kanda.

³¹ Kə changngandənda səkndə mbənfata, kəthləm alchidī chekandənda kanda.

³² Yahuda tə Silas kandaşti naka tapənechə paḍ, shunangndə kandə ka'ən, paḍ chekangndə alchita hwammancha, tə shiwunchə oi.

³³ Diffitə hangmuncha mbənniyu, malkəndə kandəhi ngwalngwal, ngərandə'ina mbəḍa fəchile thlənkə kanda.

³⁴ Kəllang Silaswa keekesi, məllan kə sokka mbənniyu.

³⁵ Bulus tə Barnabas təngkənda hur Antakiya, naknda sakandaḍi tə bəssə shunda Ləmwanda, tə nofchəterchin paḍ.

Bulus tə Barnabas Shekndəhi

³⁶ Diffitə hanmuncha, Bulus ndangna Barnabas wa: "ngəramən'in ḍəmma kələndə hwanmancha hur chikayen həmta mbichi bəstəm shunda Ləmwanda, təpaḍ kənəm ndu nakndə kəni."

³⁷ Barnabas yakhənsi kə pəḍandə bweet tə Yohanna, lə atfichəwa Markus.

³⁸ Bulus yaraənhi kamusuwa kə pəḍandə təle saktəndəhi a hur Famfiliya, təpaḍ chertən ḍəta mbet tortəkəndəyuwa.

³⁹ Mbənniyu thla'akə bəbi somsommənochitta hanḍəkiketa thlərənanda, kəthləm ndəkən sakkəndəhi tə ndani, Barnabas tərken Markus, yimkənda kombawal pəḍaknda Sayifurus.

⁴⁰ Bulus taɖkən Silas, ɖiffitə fəri fərtə hwan-manche kanda, kə kafata Ləmwanda pəɖanda.

⁴¹ Pəɖak Bulus təhur hachahai Suriya tə Kilikiya, nakna cheka alchita kanda kətən hwachikən.

16

Timoti kwiyirtə Bulus tə Sila

¹ Bulus bakən paɖ kə Darbe tə Listira. Lə fərkitisa mbənniyu, thlemkənwa Timoti, hweya nuhnifə lə Yahudawata shinkən lə Helenawata.

² Fafərkitti naka Listira tə Ikoniya lanaknda hamndi.

³ Yahkə Bulus kə ɖəf Timoti ndi, tərkenndi tə paɖ hesha'ən, kəthlem Yahudawechi naka mbechiniyu nat nda shinndəwa shinkən lə Helenawata.

⁴ Naknda dar pəɖata wiikəndə həmtə həmta, naknda mbwa'anda nofcha ichi yarandə fathlenchikənhi, tə pəktechə fichile naka Urshelima, ndangnda fafərkitwa kə kuwurndə i yarandəndəhi.

⁵ Təkichu nofchə fatərmbanda, chekkəndə tə alchita hur fərkit, chikayen para kanda tera.

Bulus Nedtə ən Ndaa Hur Sənnata kə Dar Maki-doniya

⁶ Bulus tə nofchi'en wiyangndə sərət hachahai Firijiya tə Galatiya, kəthlem Shemeɖ Chidchid njanda kanda, mə basində pathla Fara hur Asiya wa.

⁷ Kə batndə kə sərət hachahai Misiya, yahkəndə ɖət təhur hachahai Bitiniya, chikakichu paɖ Shemeɖa Yəso ngəmawa kandəsəwa.

⁸ Mbærkændəhi tē kəllari Misiya, pəḍaknda hai kə Toruwas.

⁹ A fidikkən ɓak əna ɓəs Bulus ndaa hur sənata, nakən nifə lə Makidoniya, kit nakna hwananda tē ndatwa: "Abu Makidoniya kə kəsangnakanisi."

¹⁰ Kə nat Bulus i'ni nda sənnatəyu, chat-kichuyu kakkani mbanda Makidoniya, mwe-shangngani tēndatwa Farə nakka atkəm, kə ɓassaam kweshcha shunda kandəsi.

Lidiya Fərti kit

¹¹ Pəḍakani hur kombawal, thlata Toruwas kə Samotiras, wendambət paḍ pəḍakani Niyafolis.

¹² Thlata mbənniyu paḍ dəkani Filibi, le naka kapat həmta Makidoniya, nat Romawecha sət kutərīchitkən. Shidani hanmunchə dəmek a hur həməḍiniyu:

¹³ Farə yipta Yahudawecha, chekani kish kə mimbang həmətkən, dəkani mi'ama, mbəḍi natani yarəwa na mbita natsi i hwanandə Fara, mbənniyu sokkanihi shunangngani nishchi ngomkəhi.

¹⁴ Ərta hur nishchi naka səkkani, thləmkənwa Lidiya, ɓakna həmət Tayatira, lə hiiyandi fi nj-elechadi, lə mwanandə Farə naken. I'ngang Ləmwandə handəkiketə'enhi, dəfkən hur'i'nda i nat Bulussa mbuta.

¹⁵ Kə sandəfichə baptisma tē fichile naka huraa'en, hwanang Lidiya kani, tēndatwa: "Baknasoktəwa ngəmaḍuniwa njang lə fərkit kəmbənda Ləmwanda, ɓam tama hure'engna kə sokkunihi." Təkichu kahandən hur i'dəngnani.

Bulus tə Silassa Pursuna

¹⁶ Farəle nakani pəɖata mbət hwanda, kəmkani tə mafat nuhhweya, lenat shemed luwurchəsa fi'en, la kulakən, təpaɖ la mbəskən handəbəlta, kə fərangka nofchi naka thləmatkən, tə bəɖa kulat'en.

¹⁷ Nakna kuwur kani tə Bulus məlla hwata, ndatwa: "Nofchiya mafecha Fara le sherke tə mwanda, kanda bəssa mba hərəkta kunisi."

¹⁸ Dəknamban tə sət i'niyu i mundə tərchin. Təkichu səbkə hanndəkiketa Bulussa də kaən, təbərəkənhi ndangna shemediwa: "Nja dəfsə waat hur thlem Yəso Kəristi chukishsha fat'en." Chat-kichuyu cheknakish.

¹⁹ Kənat fa nuhwani natna hure'engnandəyu, resh mba mbəs ə'nengnandadi, kəsangndə Bulus tə Sila, təpaɖ kahkəndə kanda milumo, ndəkndə tə kanda mbanitə fichile nak tə kuturichit hachahaikəna har.

²⁰ Kə dətndə tə kanda mbanitə fa sakmicha, ndakndəwa: "Nofchiya Yahudawecha, naknda kanda shekda i'ndə həmtengnani.

²¹ Kanda sakandə dəssəchadi kamuchəksi, le kamuchiksi kanang Romawecha kə thlani."

²² Bak terə nofcha humangndə miya kə ɖar waləkanda, fa sak michikən thlethlahangndə nj-elecha nda Bulussa ɖi tə Sila, ndankndəwa kə təpangficha kandə kaən.

²³ Diffitə təpanda kandə kaən, somkəndə kanda pursuna, ndangficha lə pu pursunatakən harwa, kə kəlansakandə kaən, məninda hərəkta.

²⁴ Kə thlətən shuwunkən, dəkən tə kanda kakə hur kətən pursunatakən kənaən sarəchengnanda thleri peh'afta.

²⁵ A ɖar fidikta, Bulus tə Sila kanda hwanda, tə in i'mish mwanandə Fara, tahət pursunachikən

kanda kathlëmmata kanda.

²⁶ Su tollëwa, sëkkëfichë kapat hëhërta kisshitëfa, njun kätën pursuna təkən hëhërkëfa. chatkichuyu mikätën pursuna təkən inkëndëhi nat, tëpad uf challaluchi kënëndëfichë pursunachikënsi hëhhatkëndahaiya.

²⁷ Kë thlaatë lëpu pursuna təkënhar, anakën in mikätënhakënhï nat. Yarkënwä reh pursunachikën, kätkën thlohtë'en, tëna bëllandëfat'en.

²⁸ Shuwunkë Bulus të kapat burat ndatwa: "Mësanë mboro i'ndekufuwa, kana mbëdya nat-tani."

²⁹ Lëpu pursunatəkënhar ndakënwä, këba fichë të tikkesha, tëpad weshkëna rahta hurkën, mëla saktatfa të lechita dëkna hëmta mbanitë Bulus të Sila.

³⁰ Mbënniyu chaën kanda kish ndangnakandëwa: "Famwanda, mënatï sët këthlëm kë mbësi hërëkta?"

³¹ Ndangndëwa: "Fërukit kë bënda Lemwandë Yëso, nu mbës hërëkta të chikawuna hur hure'eku."

³² Shunangndë pathla Lemwanda, nat të fichile naka hur huraa'en.

³³ Chika nakna fidiktiyu, lëpu pursunatəkënhar kiledsa kanda tëpad sapadë ndindichengnandäfi. Chatkichuyu mëlan të fichile naka hur huraa'en sangfichë baptisma kanda.

³⁴ Bakën të kanda hur huraa'en, tëpad säën dësëmta kanda mban, mëlan të fichile naka hur huraa'en, naknda sët mbenfata këthlëm firndëkit këmbënda Fara.

³⁵ Wënda mbëta fa sak michikën thlënkëndë hansësalchë ndatwa: "Kë kalndë nofchihiyu!"

³⁶ Ləpu pursunatakənhar ndangna Bulus wa: "Ndak fa sak michikənwa, kə kalfighə kunihi nakənya, chamakis pədam ngwalngwal."

³⁷ Ngərkə Bulussəwa: "Təpangnda kani a baniti nofchə talyar, sahhawundə mikaniwa, a nakən kanang Romawecha, paɖ pəkkəndəkani pursuna. Nakənnya yahkəndə kaləkanihi buɖweta? Auwa! Kə ɓanda harandə kanikish tə i'ndengnanda."

³⁸ Kə ɖət hansəsəlchiyu mbu i'niyu, nak fa samichikənna lechita, ɓaknda səndəwa Bulus tə Sila Romawecha.

³⁹ ɓaknda tərəndakandəhi. Kanda harandə kandakish, təpaɖ hwanangndəkanda kəmalndə həmətkənhi.

⁴⁰ Diffitə cheta nda Bulus tə Sila kishsha pursuna, ngərangndə'ina hura'a Lidiya. Humkəndəhi mbənniyu tə fichile fərkəkit mbwa'angndə shuwuncha kanda, paɖ ɓaknda soktə tə alchit handəkiketa. Pəɖaknda.

17

Bulus tə Sila a Tassalonika

¹ Kuwurkəndə tə Amfibolis tə Afolloniya, saakəndə Tassalonika kə mbəɖi nat kətən humta Yahudawecha.

² Bulus yimkəna thləmmatnanda nda i səntənhi, mbəraɖ farə yiptəhi məkkan məlla halə'i'ndə tə kanda a hur ɖəlwercha Fara.

³ Nakna chekanda kanda, paɖ kəna sənanda kandəsi tə ndatwa, keekesi kə saa Kərəsti pwene, paɖ kə thlaaka hur məmmatcha, ngərkən ndatwa. Yəso ti nati mbwa'andakunniya, məllan naka Kərəsti.

4 Paḁ funə Yahudawechea, kahhafichi hur'inchengnanda, hummangndə i'ndə tə Bulus tə Sila, kichupaḁ sət Helinawechea oi fa lechanda Fara, tə kichupaḁ sət pəktat nischə oi fa mbutə kə səkficha.

5 Nak Yahudawechikəna sərəhta, ngommang ndə hwanchə rənnəcha a lumə. Kə ngomtəndə, tərkaakəndə thla'andə hur'i'nda a hur həmmətkən. Yimkəndə hurhura'a Yason nak nda kat Bulus tə Sila kəthləm kə bəndə tə kanda mbanitə nofcha.

6 Kə bəssawuchitndə kanda, kahkəndə Yason tə funə hwanmancha, dəkndə tə kanda mbanitə fa sak miiya, nak nda hwatta kanda ndatwa: "Nofchiya naka thlahur'i'nda chika ayi hurkisshita, bədnda mbəḁya paḁ.

7 Yason thlidtə kanda, ufndə kəllundəssa kussa Kaisarwa, ndatwa yunə kutursi, thləmkənwa Yəso."

8 Thlaakə hur'i'nda Nofcha tə fa sakmicha kə səktəndə ichiniyu.

9 Kə thləḁ ndə handəbəl punofchəhar a harra Yason tə tahət nofcha kalkəndə kandəhi kə pəḁanda.

Bulus tə Sila a Biriya

10 Chat kə sət fidikta, dəfkə hwanmancha ndə Bulus tə Sila kə pəḁanda Biriya. Kə saatənda mbənniyu yimkəndə kətən humta Yahudawechihi.

11 Yahudawechi naka bəḁya pəḁanda fichilehi naka Tasalonika tə hur'i'nda, kəthləm thlidndə shuwunkən tə harchə chap chap, lanaknda tausandə shunda Farə wembəta kə nandə ndu i mbutə Bulusyu kit.

¹² Oiya hur Yahudawechi fərkəkit, Paḍ tə funə nishchə Helinawecha fichile naktə mwanda tə hishchə paḍ.

¹³ Kə səktə Yahudawechi naka Tassalonikayu, tə ndatwa Bulussa bəssə pathla Fara a Biritiya, dəknda nata chikandə kanda kəndə thla'andə hur'i'nda nofcha.

¹⁴ Chatkichuyu dəfkə fafərkit Bulus kə pəḍaka mihawurta, nda Sila tə Timoti thlarkəndəhi mbənniyu.

¹⁵ Fichile dəfkə Bulusyu saakəndə təndi kə Atina. Naknda ngərandə'in thləkndə thlənda bəḍa Bulus ndatwa, yehsi nda Sila tə Timoti kə dənda mbəsndə ledləḍ, pəḍaknda.

Bulussa Atina

¹⁶ Kə nat Bulussa pu kanda a Atina, səbkə haḇəkiketə'enəḍi kaən, kə natən həmətkən nihidəḍi tə dəhhacha.

¹⁷ I səka para la nakna halə'i'nda kəten humta Yahudawechəhi kandang tə funə Helinawecha fa lechanda Fara. Chika bəḍi nat lumə fichile la bəlaakə nata bənniyu.

¹⁸ Funəsə paḍ Abikuriyawecha tə Sitokiyawecha fa mbər'əna halkəndə'i'ndə tə ndi. Funəgnanda ndakndəwa: "Mə yahtə lə ḍaakiya mbuta?" Ndakfunəwa: "Nda ləbassə dəhhacha nofcha." "Mbukəndə kichu kəthləm Bulussa bəssə Yəso tə thlata məmatcha.

¹⁹ Tərkəndəndi dəkndə tənda ḍar Arasa, ndakndəwa: "Ndu nu mbəlla mbwa'andakani witə yuwa sakayidi natu sakandəḍiya?"

²⁰ Kəthləm bənə yuwa icha thləmechengnani, yahkanisi kə sənnani i naka sakchikən."

21 Nakənya nat Atinawecha tə romchi naka mbəðengnanda, ənsə lə sənndə kə sherangka mbu yuwa shuwuncha tə sək yuwa icha.

22 Thlaakə Bulus thlarkənhi hurðifitə Arasacha, ndakənwa: "Kunang nofchi Atinacha, a mbəssadi wa kunang fa tər mbandə chika tə teni.

23 Kəthləm manja mbərtəhi tə həmətkən, lanaki ichi natuni mwananda, a naki mbət fər pofən tə yarata darkən ndatwa: "Kəthləm Fari sənuchit fīcha. Lenatuni mwanandə sənuchituniyu, məllan nati mbwa'anda kuni.

24 Fara letinkə kisshita tə ichinaka hurkən uf, məllan naka Ləmwanda afshi tə kisshita, shokwa kətən kapat hura'a Farə letintə nifəwa.

25 Kichu padə bəhwa kat nifə kə kəssaansə tə harchə'enwa, bəhwa yah ənwa, kəthləm məllan tə i'ndi'en la fərang shisshingta nifa, tə yipta tə ichi natna yahtə nat.

26 Məllan padə tinkə yakat terə nofcha tə mbəda nifə ərta, kəthləm kə soknda hur kisshitə nat, tahsaən sərət nadəngnandəhi, tə sərət həməchengnanda.

27 Sək Farə kichuyu kəthləm kə kandəndi, mbahya nanda taptə kə mbəssangnda, chika sokkən nga nakən langngə təkəmwa.

28 Kəthləm: "Tə mbəd'en natəmhi, lanatma yipta, padə tə mbəd'en mwaatəmhi. Nda i mbutə funəng-nuni fa at imshi ndatwa: "Kitchitkən, kəmnang ma witəkən nakəm.'

29 "Nakən kəmnang witə Fara, kamusi kə yarəm tə ndatwa Farə nakən nda zinariya ndu azurfa ndu ngwiya, le tahhəstə nifə tə dathlə'enwa.

30 A hur soh tərta Farə chumwandə'enadi a dər

tor bomchita. Nakənya mbwa'ada nofchə nat, chika tə tee'en kətarndəhi.

³¹ Kəthləm tahsadə farihi natna bata sa ki-ita kisshitəsi, i kitchitkən tə mbəda nofchi tahsadenhi, kəthləm ndəkən firtə kitchitkən kə mbəda chika wunni, tə thla'a nda hur məmatcha."

³² Kə səktəndə shuwun thlata məmatcha, funengnanda njirkəndəndi, ndak funə padwa: "Yahkani kə ngərani sək i natu mbuta kə dar shuniya pad."

³³ A mbənniyu saktə Bulushi tə kanda bədakən.

³⁴ Funengnanda ngərang ndə'ina mbəda Bulus, fərkəndə kit. A hurnanda Diyonisiyus, lə sak-micha, tə nuhnifa le nat thləmkənwa Damaris, tə funə pad fichile naka thləmatnanda.

18

Bulussa Korinti

¹ Diffitə ndəkən, malkə Bulus Atinahi pədakna Korinti.

² Kəmkəndə tə lə Yahudawata mbənniyu nat thləmkənwa Akila lə Fontusta. Le bək nakənya a Italiya, kandang tə nuhkən le nat thləmkənwa Biriskila, kəthləm Kalaudiyus firtə kus ndatwa nat Yahudawecha kə malndə Romahi. Dək Bulussa mbəskanda.

³ Nakən tor harengnandə ertə tə nofchiyu, tor tahhasə tenti, sokkənna thləmatnanda naknda sət torra.

⁴ I'səka farə yipta Yahudawecha, la yimkəna kəten humta Yahudawecha, a la nangna kahandə hur'inda Yahudawechə tə punofcha.

⁵ Kə bəadnda Sila tə Timoti a Makidoniya, bəknda mbəs Bulus firtə fat'enna bəssa, məlla

chedanda Yahudawecha tə kitwa, Yəso naka Kərəsti.

⁶ Halangndə'i'nda nak nda i'erandəfa, təppaən njelechi'ennadi ndangna kandəwa: "Hekke tə fwarchengnuni tə inchengnuni! njang chedikish. Thlata nakənya kə mban dəki mbəda punofcha."

⁷ Malkən mbənnihyu pədakna hura'a nifə lə atfichiwa Titiyus Yustus, ləmwandə Fara, huraa'en nduk tə mikəten humta Yahudawecha.

⁸ Kirisbus, kappat nifa mbət humta Yahudawecha, fərkən kit kəmbəda Fara, kandang tə nofchi huraa'ennat. Korintiyawechi oi səkkə bəssa Bulus, fərkəndəkit sanfichə baptisma kanda.

⁹ Farəle fidikta, chendəng Ləmwanda Bulus hur'en nda sənnatawa: "Məlechinuwa, dūmban tə bəseku pad məngasinə baawa,

¹⁰ Kəthləm njangtəsa, pad nifəsə na waləsa kə sukən'anwa, kəthləm nofchengnəsi oi hur həmmədiya."

¹¹ Sokkə Bulushi mbənniyu, hurat'ərtə tə ndəraa tehethl, məlla sakandə pathla Fara dī a hurnanda.

¹² A fari nat Galiyo sət kuturichita furət Akaya, thla'ang Yahudawechə Bulussafa, bəkdətənda mbanitə fasakmiya.

¹³ Ndakndəwa: "Nifiya məlla kahhandə hur'i'nda nofcha, kə mwanangndə Fari nguchik keeke tə kus."

¹⁴ Kə nat Bulus nduk kə shunən, ndəkən ndandə Galiyo Yahudawechəkənwa: "Makəthləm sət'en nduduwa ndu kapat bəbi'əna, mani kəthləmmatakuni.

¹⁵ Nakən pathlə sahmi kə dər shuwuncha, tə thləmcha tə pad kus engnuni, kəllamən kunang tə

inchengnuni. Njang ngi mbølla thlandə shundəhi kə ɗar witə ichiyawa."

¹⁶ Rəkkən kanda kəten sakmikən.

¹⁷ Nat nda kəsangndə Sostanus ləhəm mbanita a mbət humta Yahudawechəhi, təppangnda a mbanitə fa sakmikən. Kəmmawuchik'ən Galiyo kə ɗar i'sətna

Ngəraa Bulus Ina Antakiya Dəkən chaa tə Hur Suriya

¹⁸ Diffitə ndəkən sokkə Bulushi hanmunchə oi təfafərkit a mbənniyu, ndangna kandəwa nan maləkandəhi, a yimkəna kommbawal, bəɗakna Suriya kandang tə Biriskila tə Akila. Kə saatənda Kankiriya, həsaən hwasə ində'enadi, kəthləm kə nəhɗaən shunihi mbudtən.

¹⁹ Saakənda Afisa, malkən Biriskila tə Akila mbənniyu, məllan tə i'ndə'en yimkəna kəten humta Yahudawechihi, nakna tausandə shuwunkən tə Yahudawechikən.

²⁰ Hwanangndəwa kə sokka mbənniyu hanmunchə oi, cherkənfa.

²¹ Nakna pəɗata ndangnakanduwa: "Ni ngərandə'inna mbədengnuni ma ngəmma Fara." Yimkəna kommbawal pəɗakna Afisa.

²² Kə tərtənahaya a Kaisariya, pəɗaknashi dəkna nda'ənna fa tərmbanda, pəɗatahai kə Antakiya.

²³ Difitə munchi sətna mbənniyu, thlaakən wiyaan furət Galatiya tə Firijiya nakna kuwur həmtə həmta, kəna cheka alchita fa tərmbandə nat.

Besh Afolos tə Alchitafa a Afisa

²⁴ Lə Yahudawatsi thləmkənwa Afolos baka Afisa. Məllan lə Iskandariyatə nakən. Lə mbər shunda shintə'ənkaən, nat tə yarat shunda Fara.

²⁵ Sakafəchə pathlə mbanda Ləmwandəhar, pad nakən tə alchita fa hur Shemedə, la mbukən pad kə sakaan'ichadi kə dər Yəso keeke, nat tə kichu baptisma Yohanna ndak səntən.

²⁶ Tərkaakən shundə tə alchitafa, a kətən humta Yahudawecha, kə səktə nda Biriskila tə Akila ndi, tərəkəndənda huri, chekangndə mbwa'a pathla Farə kaən.

²⁷ Kə yahtə Afollossa dəta Akaya, chekang hwanmanchə alchita, pad yarangndə dəlwera fa tər mbandəsi kəthləm kə thləndəndi tə harchəchap. Kə saatən, kəssangna fichilesi fərkəkit kaən, tə mbəda kafata.

²⁸ Kəthləm sherafa Yahudawecha tə alchit kaən, fəraan harəfata kanda mbanitə nofcha, la chedkənwa hur pathla Fara Yəso naka Kərəsti.

19

Bulus a Afisa

¹ A thlahmbədi nat Afollossa korinti, Bulus wuyaən hur thlet həmətkən saakəna Afisa, mbədi mbəsəndən tahhət kimshechəkən.

² Ndangna kandəwa: "A thlinduni Shemed Chidchid a thlahmbədi fərtuni kitwa?"

Ndangndəwa: "Auwa, bahwani tamta səktəwa Shemedsi Chidchidwa."

³ Ndakənwa: "Witə baptisama təmə sandəfichəkuni?" Ndakndəwa baptisma Yohanna."

⁴ Ndak Buluswa: "Yohanna səkən baptisma kəchəndənwa tərniyəhi, nakna ndanda nofchuwa kə fərndə kit kə mbəda le na bata diffitəkən, naka Yəso."

⁵ Kə səktəndə kichu, sang fichə baptisma kanda a hur thləm Ləmwanda Yəso.

⁶ Kə dəffandə Bulus hara kanda in, bak Shemed Chidchid kə darnanda, naknda shundə tə han-shuwunchə somsomən, pad naknda mbu'icha.

⁷ Ufnda nak ndə nifə kumngərənsi chap.

⁸ Yimkə Bulussa kətən humta Yahudawechihi nakna bassa lechitfuwa shee ndəraa məkkan, məlla halə'i'ndə tə kanda, nakna kahhandə hur'inchengnanda kə dar mwanda Fara.

⁹ Pad funəsa hurnanda tə kwaakwachit i'nda cherkənda fərkit, naknda njirandə mbanda Ləmwananda mbanitə nofcha, kəthləm kichu Bulus sakkənhi təkanda, pədakən tə fa fərkit, nakna sakandađi i səkka wembəta a makaranta Tiranus.

¹⁰ Hurat chap məlla sət kichu, tə kichu nat nofchi naka həmət Asiya shikndə pathla Ləmwanda, Yahudawecha tə punofcha.

Hwecha Sikeba

¹¹ A shid Farə ənat sheka i'ndə oi tə mbəda Bulus le tamuchit fīcha nata.

¹² Chika mayani'en ndu njelaa'en, le təkanghara fat'enfa, la dāngfīcha hacha kə kənda hur hafadeng nanda, pad kə sakndəhi tə bəbishemecha.

¹³ Funə Yahudawecha fīchile la naka wiyandə həmətkən, la naknda rək bəbishemecha, la səkndə tor tə thlēm Ləmwandə Yəso, a dar fīchile nak tə bəbishemechikənafa la ndangndəwa: "A hur thlēm Yəso lela bəstə Bulussa dārkən chamakish."

¹⁴ A hurnanda hwechəsi muđ kə hishcha, naka i kapat pərist lə Yahudawata le nat thlēmknəwa Sikeba, uf nda lasəkndə kichu.

¹⁵ Ngəməng bəbisheded kən kandəwa: "A shini Yəso pad a shini Bulus, kunang pad kunang miicha?"

¹⁶ Nifi nak tə bəbishededə fiyu pərkəna dārnanda, sherangna kandə tə alchita, cheknda kissha hurikən tə wesha tamkwāl tamkwāl pad bəskəndə ndindicha.

¹⁷ Fichile nak tə sokta a Afisa, Yahudawecha tə punofcha, kə səktəndə i səkyu kəsang lechit kandə nat, mwanang ndə thlēm Ləmwandə Yəso.

¹⁸ Oi a hur yuwa fafərkit, baknda nata mbu bəbi dəssəcheng nanda tallara.

¹⁹ Nofchə oi fa kulecha baknda tə dəlwercheng nanda, 'yangndadadi a mbanitə nofchə uf, kə sakəndəndə handəbəl dəlwerchi ikkadi, mbəssang ndəwa a shee azurfa aru kunchit kum dūрман (50,000).

²⁰ Shunda Ləmwanda nakna dəta mban tə alchitafə kaən.

Thla Hur'i'nda a Afisa

²¹ Diffitə ichini səknatyū, Bulus yarkəna handəkiketi'enwa nidəttə Makidoniya, tə Akaya ka cheta Urshelima, ndakənwa ma didi mbənniyu waat kə di həmmət Roma."

²² Thlənəkən funə chap hur fa kəssa torchəsi, nda Timoti tə Arastus, kə Makidoniya, məllan thlarkənhi a həmmət Asiya tolla.

²³ A hanmunchiniyu thlakkə kapat thla hur'i'nda, kə dār pathlə fa tərmbanda Yəso.

²⁴ Thla hur'inkən bakən tə mbəda lə bəta, le nat thləmkənwa Dimitiriyus, lelə sək tor tə hurita, kəna bəl kəten dəhhacha Artemis. Lanakna mbəssa handəbəta fa torharkənsə kaən.

25 A ngomaæn kandæ nat tæ fichile nat witæ torhareng nandæ ærta, ndakænwa: "Nofcha, ashinuniwa tæ tori engnaniya mbæsti kænnecha.

26 Kuna nata kuna sækta nga Afisa dengwa nat tæ Asiya, Bulus kahhadæ hur'i'nda nofchæ oi, pad tæbrandæ nofchihi oi, tæ ndatwa dæhachi læ tintuni tæ harcha nga Faræwa.

27 Mbærramsi mborro bata naficha sæbandæ thlæm torengnæmmadi. Diffitæ ndækæn pad tæ kætæn nuhdahata kapat alliya a Artemis, nan soktæ nga ænwa, pad nan saktæhi tæ mwandæ'en, mællan ti lamwanandæ hæmmæt Asiya tæ kishitæ nat."

28 Kæ sæktændækichu sæbkæ hurcheng nandadi, naknda hwat tæ ndatwa: "A shok kapat mwanda Artemis a Afisawecha!"

29 Næhædkæ hæmætkænadæ tæ sheka i'nda, rahkændæ kæ mbæt terækæn, kæssangndæ Gayus tæ Aristarkus, shikechæ wita Bulus a Makidoniya.

30 Yeh Bulus si kæ yimka hur nofchækæn, ngæmauchik fa færkæt.

31 Kuturchæsa Asiya naka shikechækæn, thlænangndæ shundæ tæ ndatwa, mæ bahida yimta hur nofchi oi yuwa.

32 Yakat nofchi ngomkæhiyu, kanda hur sheka'i'nda, kæthlæm shekndæhi, funæ tæ mbædyu funæ pad tæ mbædya, sokkæn terchin fichile sænuchik i humang kandæhi.

33 Funæ Yahudawechæsi pækkændæ Alekzanda mban. Mælan pad thla'a'æn hara kæthlæm kæ ngas-fichæ ba, mbah nan mbwa'anda kandæ i sæka.

34 Kæ mbæssandændæwa læ Yahudawat nakæn, hanthlikchæ chap ufnæ kanda hwata, tæ kapat burata ndatwa: "Kapat mwanda Artemis a shoka

Afisawecha!"

³⁵ A mweshitkən, lə yaratkənna həmətkən ngassaən nofchihiyu, ndakənwa: "Kunang Afisawecha, wun sənuchikwa həmmət Afisa naka hərəm kəttən dəhhacha kapat Artemis, tə kweshcha ngwiyi həmkə haya afshi?"

³⁶ Nda i natəm ichiniyu, kamusi kə haləm i'ndəwa, kamkənsi kə ngassuni bə mə wesshiduniwa.

³⁷ Bakuni tə nofchiya bəɖya, chika sokkən herkunda kəttən dəhhachengnəm, ndu kə mbundə bəbi'ən kə ɖar nuhdəhhachengnəwə.

³⁸ Ma Dimitiriyus tə shikechəkən tə fa sət torchi'en, ma ənsə thlərənandə tə yuna, a i'nafichə kəttən sakmichəhi, pəɖ fa sakmikənsi ɖəknda muh hanhara.

³⁹ Ma ənsə yahtunisa battəkən kə mban, ɖək ma mweshanda mbanitə pəktecha.

⁴⁰ Kittəkən kəmna hur lechit ngəm muhhanhar thlahur inni bukwəya, kəthləm ngəma mbəlla mbu i baktə thlahuri'ndə kə ɖarnandəwə.

⁴¹ Kə mbutən ichiniyu kalkən nofchəkənhi.

20

Bulus Ngəradə i'na Makidoniya tə Hellas

¹ Kə tuɖwat thlahur'i'nda, Bulus akən fafərkit, chekaən alchita kanda hur handəkiketa, ɖəkən ndandənəkandəwə sefarəyuna, pəɖakna həmmət Makidoniya.

² Kə wiyandən thlet həmchikən, chekaən alchita fafərkit kaən, bəknə həmmət Hellas.

³ Səkən ndəraa məkkana mbənniyu, nakna harəfa kə pəɖaka Suriya a hur kombawal,

nak Yahudawechea yaraa bæbi'ichafa. Ndəkən yartənwa nan ngərändə in tə Makidoniya.

⁴ Nofchi dəfkə Bulus nda: Sufata hweya Farus lə Biriyata, tə Aristarkus tə Sakundus, Nofcha Tassalonika, tə Gayus nangna Darbe, tə Timoti, nat tə Tikikus tə Tarofimus, nofcha Asiya.

⁵ Fichile lak pədata ɓan puukəndə kani a Toruwas.

⁶ Kanang paɗ malkani Filibihi yimkani komm-bawal, diffitə chi njohmi nguchit mehndəsa fi'en, hur mundə ɗurman ndəkani mbəskanda a Toruwas sokkani ɓənniyu mundə mud.

Thla'a Fichə Murət Aftikos a Toruwas

⁷ Tərka mundə mud ngomkani uf kəthləm kə chichangani njohməhi. Thlaakə Bulus ɓassangna kandəsi. Nakna harəfə kəthləm yehsa pədata ɓingətkən, nakna ɓassə toltol taa kə ɗar fidikta.

⁸ A kətəni ngomtani a huri afshi tikkeshchisə oi.

⁹ Hwan kimshaasi thləmkənwa Aftikos sokkən ɗassa tinkummbata, kəssang ɓweni kaən. Bulussa ɗar ɓassə toltol yimkəna ɓweni kasat, həmkənnahaya məkkatə tərəkətənkən, tərəkə fichidə kə murətkən.

¹⁰ Tərəkə Bulussa haya kə ɓəɗi nat hwaniyu, ɓirkənhi ɗarkən tərəkənnda kapahɓa ndakənwa: "Mə thla'i hur'i'dengnuniwa mwe tə shissh-ingtafa.

¹¹ Ngərang Bulus inna huri afshi ɗəkna chichandə njohməhi chiikən. Nakna shundə təkanda kə wenda ɓəta kanapədata.

¹² Pəɗakndə tə kimshi'iyu tə shisshingtafa nangnda kwalə kaən.

Witə Thlata Toruwas kə Miletus

¹³ Kə natani sa'a'ndə kommbawal, yimkanisi kə Asus kəthləm kə tərani Bulussa mbənniyu nda i tahsəndənhi, məllan yarkənwa təsar natna dəta.

¹⁴ Kə batna mbəskani a Asus, tərkaninda hur kommbawal dəkani kə Mitilin.

¹⁵ Thlaakani bənniyu bingətle a hur kommbawal bakani kəllari Kiyos. Iskichitkən changani kə Samas diffitə mundə ərte pad saakani Miletus.

¹⁶ Tərkə Bulus hurwa ngu thlarəhi Afisa wa, kəthləm mə səbbadə han thlikchadə Asiya wa. Məlla weshi kə saaka Urshelima ma mbandəsi a farə Pentikos.

Shuna Bulus Pəktechə a Afisa

¹⁷ A Militus thləntə Bulus, kə Afisa kə ang fichə pəktechə, mbət hwanda kə banda mbəsndi.

¹⁸ Kə batnda mbəsndi ndangnakandəwa: "Kunang tə inchengnuni a shinuni witə soki sokti təkuni, i'səka para njang tə kuni, thlata fari dəfti sarengnə kə Asiya.

¹⁹ Nja sa tor Ləmwanda tə amtita tə bahmwa'i'nda tə bahhi satti təmbədə bəbi yarəcha Yahudaweche.

²⁰ A malawi mbwa'a i'chakuni le na kəssanda kunisəwa, pad lanaki sakandakunihar a hur nofcha bubwetəfəwa, tə pad la yimkə huraa hura'a.

²¹ Kahhadi hur'i'nda Yahudaweche tə punofcha kə tərndəhi mbanitə Fara, pad kə fərndə kit kə mbədə Ləmwadəngnəm Yəso Kərəsti.

²² Nakənya dəki Urshelima tə bədə alchita Shemed Chidchid. Pad sinwi'i'na kəsja mbənniyuwa,

²³ A nakən chedi Chidchid̄tə Shemed̄wa, i'səka həmta na pursunachita natsi, tə bahta le naka punji.

²⁴ Chika tə kichu tərwi shishshintengnə nda ən ndiichinwa, ndu kapat ənkə fandengnəwa, mani mbəlla tubwandə tori fəritə Ləmwandə Yəso, le naka bəssə kweshcha kusheng shunda kə dər kafata Fara.

²⁵ Nakənya a shiniwa ngusa hurnuni na ngərnatnjuwa, kunangti wiiyaandi kuni kəni bəssa kuturichita Fara kunisi.

²⁶ Təpad̄ nja sənnanda kunisi bukweya, mwa'u fwara yunengnunisa dər indengnuwa,

²⁷ Kəthləm a səkwi ləkləkchit mbwa'a yaara Farakuni natwa.

²⁸ Mbəramsa inčhengnuni, təpad̄ uf chabi dəftə Chidchid̄chita Shemed̄ kuni, kənuni fa putəhar kə d̄uni mban tə hərəm nofcha, fa kuwur mbanda Fara, fichile mbəssandəna i'ndi'en tə mbəda fwara hwe'en.

²⁹ A shini tə ndatwa ma pədədi funə bəbi nofcha nanda yimta hurnuni, pad̄ ngunda malandə chabəkənwa.

³⁰ Təpad̄ funa hurnuni nanda thlata kənnda shuwun lekta, kəthləm kə kahangndə fa kuwur mbanda Fara kə thləmmantnanda.

³¹ Kəthləm dəkən sokam tə tahhasəffa, kə kud̄kuni, hurat məkkan fidiktəsəwa farəsəwa, mallawi mbwa'anda kuni natuni tə amtitwa.

³² Nakənya njang firi kuni bəda Fara, pad̄ tə shuwun kafat'en, le na mbəlla tinandəkuni, pad̄ kə fəranka kuni i tahsandənhi nat tə fichile nakchid̄chid̄.

³³ A yahwi zinariya ndu azurfa ndu njelecha yunəwa.

³⁴ Kunang tē inchengnuni a shinuniwa a shidfi tor tē harchi'engnəya kəthlēm kə kwanayi indengnə i'yahtən tē fichile naka thlēmmatna.

³⁵ A hur ichi nat chedadi sakətkənakuni tē ndatwa, sokkən waat kəsuni tor kicheya kəthlēm kə kəssangnguni fichilesi nguchik tē alchitafa, kənuni kuduk pathla Ləmwandə Yəso məllanti ndakwa: "Fər'enna pədada thləthi tē mbəsta."

³⁶ Kə mweshandə Bulus mbutəkichu, kopkənhi hwakən nat tē kandang.

³⁷ Mərkəndəhi tit ufnda, həmmangndafa kəskəndəndəhar i saktəhi.

³⁸ Nakndə tē səbhura, kəthlēm shuni ndandənakandəwa ngundəngənatndəwa, thlaakənda dəfkəndəndi kəmbət kommbawal.

21

Pədada Bulus kə Urshelima

¹ Kə maltanikəndəhi, yimkani hur kommbawaltəkən pədakani kə Kos, wendambət pad dəkani kə Rodes, thlaakani mbənniyu pad kə Fata.

² Kə mbəstani kommbawalti na dətə furut Finikiya, yimkanisi pədakani.

³ Kə tərkaatani nat Sayifurus, malkanihi tē kukun hishingta, dəkaniban tē pədada həmmət Suriya. Tərkanihaya a Taya, kəthlēm a mbənniyu nat kommbawaltəkənnə harandə ichi'enna haya.

⁴ Kə mbəstani fafərkit, sokkanihi mbənniyu mundəmuđ. Tə mbəda shemedə ndangnda Buluswa mədida Urshelimawa.

⁵ Tə kichu kə saatə munchi natani thlata, kənkanihursə tē wita. Thlaakəndə ufnda tē

nishcha tē hwecha dēfkəndə kani kə dēffitə hēmta, mbənniyu kopkanihi mi ama hwankani,

⁶ kanani saktəhi təkanda. Kanani yimta hur kommbawal, kandang pad ngərangndə'ina huri.

⁷ Kə tubwandani witengnani a Taya, saakani kə Tolemayis, ndangani ənna fahchənani, səkani mundə ərtə mbədengnanda.

⁸ Wembətle thlaakani dəkani kə Kaisariya, yimkani kə hura'a Filibus lə bəssa, le nak ərtə a hur fichile mud taatə fichəharyu.

⁹ Hwechə'ensi fwada kə hantarcha ngwanau-chit fichəkanda, lanaknda mbu'icha.

¹⁰ Diffitə sət hanmuncha mbənniyu, bək yunə lenaka tapəna'a nat thləmkənwa Agabus nakna Yahudiya.

¹¹ Kə bət Agabussa thləmmatnani, təkən sahət kənhura Bulus. Ndəkən kənəndən harchi'en, tə sarəchi'en ndakənwa: "A i'ndat Chidchid tə Shemedkənya, 'kichu Yahundawecha Urshe-lima, nanda kənəndə lə sahət kənhuriya, pad kə fərndəndi kə mbəda punofcha."

¹² Kə səktani kichu, kanang tə nofchi naka mbənniyu, hwanangani Bulus mə dida Ursheli-mawa.

¹³ Ngəmmang Bulus ndakənwa, "Kəthləmmi natuni sət kichu? Kəthləmmi natuni tita kənuni səbandə handəkiketengnadi? A tehshifa nga kənitə dengwama, ndu kə bəllikəficha a Urshelima kəthləm thləm Ləmwandə Yəso."

¹⁴ Mbəla'uchikani təbrandə yarə'enhiyu, ngaskani bə, ndakaniwa: "Suku sakta Ləmwanda kə nəhdənhi."

¹⁵ Diffitə munchəkən tahəskanifa pədakani Ur-shelima.

¹⁶ Funə fafərkitsa Kaisariya dəfkə kani, dəkndə tə kani mbəda Manason lenatani tərtaħaya mbət'en, nifəkən lə Sayifurustə nakən, nakən ərta a hur fafərkitti tərkaħənyu.

Bulus Didə Urshelima

¹⁷ Kə batani Urshelima, thlək fahchənanikani tə mbənfat kaən.

¹⁸ Wendambəta pədaħani tə Bulus kə mbəda Yakubu, pəktechə fafərkit kanda mbənniyu.

¹⁹ Diffitə nda ichakanda, ndəkən mbwa'andəna kandə ərte ərte ichi sət Fara a hur punofcha, tə mbəda tori sət Bulus.

²⁰ Kə səktəndə kichu, mwanangndə Fara. Ndan-gnda Buluswa, "Nednəwa hwanmanani, terə nofchə oi a hur Yahudawecha firndə kit, ufnə fa sərəh kuwur kussa Musa naknda.

²¹ A mbwa'a fichə kushengwa kandə ndatwa, sokən lasakagnga Yahudawechihar uf fichile naka hur punofcha wa muhang ndə kussa Musa di. Paď la ndakuwa mə heshafichə hwecheng-nandəwa, paď mə kurində tormurteng nandəwa.

²² Nakmasətwə kəniya chu? Kəthləm nanda sək kushsheng baďeku.

²³ I naksi su i ndutani kə səna. Nofchengnanisə fwada, fichile ak ichimi.

²⁴ Haru nofchiniyu kə duni sapandə fadengnuniďi, kə kwanə i la kwantəficha, kəthləm kə həssang ndə kanda. Tə kichu nat ficha səndə tə ndatwa, i mbwa'andə ficha kanda nga kitchitsuwa, paď nakndanat nda sokən naka kuwur i mbutə kustəkən.

²⁵ Paď punofchi fərkəkit, a thlinani dəlwer tepi thladanihi, məngəmidunifa kə səmmuni

i'thlandəficha dēhhachiwa, tē fēllawichitta, tē chi i'bekrandəfichē burat'en, paḍ tē chi thlu tē fwar'en.

²⁶ Bingətkən Bulus tərken nofchəkən, sapang-fichē kandaḍə ufnda. Yimkənnda kapat hura'a Fara, kəthlēm kē sənāen farē nēhata sapteng-nandaḍi, a fari nat fichā fər poḥfēn kəthlēm chikawuni.

A Kəssafichē Bulus a Hur Kapat Hura'a Fara

²⁷ Kē nat mundē muḍḍa yah nēhata, Yahu-dawechi baka hēmət Asiya nakndē Bulus a kapat hura'a Fara. Ndəkən chikandəndē terē humkən ufnda, kəssangnda.

²⁸ Naknda hwata kannda ndatwa: "Nofcha Isra'ila, kəssamnakanisi! Le nifiya lasakaən bəbi'ichadi kē ḍar nofchengnēm chika ayi, kənambwa'anda chika wuni, kē njirndē kussa Yahundawecha. Lashuwungkən bəbi'icha ḍar kapat hura'a Fara, paḍ latəkmaən kweshcha mbəḍihi chidchidya tē mbəḍa battē punofcha hurkən.

²⁹ Kəthlēm soh neḍ ndē Tarofimus lē Afisawata, kanda mbət ərta a hur hēmta, tərəkəndəwa Bulus yima kapat hura'a Fara tē ndi.

³⁰ Chatkichuyu shekḍang in'ndē hēmta, bəknofchē tē rahtē ufnda, kəssang ndē Bulus kahkəndənda kish, a hur kapat hura'a Fara, chatkichuyu ngəllang fichē mikətəncha.

³¹ Kanda ḍar yarē bəllanda, saakē kushengkəna mbəḍa kapat ləthlərhwata, ndatwa kim Urshe-limahi tē thla hur in'nda.

³² Chatkichuyu harkən fathlərhwecha tē pəktat fathlərhwecha Roma, rahkənda hai kē mbəḍi nat

ngomnofchəkən. Paḍ kə natndə fathlərhwēchəkən tə kapat nanda malang ndə təp Bulus.

³³ Bak kapatnandə nduk kəssaən, ndakənwa kə kənnang fīcha, tə chalalochə chap. Kanna sahtəwa ndu wunnakən, tə i paḍ sətten.

³⁴ Thlaakə terə nofchiyu naknda muh hanhara, ndakfunuwa kəcha, nak funəndatpaḍwa kəcha. Kəthlēm yakat thlahur in'nda hullada mbəssandə ḍarshuwunkən, ndakənwa kə ḍafichə tənda hura'a fathlərhwēcha.

³⁵ Kə saatə Bulus kəmi tərta, tərəkə fathlərhwēchəkənndi kəthlēm thlahur'inda terə nofcha,

³⁶ Yakat nofchə oi kuwurkəkanda, kanda hwata tə ndatwa: "Bəllamən!"

Shuna Bulus Nofcha

³⁷ Kə natndə nduk yimtə tə Bulus kə hura'a fathlərhwēchəkən, ndəkən ndandəna kapatnandəwa: "Ni mbəlla shunutəwa?"

Ngərkə kapatnandətəkənsuwa: "Awi la mbərku Helenanciwa?"

³⁸ Awi nga sokən naka Ləmasarawatwa, naka a hurechi mbərkəhi humang thlahur'indəyuwa, kahkə nofchə aru kumchit kum fwada fa bəlfata kə loktarəyuwa?"

³⁹ Ndəkən ngəmmandə Buluswa: "Ə, njang Ləyahudawata naki a Tarsus, a hachahai Kilikiya. Njang baki həməḍi səntəfīcha, nja hwanuta malitən kə shunayi nofcha."

⁴⁰ Kə fərandən mbanda, thlarkə Bulus kə mbət thlara, thla'anghara kəmbəda terə nofcha kəthlēm kə ngasndə ba. Kə ngastə ndə ba, shunaən kəndə tə mi Aramayata, ndatwa:

22

¹ "Hanmanchina tē shinchina sēkamnji, kē mbwa'ayikuni isēka kēthlēm kē chedayikuniwa suwuni'ēnwa."

² Kē sēktēndēndē shunadēkandē tē mi Ibraniyanci, ngaskēndē bā.

Ndākēn ndatēnwa:

³ "Njang lē Yahudawat naki, ngētkēfichinja Tarsus, a hachahai Kilikiya. Nat tēkichu mwanki hēmmediya, pad sakikēfichē changkathar tē mbēda Gamaniel, lē sakikē ichēhar uf kē dār sakta kakechengnēm. Lē sērēhki kuwur Fara, nda i uffuni lē sutuni a bukwēya.

⁴ Bahhadi fa kuwur mbanda Yēso, pad lanaki bēllandēkanda, lanaki kēnandē nofcha nda hishcha tē nishcha, la muhki kanda hur pursuna.

⁵ Kapat pērist tē pēktat fasakmicha, tē fa hēmmbanicha, na sheta kē darna. Mbēdengnandē thlitti dēlwer kē mbēda fahchinēm Yahudawecha, thlaaki pēdakē kē Dimaska, kē thlēm kē hari fichile naka mbēnniyu, kē bitēkanda Urshelima a kēnnda, bāh nanda fēraa pwane kanda.

Bulus Mbwitā Tarta'ennhi

⁶ "Nja dār pēdata, kē saati nduk tē Dimaska, kana hur fara sata, chatkichuyu bāk dwachita afshi, finikēn.

⁷ Hēmkanhi kē hachahaya sēkki burata dītēwa: 'Shawulu, Shawulu, i'mi natu fēri pwancha?'

⁸ Njang pad ngēmayiwa, sokēn wuni, Lēmwanda?" Ndākēn dītēnwa: "Njang Yēso Lēnazaratta, lē natu fēra pwancha.

⁹ Pad fichēle naka thlēmmatna, neddī dēwaachikkēn, nattēkichu sukundē burata lenaka shundē tē njiuwa.

10 Ndakiwa, mənati sətta Ləmwanda?" Ndəkən dītə Ləmwanduwa, thla'u kə yimna Dimaska, a mbənniyu nat fīcha mbu'u i tahsandə fīchəhi kə sənna.

11 Kə hullandi nat mbəta kəthləm d̄waachit hwadiyu, thlaakə fīchile natani mbət ətəyu kəskəndə harengna, saaki kə Dimaska:

12 "Yunəsi nat thləmkənwa Hananiya, la kuwur Farə nakən nda iyarandə kus hi, lela shunang Yahudawecha nat kə səkndəndi fīchile nak tə sokta mbənniyu.

13 Bakna mbəsni, thlarkən nduk tə nji ndikənwa: "Shawulu hwanya thlu natmbədəku." Chatkichuyu naki nat mbəta nakindi.

14 Ndakənwa: "Təd Fara kakechengnəmsa kəthləm kə sənne sakti'en, kə nana lə kachita kə səknə shunda mi'en.

15 Kəthləm kə sənna lə sheta'en kə mbəda nofchə nat kə dər i'natu, təi'səktu.

16 Nakənya mənatu puta? thla'u, kə sukə fīchə baptisma kəthləm kə sapang fīchə bəbifədəkudi, tə mbəda at thləmkən."

Ed Farə Bulus kə Mbəda Punofcha

17 "Kə ngərāndi'ina Urshelima, naki hwanda a kapat hura'a Fara, bək ən nda sənната mbəsni.

18 Naki Ləmwanda, nangna nditəwa: "Suledled kə chenakisha Urshelima, kəthləm ngunda thlət sheta e'ku kə dərənəwa."

19 Njang pad ndakiwa: "Ləmwanda, kəndang tə inchengnanda a shinnda i səka kəten humta Yahudawechəhi, a kənnadi fīchile fərkəkit kəmbədəku, pad a təppadi kanda.

20 Kə thlərəndə fīchə fwara Istifanusa dī, lə sheta ti e'kuyu, njang ma njang kitta mbənniyu,

nja kuwur i sət fīcha, nja pu njelecha fīchilehar bəlangyu."

²¹ Ndikənwa: "Thla'u puđu, ni thlənsa langna kə mbəda punofcha."

²² Terə nofchəkən naknda kəthləmata Bulus, bəkna mbu shuniniyu, məlla dar mbu'ichiniyu, thla'ang ndə hwata kanda ndatwa: "Bəllamən! Sakamən witə nifihiya təkishita, kamusi kə nan tə shishshingtəwa!"

²³ Naknda hwata nak nda muhandə dəsūpchəngnandadi, naknda thla'andə tənnata,

²⁴ Kəthləm ndəkən Ləmbanita fəthlərhwata shuwunkən tə ndatwa, kə da fīchə tə Bulus kə mbədi la soktə fəthlərhwata, kəthləm kə təpangnda kə sənnədə isək nat nofcha hwanda kicheya.

²⁵ Kə kənnandənda kəthləm kə təppangnda, ndang Bulussa kapat ləthlərhwatəkənna Roma lenak kit nduktəndi: "Awi, hur kus keekesi kə sangnə ən ndu kə təpang fīcha nifi naka hanhura'a Romawecha nga tə sang fīchə kitasəwowa?"

²⁶ Kə səkətə kapat ləthlərhwata Roma kichu, dəkna mbəs ləmbanikən ndaənwa: "Mənatu yarəsəta? Nifiya hwan Roma nakən."

²⁷ Bək kapat nanda mbəs Bulus ndaənwa: "Mbu'i'tən kit, sokən hwan hachahai Roma wa?" Ntang Bulus, "Ə."

²⁸ Ngəmmang kapat ləthlərhwatəkənwa: "njang tə handəbəltə oi mbəsti nata hwanhəmta. Ntang Buluswa: "Njang dəkən ngəttəfīchə nji."

²⁹ Fīchile naka yarə tawasəndi chatkichuyu mbəhkəndə difi'in. Kapat ləthlərhwatəkən kəsəntənwa Bulus lə hwan hachahai Roma nakən lechəkən, pad teppa kənnada.

Bulus Mbanitə fa Sakmicha

³⁰ Kə wentə mbəttə, ɓak kapat ləthlərhwatakən yahkənsa sən kachit i sək ɓat Yahudaweche muhanhar Bulus, ɓakna kwasandəhi, mbukən tə kapat ɓurat ndatwa, i səkə pərischa tə fasakmicha kə ngomndəhi. ɓakən tə Bulus kə thlarnka mbanitənanda.

23

¹ Thlaakə Bulus nakna kələndə fa sakmichəkən, ndakənwa: "Kunang hwanmanchina, kə ɓukweeya a hur handəkiketengna mwa'u ən'sə ngwedechin ndu ənət thlahur'i'ndə kə ɗar nadəngnəhi a mbanitə Farawa."

² Kə səktəndə kichu, thlaakə Hananiya kapat pərist, ndəfkən fichile nak nduk tə Bulus, kə təpndənda mi.

³ Ndak Buluswa: "Sokən kohat nifa! Sokən thlari pa'andə fichi fur kurrata, sokən ma na Fara təpsa! Sokkuhi kənnə si kitasi kə ɗar sakandada Musa, a landəfku kə təpfichi nji, i nguchik keeke a hur sakakənnadi."

⁴ Fichile nak kikit mbənniyu ndangnda Buluswa: "Kapat Pəristsa Farə natu era?"

⁵ Ndak Buluswa: "Hwanmanchina, a sənwiwa məllan naka kapat Pəristwa. Kəthləm a yeradficha a hur shunda Farə, ndatwa: "Mə erinə ləhəm mbanita nofchəwa."

⁶ Kə səntə Buluswa, funə Sadukiyaweche funə paɗ Farisaweche, thla'a'ən ɓurata hur fasakmicha, ndakənwa: "Hwanmancha, njangma lə Farisiyawat naki, Hweya Farisiyawa. Andiya kəthləm ɗifi inndə kə ɗar thlata məmatcha ndəkən sək natuni sakimiya."

⁷ Kə mbudtən kichu, thlaakə halə'i'nda tinnda Farisiyawecha tə Sadukiyawecha, sakkə ngom-nofchəkənhi kurutkən chap.

⁸ Ndak Sadukiyawechuwa, thlata məmatchəsuwa, mala'ikachisəwa, ndu Shemedə. Farisiyawecha kandang ngəmməndəwa neesi nat məkkanwa.

⁹ Thlaakə kapat sheka'inda naknda shundə kə afshi, funə malndəmchə fa sakandə kussa Musadi, Farisiyawecha thlarkəndəhi kit, naknda halə'innda, ndakndəwa: "Kanang a mbəssawani bəbi i'sət nifiyawa. Mbahya yunə Shemedə ndu mala'ika shunangnga."

¹⁰ Kə thlaatə halə'inkən kaən, lechik kapat lə thlərhwatkən kəthləm məni nda thləthlahhandə Bulus hi. Fərkən mi təndatwa, fəthlərhwatkən kə tərndəhaya kə thləndə Bulussa də tə alchita, kə bəndə təndə kə mbət sokta fa thlərhwata.

¹¹ Sək fidikta thlarkə Ləmwandə nduk tə Bulus, ndakənwa: "Du mban tə alchit həndəkiketa, nda i fərtu sheta kə dərna a Urshelima, kichu pad kamkəsi kə fərnə sheta dərna a Roma."

Shid Fichə Bəbi Sakta kə Bəlang Fichə Bulus

¹² Wendəmbəta, Yahudawecha təhəskəndəfa kəthləm kə bəlləngndə Bulus. Akndə ichəmi tə ndatwa, ngunda səmtəwa ngunda satwa, se ma bəlləndə Bulus.

¹³ Fichile sək bəbi təhasinifiyu, pəḍənda nifəhi kumchit fwada.

¹⁴ Dəknda mbəda pəktat pəristcha tə fa həmməbanita, ndakndəwa: "A edḍani kapat ichimi tə ndatwa, ngani səm'ənwa ngani sat'ənwa sema bəlləḍani Bulus.

15 Kəthləm kichu, nakənya kunang tə fasakmicha, hwanamən kapat lə thlərhwatkən, kə bəən Bulussa kuni, nda tə yahunisi kə ngərūni sahamihar kaən, kanang paḏ tehshanifa kə bəllangngani kana sata."

16 Kə səktə hweya hwanman Bulus witə tahasifə nanda sita, dəkna yimta mbət sokta fathlərhwatkən mbwa'angna Bulus.

17 Bulus akən yuna hur kapat fathlərhwata Roma, ndakənwa: "Du tə hwankimshi'iya mbanitə kapat fathlərhwata, shundəsə yahtənsa mbwa'anda."

18 Kapat ləthlərhwatkəna Roma tərken han-kimshikən, dəkən tənda mbəda kapatnanda. Kapat ləthlərhwatkəna Roma, ndakənwa: "Bulus hwan pursunatiyu, aknji, hwanikənwa kə bitə hwankimshi'iya mbədəku, kəthləm ənsə natna mbu'uta."

19 Kapat ləthlərhwatkən kəskən hara kimshikən, kahkənda kəlar, sahaən miya buḃweeta: "Mənani yahtusa mbwi'itiyu?"

20 Ndang kimshikənwa: "Pəktecha Yahudawecha tahsandəhi, nanda hwanuta kə ḏangnə Bulussa kanda mbanitə fasakmichə ishki, nda yakhəndə kə ngərndə tausandə shuwunkən'enhi kaən.

21 Paḏ mə ngəmmaḡa kandəsəwa, kəthləm pəḏada nifəhi kumchit fwada kanda ḏuwetndi kanda kat kə bəllangnda, paḏ tepa edndə i'chimi ndatwa, ngunda səmtəwa ngunda satwa sema bəllanda. Nakənya a tehishndəfa, ngəmtəku ndak nannda puta."

22 Kahhang kapat Ləthlərhwatkən thləmata

hwankimshikən tə ndatwa: "Mə mbwa'ana yunuwa mbu'i'nə shuniyawa." Kalkəndəhi kə pədan.

Thlində Bulus kə Mbəda Ngomna Felis

²³ Kapat ləthlərhwatken akən pəktat fa thlərhwechəkəna Roma chap, ndangnakandəwa: "Tahsamfa dukuni Kaisariya, hwanthlikən hanherta i'fidikta tə fa thlərhwechə kumchitkum chap, tə kumchit mud fa pərpishcha, tə fa thlərhwat kumchitkum chap fa mbat tə pela."

²⁴ Kə kuni pirshihar le nat Bulussa pərtəsi, kə dunitənda mbəda Ngomna Felis ngwalngwal.

²⁵ Yarakən dəlwer nda iya:

²⁶ "Thlata Kalaudiyas Lisiyas,

Kə mbəda lə mwandə Ngomna Felis. Ndat ən oi.

²⁷ Nifiya kəsandə Yahudawecha, ndukndəhi kə bəllangnda, thlaaki ledled tə fathlərhwecha thləkindadi, kəthləm a shikiwa məllan hwanhəmət Roma nakən.

²⁸ Yahkisə kə səki isəten nannda təramifa, dəkitənda mbanitə fasakmichengnanda.

²⁹ Baki mbəssandəwa naknda təramifa kədar shuwun sakandengna nda dadi, kəthləm i'səten saawa dəffandafə kə kənannda ndu kə bəllangndəwa.

³⁰ Kə mbu'i'təfichiwa bəbi ənsə natficha yarandəfa, chatkichuyu thlənukindi. Ndəkən ndandə fichile muhkə hanharkənwa, kə dənda mbuta mbanituwa i'nat ndə səten ndəduwayu."

³¹ Kəthləm ndəkən fa thlərhwatken tərəkəndə Bulus, nda i mbwa'andə ficha kanda, dəkndə təndi kə Antifatiris a fidikta.

³² Bingngitkən malkəndə fa thlərhwatkən fichile la pər kə pirishcha kə dənda mbantəndi, kəndang pad ngərangndə'inna mbətsoktəngnanda.

³³ Kə bat fathlərhwatkən, fichile la pər kə pirihcha saakənnda Kaisariya, fərangndə dəlwerə ngomna, malkəndə Bulushi a hurhar'en.

³⁴ Kə changkandə ngomna dəlwertəkən, sahəən mi Bulus ndu bakna həmmət mi? səkənwə bakna Kilikiya,

³⁵ ndakənwə: "Ni kathləmmata shundeku, a fari batfichile muhkə hanharwa: "Ndəkən fərtə ngomna shunda kə ngəllangficha, a huri kuturi-chita Hiridus le tintən. Kə puufichindəhar.

24

Mwih Yahudawechə Hanhar Bulus

¹ Diffitə munndə ndurman kapat pərist Hananiya, bəd tə funə pəktechə, Pad tə yunə ləmbər shunda le nat thləmkənwa Tartulus. Kəthləm kə muhndə hanhar Bulus a banitə ngomna.

² A yimang fichi Bulussi, Tərkaakə Tartulus muh hanhar Bulussa banitə ngomna Felis, ndakənwə: "Nakən tə bəda səndeku sandə fichi kachit nofchengnəm, Pad kəthləm lakəllaku langnga, ndəkən sək tahəstə fichi ichi oi fichile sokka kachitta nofchengnəm.

³ Nofchengnəm chika ayi kanda su usoko nga sərtəfuwa.

⁴ Pad kəthləm mə səbadi hanthlik chikən eku'ndəwa, nja hwanuta hur kachidəku Kə kangnə thləmmata i ngudəh nattani buta.

⁵ Mbəssadani ndatwa nifiya lə bat tə thlahur'inda, lanakna bat tə thlahur'inda thlərə

Yahudawecha, chika tōteni a hur kishita, Paḍ mēllan nalē mbanita i leki la atfichiwa Nazarawa.

⁶ Kēḍ kē tēkmaēn kapat hura'a Fara ḍi, Paḍ a kēssangngani.

⁷ Paḍ Lisiyas lē ḅanita, ḅakna thlētndadadī harengnani tē alchitta.

⁸ A ḍiftē fa muhhanhar nifiya kē ḅanda ḅanituwa. Ma usanē mihar sokēn tē i'ndeku, nu mbēlla sēnda mbēḍ'en nat ichi nattani muh hanharkēn.

⁹ Yahudawecha kwiyrindē ḍiffitēkēn kichu. Ngēmangndēwa, nak ēnnatkēn kichu.

Hārka Bulus Fat'enna Mbanitē Felis

¹⁰ Fērang ngomna mba shunda Bulus, ndākēn ngēmandē Bulus ndakēnwa: "Ni hērkandē indengna tē chidchidchit handēkiketa, kēthlēm shiniwa shidnē hurechē oi, sassa kiita nofchiya.

¹¹ Ma tausanēhi nu mbēssandē wa, mbērawa munndēhi kumngērēnsēchapwa, Kē pēḍati Urshe-lima ka hwanda.

¹² Fa muh hanharnētiya tamunda mbēssitē nja halē'i'ndē tē nifēwa, ndu nja thla'andē hur'i'nda nofcha kapat hura'a Fara ndu a mbēt humta Yahudawecha, ndu a hur hēmētkēn.

¹³ Ichi nat'nda mbuta ḍar i'ndengnē nakēnya ngunda mbēlla fēru sēndēwa.

¹⁴ Ən ertē ngēmāndi, ndākēn naka nja kuwur Fara kakechengnēm tē mbanda nofchi la kuwurkē Yēso, la atfichiwa Nazarawa, lēnaki fērkitta ḍar ichi uf yarandē fichihi nda i lasakandē Musadī paḍ tē laulawecha Tapēnecha.

15 Nja daf handəkiketa mbəda Fara, nda i nat fichileya səta, ndatwa, naficha thla'andə məmatcha, fa kafata tə fa bah kafat nat.

16 Ndəkən sək pware lanati kweetəhi a handəkiketengna, kə soki nga kweedechinna mbanitə Farə tə nofchəwa.

17 Pad diffitə hanhurechə ngudeh, bakidi kə Urshelima kəthləm kə fəripoffən kə mbəda nofchengnəm, pad tə thlər icha.

18 Nja hur sət kichu, mbəssikənda shepidi a hur kapat hura'a Fara, nga tə ngomnofchəwa, ndu thla hur'i'ndəwa.

19 Funə Yahudawecheşi a hachahai Asiya fichile naka mbənniyu, kandang kamkəsi kə banda mbanituwa ka muh hanharna, ma shundengnandəsi kə faɖengna.

20 Mangakichuwa malamən nofchiya kə mbundə i mbəssitəndəsi a fari thlartihī mbanitə fa sakmicha.

21 Manga kə ɖar i'ərtə mbwa'andi kish tə alchita fari thlartihī mbanitənandə ndatwa: "Lenaka ɖar thlaata məmatcha, sək nati mbanitənuni bukweya."

Kubla Fichi Bulus a Kaisariya

22 Felis pad nakən tə sakət sinnda kə ɖar mbanda Yəso, thlaraən kandəhi, ndakənwa: "Sema beɖ Lisiyas ləmbanitə kwadən kani thlandə kiita engnunihi.

23 Ndəkən fərtə Felis shundə kə mbəda kapat ləthlərhwata Roma, kənna pu Bulus har, Pad kə fəradə pwene oi wa, kə njada shikechəkən kə banda mbəɖ'enwa, ndu kə kəssangndəsuwa.

²⁴ Diffitə hanmunchikən baknda Felis tə nuhkən Durusila, lə Yahudawata, a thlənken kə ba fichi tə Bulus, a kaən thləmmata kə dar shuwun kitchita Yəso Kərəsti.

²⁵ Tərkaakə Bulussa fər sakətkən kə dar kitchitta, tə pəda yah ənat alchitta fat hi, tə farə bahhi naka batyu. Səkkən kichu kəsang lechit Felis, ndangna Buluswa: "Nakənya ngəran'in. Ma mbisshi mbanda ni atsa."

²⁶ Məlla dəf handəkiketəsuwa na Bulussa fəraa handəbəta, ndəkən səknat Felissa nata atndə noknok kəna shundə təndi.

²⁷ Pad a diffitə hurat chap, sək Fokiyus Festus kə ngomna kə kwar Felis. kəthləm Felis məlla kat chidchidachita fwara mbanitə Yahudaweche, ndəkən sək maltən Bulussa pursuna.

25

Thla'a Bulus Muhhanhar'en kə Mbanitə Kaisar

¹ Diffiti munndə məkkan, saakə Festus kəthləm kə kəssən tor ngomnachita, thlaakəna Kaisariya pədakna Urshelima.

² Pəktat Pəristcha tə fa həmmbanita Yahudaweche, dəknda muh hanhar Bulussa mbəḏ'en.

³ Hwanangnda, kə ngərang fichi Bulus kə Urshelima, kəthləm a tahsandəhi wa nanda bəllanda mbanda.

⁴ Ngəməng Festus ndakənwa: Ndif fichi Bulus hi a Kaisariya, njang tə i'ndengna nja tərtəhurwa ni dətta mbənniyu hanmunchiya.

⁵ Dəkən ndatən padwa kəthləm kichu, pəktechengnuni kə bəndə tənji, ma nifiya ənsə sətən nga keekewa, Kə bənda muh hanharkən.

⁶ Mbərawa mundəhi fodfodə ndu kum a mbəḏəngnandəwa, ndəkən ngərandən'ina

Kaisariya. Bingngitkən sokənna mbət soktə'en i'kiita, thlənkən kə ɓa fichi tə Bulussa mbanitəkən.

⁷ Kə ɓat Bulus, Yahudawechi ɓaka Urshelima thlaakənda taurangndəhi, naknda ɓattə muh hanharengnandə oi kədarkən, naknda cheka fəra pwanchə kaən, ichi mbutənda ngunda mbəla mbu kakatitəkənwa.

⁸ Paɗ Bulus hərkaən fat'en ndakənwa: "Njang sawi ɓəbi'en sakta Yahudawechuwa, tə paɗ sawi ɓəbi'en kapat hura'a Farəwa, paɗ sawi ɓəbi'en Kaiserwa chika ngudehwa.

⁹ Yahkə Festussa təraandə handəkiketa Yahudawechəhi, sahaən mi Buluswa: "Ndunu ngəmtəfa kə dəna Urshelima kə sukə fichi kiitasa mbanitəna kə ɗar ichiniyu.

¹⁰ Ndak Bulus wa: "Njang kitta mbanitə kiita Kaiser, a mbəɗya kamkəsi kə sikə fichi kiitasi. Sawi ɓəbi'en Yahudawechiwa, sokənma shinnə kichu kaən.

¹¹ Ma njang la sək i kamuchiksi, paɗ mashidi ɓəbi'i saaka kə ɓəllikə ficha, ngi cherifa kə ɓəllikə fichəwa. Paɗ manga kitchitsə kə ɗar muhhanhari nat nda muhta ɗarnəwa, Paɗ nga nifəsi na mbəlla fərnja mbəndengnandəwa. Nja hwanda kə thla'ang fichi muh hanharengna mbanitə Kaiser.

¹² Diffitə yarandə icha nda Festus hi tə fa sakmichi'en, ngəmkən ndakənwa: "Makichu hwanu kə thla'ang fichə hanhareku kə mbənitə Kaiser paɗ natu pədata."

Bulus a Mbanitə Agiriffa tə Banis

¹³ Diffitə hanmunchə ɗimek, Agiriffa kutura tə Banis ɓaknda Kaisariya kəthləm kə sangndə marapa Festus.

¹⁴ Nakən nanda sət hanmunchə oi a mbənniyu, ndəkən bat Festus tə shuwun Bulus kə mbəda kutura. Festus ndakənwa: "Nifəsi malitə Felis hi a pursuna.

¹⁵ Thlahmbədi nati a Urshelima pəktat Pərischa tə fa mbanicha Yahudawecha bəkəndə muh hanhar nifiya, hwanikənnda kə thlang fichi kiitasi.

¹⁶ Paḍ ndayi kandəwa, kanang Romawecha sənwanihı tə sa kiita le sək bəbi'ənwa, sema bəndətəndi kə mbəda fa muh hanharkən hwanitə tə hwanita, paḍ sema fəraa fichi mbanda kəthləm kə hərkaən i'ndi'en kə ḍar muh hanhari sət fīcha.

¹⁷ Kəthləm kichu, bək nda mbəḍya rəmmə tə ndi, a səbawı hanthlikənnadəwa, bingnetkən sokki mbət soksakmiya, ḍəfki ke bəfichə tə nifəkən.

¹⁸ Kə thlaatə fa muh hanharkən, bündə tə muh hanharkən kə ḍar bəbi i nati yarə kə ḍarkənwa.

¹⁹ Nakən shuwunchengnandəsi le fəruchit ndə kitsi kə ḍar Bulus, kə ḍar tər mbandengnanda, tə yunə wa Yəso le mərka, Paḍ le thlartə Bulus tə alchitwa məllan tə shisshingtafa.

²⁰ Njang paḍ mbahki i nati tausandə ichihiya, sahayı Bulus ndu nan ngəmtəfa kə ḍəka Urshelima kəsang fīchə kiitasi kə ḍar ichiniyu.

²¹ Paḍ kak Bulus kəthlarang fīchə shundə'enhi, Kaiser kapat kutura kə thlaən kiita enhi, fərkən shunda kənna fīcha pundəhar kə fari nati thlənnda kə ndang fīcha Kaiser.

²² Agiriffa kutura ndangna Festus wa: "Njang ma ni bəta kathləmmata nifiya tə i'ndengna." Festus ndakənwa: "Nu səkndə ishki.

²³ Wendambəta Agiriffa tə Banis yimkəndəsi tə mwanda witə i kuturcha, bək ndə tə pəktat

fa mbecha tē paktecha hēmōtkēn. Fērkē Festus shundē tēndatwa kē yimang fichē Bulus kē kēttēn sakmiya.

²⁴ Ndākēn ndat Festuswa: "Agiriffa kutura, nattē nofchi natēm tē kandē rēm̄ma, a nifi bitē nofcha Yahudawechē hanharkēn kē Urshelima, tē mbēdya pad, Kanda hwattē ndatwa Kammusē kē malfichi ndi tē shissingtēwa.

²⁵ Pad njang nuwi i sēttēn le saaka i bēllandēwa. Nakēn pad mēllan tē i'ndi'en kēd tē ndatwa kē ngērang fichi kita'enna mbanitē lē mwandē Kaisar, ndakiwa ni thlindē tēndē mbēd'en.

²⁶ Pad nga kakati tē shundēsi nati yaranda kutura Roma lē mwandēsēwa. Kēthlēm ndākēn baki tē ndi kē mbanitēnuni, kapatkēnna mbanitēwa sokēn Agiriffa kutura, kēthlēm dīffitē usamihar ndu ni mbēs i nati yarata dārkēn.

²⁷ Kēthlēm njang a na ndengna, mbomchita kē thlēn fichi hwan pursuna, nga tē chēd fichi bēbi ichi sētēnwa."

26

Hārka Bulus I'ndē'en a Mbanitē Agiriffa

¹ Ndang Agiriffa Bulus wa: "Fērrufichi mbanda kē hērkangnē i'ndeku." Thla'ang Bulus hara, tērkaakēn shunda ndakēnwa,

² A shidī sa'a, naki hērkandē i'ndengnē bukweya a mbanitē Agiriffa kutura kē yakat shuwunchi mbutē Yahudawechē kē darna.

³ Sokkēn lē mbērtē naku sēn ē'nat sētta Yahudawecha tē ichi lanatnda halē'i'nda dārkēn. kēthlēm kichu nja hwanuta kē kikēnnē thlēm̄mata tē kērēsta.

⁴ Nat Yahudawecha shinndə witə soki sokti njang kə hwankimsha'a, thlata tərakəŋna həmtengna paɗ tə Urshelima taakə bukwēeya.

⁵ Shinndə nji kə soh, paɗ ma yehndəsi nanda mbəlla fər sheta ndatwa, naki hur humihi sherkə tə kuwur kus a hur tər mbandengnəm, sokki kələ Farisiyawata.

⁶ Nakənya njang kitta mbanitənuni kəthləm kə sikə fichi kiitasi kəthləm diffi handkiketengna kə ɗar nəhhata ɗəf shuni fərandə Fara kakechinəm.

⁷ Ɗəfshuwunkən naka kachitnəm kumngərənsə chap ɗəfkəndəsi mbah nanda nat nəhatə'en, paɗ nak nda kən hursi tə kuwur Fara nda fidiktə tə fara. Sokən kutura, kəthləm diffi handəkiketa ɗar nəhata ɗəfshuniniyu, sək nat Yahudawecha tərīmifa!

⁸ Mə sək a naɗengnuni bahwanatwa na Fara thla'andə məmatchəwa?

⁹ Njang tə i'ndengnə soh kəllayi nda keeke kə si ichə oi, kənji shunda Yəso lə Nazaratta kə ɗəka mban.

¹⁰ I səti hacha a Urshelima, a mbishi alchita mbəɗa pəktat pərist cha, kəthləm kə kublayi fa tər mbandə oi kə pursuna. Tə Paɗ fari nat ficha bələndə kanda nja kuwur diffitənanda.

¹¹ Lafərayi pwancha kanda mbət humta Yahudawechihi ləɗəfki kanda kə shuwunndə bəbishundə kə ɗar thləm Yəso. Kəthləm lanaki kəs komlə tə kanda kaən, lə naki kuwur kanda kə funə həmchə somsomən kəni sa pwanchə kanda.

Bulus Mbu'tə Kusheng Təbatə'enhi

¹² Ficha hur sətkichu, farəle nja pəɗata Di-maskə, tə yahta pəktat pəristcha tə yarat ɗəlwertī fəritənda.

13 A hur hwatfara mbanda, Sokən kutura kə nanəhi, nedi d̥wachita le sherangnga d̥wachita hwatfara, finkənna afshi taurikənhi njang tə shikechi witengna.

14 Uffani hēmkanīhi hachahaya, Səkki burata nditə tə mi Ibraniyanci, 'Shawulu, 'Shawulu, Kəthlēm̄mi natu fəri pwancha? Nanna fəra pwene i'ndeku tə sət atikrechit tə nji.'

15 Ndakiwa, 'Wunnaku Ləm̄wanda? "Ndikə Ləm̄wandəwa, 'Njang Yəso le natu fərapwancha.

16 Paḍ thla'u kə thlarnəhi kit. Chedki fandengna mbəḍeku kə d̄əffisa kəllasi tora, paḍ kə fərnə sheta kə ichi natu kə ḍarna, paḍ tə ichi nati chedutə kə mban.

17 Ni həkuta mbənda nofcheku tə punochə paḍ. Ni thlinsa mbəda punofchəkən,

18 Kəthlēm̄ kə i'ngnə hwanichengnadəhi, Kə təbərndəhi a hulta kə d̥wachitta, paḍ tə thlata alchita shedan kə alchita Fara, tə kichu nannda mbəskabidi ḍar bəbichitfecha, tə mbəs'ənhar nat tə fichile sokkə chidchid kəthlēm̄ a firndə kit kə mbəḍengna.

19 Kəthlēm̄ kichu, sokən Agiriffa kutura, a cherwi kə fərayi mwanda ənnda sənnatəwa baka haiya afshi kə mbəḍengna.

20 Tərkaaki basanda nofchisa Dimaska, kani sanda nofchəsa Urshelima chika ayi a thlet həmmət Yahudawecha, sayi punofchəsə paḍ, ndatwa kə tərḍəhi kə təmərḍəhi kə mbəda Fara, kə səndə ichi nachetəwa tirdəhi.

21 Ndəkən sək kəssitə Yahudawecha a kapat hura'a Fara, naknda kat kə bəllikənnda.

22 Paḍ kəssikə Farəsi kə nakənya, ndəkən nati mbəḍya kəni fər sheta kə bəda pəktechə tə hwecha.

Nga ənsomən nati mbutuwa, se i nat Tapənnəcha tə Musa ndatndəwa nan sətə,

²³ Keekesi Kərəsti kə san pwane, kə sokka tərka thlata məmatcha, Kəthləm kə bən tə ɸwachitta mbada nofcha, Yahudawecha tə punofchə nat."

²⁴ Bulussa ɸar hərkəndə fat'en Festus thləən ɸurat tə alchita ndakənwa: "Bulus, luwurchə naka tərutəwa! Yakat changngandeku təb'radə i'ndekuhi!"

²⁵ Ndak Bulus padwa: "Festus ləmwanda, nga luwurchətərikəwa. Kit nati mbuta a hur i'nda.

²⁶ Pad kutura shintə ichi natya, lə naki shu-nandə lechitfəwa. A shinisəwa kileesa ichini natyu, kəthləm nga ɸubweetə sət fichiwa.

²⁷ Agiriffa kutura, a firnə kit tə Tapənnəcha? A shiniwa firnə kit."

²⁸ Ndang Agiriffa Bulus wa: "A hur hanthlikchi ɸimekya yahtusa ləmnji kəsi Kərəsta?"

²⁹ Bulus pad ndakənwa: "Chika hanthlikchə ɸimek, ndu njang ndu nga njangwa nja hwandə tə ndatwa kəɸɸ Fara mənida sokən ɸengwa, nat tə fichile naka səknji ɸukweya, kənandə nda i'nati, nga nat tə chalalotiyawa."

³⁰ Thlaakə kutura, kichu pad ngomna tə Banis tə fichile natndə ɸəndassa mbət ərta.

³¹ Cheknda kishsha mbət kiita ndangnda ndaniwa: "Nifiya sutə i'kamkəsi kəkublang fichəwa, ndu kə ɸəlang fichəwa."

³² Ndang Agiriffa Festus wa: "Ma nga i'nakən nifiya thla'a də muh hanhar'enna ɸanitə Kaiser wa, ma kə kalfichəndəhi."

27

Bulus Yimma Kommbawal kə Roma

¹ Kə tahsandə fichi kanihi hur kommbawal kə thlaani kə thlet həmmət Italiya, Ndekən fərtədə Bulus tə funə hwanchə pursunacha a hara kapat ləthlərhwata Roma le nat thləmkənwa Yuliyus, ərta hurfa thlərhwatkena Kaisar Augustus.

² Yimkani kommbawal tə le i Adiramitiyum, le tahəskə thlaata kə thlet həmchi naka kəllarə Asiya, Tərkaakani wita. Aristarkus lə Tasalonikata i hachahai Makidoniya, məllan təkəm.

³ Bingətkən kana Sidon. Yuliyus chendaən kafata Bulus, kə dəka nat shikechikən, kə kəssangndəsi.

⁴ Thlaakani mbədya hur kommbawal nak rənna'a bahhandə kani. Kəthləm ndəkən dəkani tə diffitə tingring Sayifurus mbədi nguchit rənnaa tə alchitsi.

⁵ Diffitə chedəngnanikishsha hawurkən le nak nduk tə hachahai Kilikiya tə Famfiliya, Saakani Mira hachahai Likiya.

⁶ A mbənniyu kapat lə thlərhwata Romawecha mbəskən kommbawalla Alekzandariya lə dəta hachahai Italiya, Sikənkani hurkən.

⁷ Səkani mundə tə muncha kweekani nata witə həbakka, tə kweetə saatani nduk kə həmət Kinidus. Kə njandə rəna'a kani dəta mban, Kuwurkani tə kəllar tə mbədi nguchit rənnasi, tə diffitə tingring Kirit nduk tə Salmoni.

⁸ Nakani kwee mbərandəhi, kə mbədi lə at-fichiwa Kwescha mbət thlara kammbawalcha, nduk tə həmət Lasiya.

⁹ Nakən səbəfichi hanthlikchadi oi, wikən paḍ sokkən tə mboro, kəthləm a hanthlikchiniyu shid hurat langnga har kə farə kər kwisshimta i farə bəbichitfata mbirhi. Tidḍang Bulus

thlømmechengnanda.

¹⁰ Ndangna kandəwa: "Shisshingchengnuni kə sən tolla, Kəlladi wiya nannat tə mboro pad tə kubat ichi oi, nga kubat icha kommbawal ndengwa nat tə Shisshingchengnəm."

¹¹ Kapat ləthərhwatken ngəmaən tə i mbutə Buluswa, Kəthləm kichu kan thləmata shunda lə koharə kommbawaltəken pad tələ kommbawal təkən.

¹² Nakən mbət ngomta kommbawalcha Lasiya su keeke kə sok kommbawalchi fekta mbədyawa, nakən yakat funegnani ngəmkəndəfa kə dəficha mban tə wita, Pad kə kweefichihi kə saa ficha Finiks manan sətta, kəthləm kə sokdə fekta mbənniyu. Finiks mbət humta kommbawalchihi a chicheng Kirit le naka kəlladə kukuwun hishingta tə mbət həmfara, pad tə kukuwun harsəmta tə mbət həmfara.

Kapat Rənnə'a Hawurta

¹³ Tərkaakə rənnəa thlata tə kukkuwun harsəmtə ngunngundeh, saən nofchifiyuwa nanda mbəlla sət i naka handəkikechengnanda, kahangndə təppasidə kəskə kommbawal təkən har, kuwurkəndə tə chicheng Kirit, nduk tə mi hawurta.

¹⁴ Su tolluwa bak kapat rənnə'a tə kukuwun harsəmta tə mbət chet fara, thlaakə rənnəkəna tingringta.

¹⁵ Kətəptə rənnikən kommbawaltəkən, hulangna kəlladə rənnikən, ndəkən malandani nak rənnikəna pəkkani.

¹⁶ Kuwurkani tə diffitə hantingringta le nat thləmkənwa Kauda, mbədi tahtə alchita rənnahi,

kweekani kahhandə kommbawal təkən ka dəfta mi chichengta.

¹⁷ Diffitə kahhandə hwan kommbawal təkən kə hur kapat kommbawaltəkən, dathlkənda kənaŋ ndəhi kəffa kapat kommbawaltəkən kəthləm məninda fəffathladi. Tərangndə kuwurtə kommbawaltəkəna haya mbah na rənna'a njek nda kəllar kəthləm mbəlla'undə koharəkənwa, səkndə kichu kəthləm kanda lechita mənida muh kanda hansohhi Sirtis lela məhdəŋ ichi uf.

¹⁸ Kəthləm rənnikəna bahandəkəndə kaən, bingətəkən tərkaakəndə harandə ichihaya hur kommbawaltəkən, somkənnda hur ama.

¹⁹ A farə məkkatəkən kəndəŋ tə harchengnanda sommangndə ənat tor kommbawalchikənnadi.

²⁰ Kə sətani mənchə oi nuwani farə tə hanndərechewa, pad kapat dəf er tə rənna'a nakna təppandakani, kətangani handəkiketakish tə ndatwa ngani hərəktəwa.

²¹ Nakən mwinndəhi səmundə dəsəmtəwa, thlaakə Bulus kit a hurnanda, ndakənwa: "Nofcha, mamashikuni shundengna, təndatwa mə thla'iduni a tingring Kiritwa, ma həmwuni hur mboro tə kubat'ichiyawa.

²² Nakənya nja kahhandə thləmadəngnuni sam alchit fata, kəthləm nga yunəsə nasət mboro tə shishshingtə'ena hurnuniwa, kommbawaltəkən natficha sət mboro təkən ndak.

²³ Kəthləm a fidiki bəraayu mala'ika Fara le nati kə'ikən nati mwananda, thlarkən nduk tə nji,

²⁴ ndakənwa: "Buluswa, məlechinuwa. Sokən waat kəthlarna mbanitə kaisar. Andiya pad təmbənda kafata Fara nan həkəndə shikechə witeku."

25 Kəthləm ndəkən sam alchitafa kunang nofcha, kəthləm firikit kə mbənda Farə təndatwa i'mbwi'itəfichəyu, nakna nat kichu.

26 Sökkən waat kə muhang rənnaa kəmmađi kə ɖar hansohi tingring le."

27 A fidik kumgərənsə fwada təkən, nak nda njekkani a hawur Meditereniya. A ɖarfidikta fa koharə kummbawaltəkən tərəkəndəwa nakani nduk tə hachahaya.

28 Kikedangndə hwengngəchitta amkən, mbəssangndə a shee ishtə sarə aru tə kumchitchap. Dəkkani mban kudeh ngərkənda kikedanda, mbəskəndə ishtə sarə kumchit hanherta.

29 Kəthləm rahlechita məđi kommbawal eg-nani kuk ngwichəwa, kalkəndə ənnat thlarəndə kommbawaltəkən hi fichile nak ləklək fwada, tə ɖəffitə kommbawaltəkən kəthləm kə njaənwita. Hwankəndə Fara kəthləm kə wenmbət ledled.

30 Paɖ fa koharə kommbawaltəkən kakndə mba hərəktə. Tərangndə hwan kummbawaltəkənnə haya naknda sət ɖathla nda nanda tərəndə təppasi hai ləkləkyu kə mbanitə kapat kommbawaltəkən.

31 Ndəkən ndandə Bulussa kapat ləthlərhwatkena Roma tə fathlərhwechəkənwa: "Ma thlaru nofchihiya hur kommbawaltiyawa, nga mbandəsə natuni hərəktəwa."

32 Thlithlang fa thlərhwatəkən sahət hwan komm-bawal təkənəđi kalkəndəhi kə pəɖaka ɖar ama.

33 Kə nat mbət nduk wenda, hwanang Bulus kandəwa kə səmndə ɖəsəmta ndakənwa: "Bukweya mundə kumngərənsə fwada kuna puta, səmwuni ənwa.

³⁴ Kəthlēm ndəkən nja hwanandəkuni kə səmmuni dəsəmta kəthlēm ngwalngwalchit fadengnuni pad yunəsa hurnuni na mbah hwasə'en chika ətəwa."

³⁵ Kə mbutən kichu, təkən njohma saən usoko Fara a mbanitənanda chichaənhi tərkaakən chiita.

³⁶ Natnda mbəskəndə alchit səmdəsəmta.

³⁷ Uffani hur kommbawaltəkən nakani nifə aru kumkum chap tə kumchit mud ngərənsə tehethl (276).

³⁸ Kə səmtənda ngelnda, tahhandə ləkta komm-bawaltəkənhi, naknda som alkama hur ama.

Fəfathla Rahhaa Kommbawaladi

³⁹ Kə wentəmbəta, fa koharə kommbawaltəkən mbəsaundə furudī nanndəwa, mbətsi nguduk tə hansohitəsi. Tahaskəndəfa kə dəndə tə komm-bawaltəkənna dər hansohikən manansəta.

⁴⁰ Thlithlang ndə sahət təppaskənədə malkənda hur ama. Chatkichu padyu nangnda kwasandə sahchəkənhi a fa i latəprang kommbawaltəkənhi. Thla'angndə kuwurchi naka kommbawaltəkən keeke tə mbayi natrənnaa njekanda mban dəffanndə innda kəlarə hawurkən.

⁴¹ Kə saatani mbətkəmta ama, təkə kommbawaltəkən hansohita yimkə'innda kommbawaltəkəna hur hansohikən mbəlla'utə həhərtəfuwa. Tərkaakə kommbawaltəkən fəfathladi tə diffi kəthlēm rahha'a.

Fəfethl Kommbawalladi

⁴² Tahəskə fathlərhwatkənfa kəthlēm kə bəllangndə pursunechəkən, mənī yuneng nanda kun'ngoftə kə həkən.

⁴³ Nakən kapat ləthlərhwatkənna Roma yehsa həkəndə Bulus, njangnakanda. Fərkən shundə

tə alchita ndatwa: "Nat fichile mbərkə ama kə pəparnda hurkən kə chang ndə kə mi chicheng le."

⁴⁴ Tahhət pursunachəkən kə tərnda đar chichet afchəkən ndu hur chichet kommbawaltəkən. Təkichu chetndakish kə mi chichengkən ngwalngwal.

28

Bulus a Tingring Malta

¹ Diffitə hərəktengnani, səkaniwa, awi thləm tin-gringəyuwa Malta.

² Nofchi mbənniyu chedangdəkafata kani kaən. Thləkndə kani natani, njihangndə hwatakani kəthləm ersi pad mbitəsi.

³ Ngomkə Bulus afcha nakna sətta hwadiyu, chek hwithlnda kissha hur hwadiyu lenat yethaftə'en thlerthler, njo'aən hara Bulus.

⁴ Kə nat nofchi naka mbənniyu hwithlinkəna həhhərtəfa hara Bulus wangarra, ndangnda ndaniwa: "Kitchitkən nifiya ləbəlfatanakən! Andiya, chikanakən hirikka hurhawurta, nattəkichu alhaki enna kuwurndi nan mərta.

⁵ Bulus pad saktaən har'en muhaən hwithinkəna hur hwata, mbəsutə ndinditwa.

⁶ Naən kandəhiwa nan həthlta ndu kə həmənhichat kə mərren, səkndə tolla nunda saənwa, ngərkəndə yarətə ndatwa məllan witə farə mənakən.

⁷ A mbədə ndukya mbichisi i lə mbani tin-gringkən lə at fichiwa, Fubiliyus. Məllan thlək kani, fəraən mbət munda kani ndiichin, kəllakndəsa kani, i'mundə məkkan.

⁸ Shin Fubiliyus nduk tē hafat kakēnnda tē i dēlāhta. Yimkē Bulussa thlēmātken hwanaēnsi, dēffaēn hara in, kēnkē nifēkēnadi.

⁹ Paḍ kē sākēn kichu, nat tahēt haacha fichile naka thlet tingringēniyu naknda bāta nak fīcha kēnandē kandadi.

¹⁰ Fērangndē poffēna kani oi. Nakani thlata kommbawal tākēn, ngomangndē icha kani lenatani yahta.

Shee Bulus kē Hāmāt Roma

¹¹ Diffitē ndēraa mēkkan, thlaakani a tingring Malta hur kommbawal Alekzandiriya le tumbang fekta tingringkēn. Tahsa fīchi mirshing mēhdāt hwanmanchisi nda farēcha.

¹² Bakani Sirakus munkani mēkkanna mbēnniyu.

¹³ A mbēḍya paḍ pēḍakani kē Rikiyum. Diffitē mundē ērta, thlaakē rēnnē kukuwun harsēmta, Wendambēt paḍ saakani Futiyoli.

¹⁴ A mbēnniyu kēmkanī tē hwanmancha fa fērkit, hwanangndē kani kē sani mundē muḍ tē kanda. Tē kichu saatani Roma.

¹⁵ Kē sēktē fa tēmbanda Roma kusengnani, baknda sa marapa kani a lumō Affiyus, tē paḍ mbēndi la ndat fīchiwa mbēt tērtahai Mēkkan. Nak Bulus kanda saēn usoko Fara, ngērkan mbēs alchitafa.

¹⁶ Kē yimtani Roma ngēmang fīcha Bulus si kēḍa sokta a huri haiya rēmme tē lē thlērwhadi naka pundēhar.

Basa Bulus a Roma

¹⁷ Diffitē mundē mēkkan, Bulus akēn pēktat Yahudawecha ngomkēndēhi ndākēn ndandēna kandēwa: "Kunang hwanmancha, chika nakēn

sawi bəbi'en nofchengnəmwa, ndu bəbi'en i tərmbanda kakechengnəm, nat tə kichu a kəssi fīcha a Urshelima fərkəfīchi nji kə Roma kəkənnikənda.

¹⁸ Kandang paḍ kə usitəndəmihar, Yahkəndəsi kə kalndə njihi, kəthləm mbəsiwundə tə bəbi'en le saaka bəllitəwa.

¹⁹ Paḍ cherkə Yahudawechi ngəmtəfa, bakna soktə waat kə tərāyi muh hanharengna mban-itə Kaisar, chikanakən ngatəni muh hanhar nofchengnəmwa.

²⁰ Ndəkən sək kati kə nikuni, paḍ kə yaraam ichihi tə kuni, kəthləm le ndəftə Isra'ilaweche hanndəkiketa natnda pu'bat'en sək kənitifīcha tə chalalocha."

²¹ Ndəkən ndadəḍəwa: "Kang mbəswani yarat ndelwer a thlet həmət Yahudiya kə ḍarwuwa, nga yunə hwanmananisi bak tə kushengwuwa ndu kə mbu'un bəbi shunda ḍarwuwa.

²² Paḍ yahkanisi kə səkani yareku amiyeku, kəthləm i səntani, yuwa huməhi i lekiyu chikawuni mələ shuwun bəbi icha ḍarkən.

²³ Ḍəfkəndə fari natnda humtəhi tə Bulus, ndəkən batnda mbət tərtə'enahaya, bakndə kaən. Thlata bingta kə farəhufta məlla mwa'anda kanda tə sənə kuturichita Fara kandəsi, nakna kweetəhi kə kahən kanda bəḍa Yəso tə mba sakanda Musadi tə ḍelwercha Tapənecha.

²⁴ Funa ngəmmangndə i mbutən, funa paḍ cherkəndə fərkitsi.

²⁵ Kəthləm kichu halə'indəsa thlerənanda. Naknda malə mbənnihiyu shunang Bulus kəndə ərtə ndatwa: "Awi Sheməḍ Chidchid mbwitə kit, Shunandən kakechinuni tə miya tapənaa Ishaya

ndatwa:

²⁶ "Du mbənda nofchiya, kə ndangna kandəwa,
Səktə, nuni nata səktə, Paḏ nguni səndəwa,
Nat paḏ nuninatanata, nguni mbəssandəwa.

²⁷ Kəthləm hanndəkiketa nofchiya shid kwaakwa,
resh thləmechengnandaḏi, ngəlangndə
hwanichengnanda,
kəthləm mə nində tə hwanichengnandəwa kə
səkndə paḏ tə thləmechengnanda,
kə mbəsangndə tə hanḏəkikechengnanda,
kə təbərndəhi mbədengna kə kənayi kanda ḏi.

²⁸ Paḏ, kə sənuniwa, Fara a thlintə kuseng
hərəkta kə mbənda punofcha. Kandang paḏ
nanda kat thləmatsi.

²⁹ Kə mbukən kichu, thlaakə Yahudawecha
mbənniyu tə halə'ində kaən a hurḏiffitənanda.

³⁰ Bulus sokəna huriini natna kwandəyu hu-
rat chap məlla thlət fichile baka mbəḏ'en.

³¹ Nakən njawundə basəwa, nakna basə ku-
turichita Fara, nakna sakandaḏi kə ḏar Ləmwandə
Yəso Kərəsti nga lechitsuwa.

Boga New Testament Portion Portions of the New Testament in the Boga language of Nigeria

copyright © 2023 The Seed Company in collaboration with Language
Developecs and Bible Translators Association

Language: (Boga)

Contributor: Language Developers and Bible Translators

This translation is made available to you under the terms of the Creative
Commons Attribution Share-Alike license 4.0.

You have permission to share and redistribute this Bible translation in
any format and to make reasonable revisions and adaptations of this
translation, provided that:

You include the above copyright and source information.

If you make any changes to the text, you must indicate that you did so in
a way that makes it clear that the original licensor is not necessarily
endorsing your changes.

If you redistribute this text, you must distribute your contributions
under the same license as the original.

Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

Note that in addition to the rules above, revising and adapting God's Word
involves a great responsibility to be true to God's Word. See Revelation
22:18-19.

2025-07-02

PDF generated using Haiola and XeLaTeX on 1 Jul 2025 from source files
dated 2 Jul 2025

7ff1e4ab-f55d-5b63-a0cb-c9c683f93166